

宋六十一名家詞



宋八十一名家詞

乙集

明·毛子晉輯



第一輯
第二十一種

據汲古閣刊本排印
貝葉山房張氏藏版

放翁詞

目錄

念奴嬌一調	從溪沙二調	青玉案一調
水調歌頭一調	浪淘沙一調	定風波一調
南鄉子二調	滿江紅二調	感皇恩二調
好事近十三調	卜算子一調	鷓鴣天八調
驀山溪二調	卜算子一調	朝中措三調
臨江仙一調	蝶戀花四調	釵頭鳳一調
清商怨一調	水龍吟二調	秋波媚二調
採桑子一調	卜算子一調	沁園春三調
秦樓月一調	漢宮春二調	月上海棠二調
烏夜啼八調	眞珠簾二調	柳梢青二調
夜遊宮二調	安公子一調	木蘭花慢一調
蘇武慢一調	齊天樂二調	翠梅一調
洞庭春色一調	漁家傲一調	繡停針一調
桃源憶故人五調	極相思一調	一叢花二調

宋六十名家詞

隔浦蓮近拍二調

昭君怨一調

雙頭蓮二調

南歌子一調

憶王孫二調

醉落魄一調

鷓鴣仙三調

長相思五調

菩薩蠻二調

訴衷情二調

生查子二調

破陣子二調

上西樓一調

點絳脣一調

謝池春三調

洛陽春二調

杏花天一調

太平時一調

戀繡衾二調

風入松一調

風流子一調

放翁詞

宋 陸 游

念奴嬌 (招韓无咎遊金山)

禁門鐘曉。憶君來朝露初翔。鸞鵠西府中臺推獨步。行對金蓮宮燭。蹙繡華幃。僊葩寶帶。看即
飛騰速。人生難料。一尊此地相屬。回首紫陌青門。西湖開院。鎖千梢脩竹。素壁棲鴉。應好在。
殘夢不堪重續。歲月驚心。功名看鏡。短鬢無多綠。一歡休惜。與君同醉浮玉。

浣溪沙 (和无咎韻)

漫向寒爐醉玉瓶。喚君同賞小窗明。夕陽吹角最關情。忙日苦多閒日少。新愁常續舊愁生。
客中無伴怕君行。

又 (南鄭席上)

浴罷華清第二湯。紅綿撲粉玉肌涼。娉婷初試藕絲裳。鳳尺裁成猩血色。螭奩熏透麝臍香。
水亭幽處捧霞觴。

青玉案 (與朱景參會北嶺)

西風挾雨聲。亂浪恰洗盡黃茆瘴。老慣人間齊得喪。千巖高臥。五湖歸棹。替卻凌煙像。故人
小駐平戎帳。白羽腰間氣何壯。我老漁樵君將相。小槽紅酒。晚香丹荔。記取蠻江上。

水調歌頭

(多景樓)

江右占形勝。最數古徐州。連山如畫，佳處縹渺著危樓。鼓角臨風悲壯，烽火連空明滅。往事憶孫劉。千里曜戈甲，萬竈宿貔貅。露霑草，風落木，歲方秋。使君宏放，談笑洗盡古今愁。不見襄陽登覽，磨滅遊人無數。遺恨黯難收。叔子獨千載，名與漢江流。

浪淘沙

(丹陽浮玉亭席上作)

綠樹暗長亭。幾把離尊。陽關常恨不堪聞。何況今朝秋色裏，身是行人。清淚沁羅巾。各自消魂。一江離恨恰平分。安得千尋橫鐵鎖，截斷煙津。

定風波

(進賢道上見梅贈王伯壽)

欵帽垂鞭送客回。小橋流水一枝梅。衰病逢春都不記，誰謂幽香卻解逐人來。安得身閒頻置酒，攜手與君看到十分開。少壯相從今雪鬢，因其流年羈恨兩相催。

南鄉子

歸夢寄吳橋。水驛江程去路長。想見芳洲初繫纜，斜陽煙樹參差認武昌。愁鬢點新霜。是朝衣染御香。重到故鄉交舊少，淒涼卻恐他鄉勝故鄉。

又

早歲入皇州。尊酒相逢盡勝流。三十年來真一夢，堪愁客路蕭蕭兩鬢秋。蓬嶠偶重遊。不待

人嘲我自羞。看鏡倚樓俱已矣。扁舟月笛煙蓑萬事休。

滿江紅

危堞朱闌登覽處。一江秋色。人正似。征鴻社燕。幾番輕別。繾綣難忘當日語。淒涼又作他鄉客。問鬢邊。都有幾多絲。真堪織。楊柳院。鞦韆陌。無限事。成虛擲。如今何處也。夢魂難覓。金鴨微溫香縹渺。錦茵初展情蕭瑟。料也應。紅淚伴秋霖。燈前滴。

又（夔州儲王伯禮侍御寄梅之集）

疎檠幽香禁不過。晚寒愁絕。那更是。巴東江上。楚山千疊。欹帽閒尋西渡路。鞦韆笑向南枝說。恐使君。歸去上。鬢坡。孤風月。清鏡裏。悲華髮。山驛外。溪橋側。悽然回首處。鳳皇城闕。憔悴如今誰領略。飄零已是無顏色。問行廚。何日喚賓僚。猶堪折。

感皇恩（伯禮立存生日）

春色到人間。綵旛初戴。正好春盤細生菜。一般日月。只有僊家偏耐。雪霜從點鬢。朱顏在。溫
詔鼎來。延英催對。鳳閣鸞臺看除拜。對衣裁穩。恰稱毳紋新帶。箇時方旋了。功名債。

又

小閣倚秋空。下臨江洛。漠漠孤雲未成雨。數聲新雁。回首杜陵何處。壯心空萬里。人誰許。黃
閣紫樞。築壇開府。莫怕功名欠人做。如今熟計。只有故鄉歸路。石帆山脚下。菱三畝。

好事近（寄張真甫）

羈雁未成歸。腸斷寶箏零落。那更凍醪無力。似故人情薄。瘴雲蠻雨暗孤城。身在楚山角。煩問劍南消息。怕還成疎索。

又

風露九霄寒。侍宴玉華宮闕。親向紫皇香案。見金芝千葉。碧壺僊露醞初成。香味兩奇絕。醉後卻騎丹鳳。看蓬萊春色。

又（次宇文卷日韻）

客路苦思歸。愁似繭絲千緒。夢裏鏡湖煙雨。看山無重數。尊前消盡少年狂。慵著送春語。花落燕飛庭戶。歎年光如許。

又

歲晚喜東歸。掃盡市朝陳迹。揀得亂山環處。釣一潭澄碧。賣魚沽酒醉還醒。心事付橫笛。家在萬重雲外。有沙鷗相識。

又

華表又千年。誰記駕雲孤鶴。回首舊曾遊處。但山川城郭。紛紛車馬滿人間。塵土汙芒屨。且訪葛仙丹井。看巖花開落。

又

揮袖別人間。飛躡峭崖蒼壁。尋見古僊丹竈。有白雲成積。心如潭水靜無風。一坐數千息。夜半忽驚奇事。石鯨波激日。

又

湓口放船歸。薄暮散花洲宿。兩岸白蘋紅蓼。映一蓑新綠。有沽酒處便爲家。菱芡四時足。明日又乘風去住。江南江北。

又

登梅仙山絕頂望海

揮袖上西峯。孤絕去天無尺。拄杖下臨鯨海。數煙帆歷歷。貪看雲氣舞青鸞。歸路已將夕。多謝半山松吹。解殷勤留客。

又

小倦帶除醒。澹澹數椹斜日。驅退睡魔十萬。有雙龍蒼壁。杖凍雲深處。探溪梅消息。少年莫笑老人衰。風味似平昔。扶

又

覓箇有緣人。分付玉壺靈藥。誰向市塵深處。識遼天孤鶴。月中吹笛下巴陵。條華赴前約。今古廢興何限。歎山川如昨。

又

平日出秦關。雪色駕車雙鹿。借問此行安往。賞清伊脩竹。漢家宮殿劫灰中。春草幾回綠。君看變遷如許。況紛紛榮辱。

又

秋曉上蓮峯。高蹠倚天青壁。誰與放翁爲伴。有天壇輕策。鏗然忽變赤龍飛。雷雨四山黑。談笑做成豐歲。笑禪龜柳栗。

又

混迹寄人間。夜夜畫樓銀燭。誰見五雲丹竈。養黃芽初熟。春風歸從紫皇遊。東海宴陽谷。進罷碧桃花賦。賜玉麈千斛。

玉蝴蝶（王忠州家席上作）

倦客平生行處。陰鞭京洛。解佩瀟湘。此夕何年。來賦宋玉高唐。繡簾開。香塵乍起。蓮步穩。銀燭分行。暗端相。燕羞鶯妒。蝶擾蜂忙。難忘芳尊頻勸。峭寒新退。玉漏猶長。幾許幽情。只愁歌罷月侵廊。欲歸時。司空笑問。微近處。丞相嗔狂。斷人腸。假饒相送。上馬何妨。

鷓鴣天

杖屨尋春苦未遲。洛城櫻筍正當時。三千界外歸初到。五百年前事總知。吹玉笛。渡清伊。相

逢休問姓名誰。小車處士深衣叟。曾是天津共賦詩。

又

家住東吳近帝鄉。平生豪舉少年場。十千沽酒青樓上。百萬呼盧錦瑟旁。身易老。恨難忘。尊前贏得是淒涼。君歸爲報京華舊。一事無成兩鬢霜。

又（改前驛作）

看盡巴山看蜀山。子規江上過春殘。慣眠古驛常安枕。熟聽陽關不慘顏。慵服氣。懶燒丹。不妨青鬢戲人間。祕傳一字神仙訣。說與君知只是頑。

又

梳髮金盤剩一窩。畫眉鸞鏡暈雙蛾。人間何處無春到。只有伊家獨占多。微步處。奈嬌何。春衫初換麴塵羅。東鄰鬪草歸來晚。忘卻新傳子夜歌。

又

家住蒼煙落照間。絲毫塵事不相關。斟殘玉瀝行穿竹。卷罷黃庭臥看山。貪嘯傲。任衰殘。不妨隨處一開顏。元知造物心腸別。老卻英雄似等閒。

又

插脚紅塵已是顛。更求平地上青天。新來有箇生涯別。買斷煙波不用錢。沽酒市。採菱船。醉

聽風雨擁蓑眠。三山老子真堪笑。見事遲來四十年。

又

懶向青門學種瓜。只將漁釣送年華。雙雙新燕飛春岸。片片輕鷗落晚沙。歌縹緲。鱸嘔啞。酒如清露鮮如花。逢人問道歸何處。笑指船兒此是家。

又（薛公肅家席上作）

南浦舟中兩玉人。誰知重見楚江濱。憑教後苑紅牙版。引上西川綠錦茵。纔淺笑。卻輕嚙。淡黃楊柳又催春。情知言語難傳恨。不似琵琶道得真。

暮山溪（送伯禮）

元戎十乘。出次高唐館。歸去舊鷓行。更何人。齊飛霄漢。瞿唐水。落惟是淚波深。催疊鼓。起牙樯。難鎖長江斷。春深鼉禁。紅日宮甍暖。何處望音塵。黯消魂。層城飛觀。人情見慣。不敢恨相忘。梅驛外。蓼灘邊。只待除書看。

又（遊三榮龍洞）

窮山孤壘。臘盡春初破。寂寞掩空齋。好一箇。無聊底我。嘯臺龍岫。隨分有雲山。臨淺瀨。陰長松。閒據胡牀坐。三杯徑醉。不覺紗巾墮。畫角喚人歸。落梅村。籃輿夜過。城門漸近。幾點妓衣紅。官驛外。酒壚前。也有閒燈火。

玉樓春（立春日作）

三年流落巴山道。破盡青山塵滿帽。身如西瀼渡頭雲。愁抵瞿唐關上草。春盤春酒年年好。試戴銀旛判醉倒。今朝一歲大家添。不是人間偏我老。

朝中措（梅）

幽姿不入少年場。無語只淒涼。一箇飄零身世。十分冷淡心腸。江頭月底。新詩舊夢。孤恨清香。任是春風不管。也曾先識東皇。

又（代譚德稱作）

怕歌愁舞懶逢迎。妝晚託春醒。總是向人深處。當時枉道無情。關心近日。啼紅密訴。翦綠深盟。杏館花陰恨淺。畫堂銀燭嫌明。

又

粼粼難鼓篋流年。燭焰動金船。綵燕難尋前夢。酥花空點春妍。文園謝病。蘭城久旅。回首淒然。明月梅山笛夜。和風禹廟鶯天。

臨江仙（離果州作）

鳩雨催成新綠。燕泥收盡殘紅。春光還與美人同。論心空眷眷。分袂卻匆匆。只道真情易寫。那知怨句難工。水流雲散各西東。半廊花院月。一帽柳橋風。

蝶戀花（離小益作）

陌上簫聲寒。食近雨過園林。花氣浮芳潤。千里斜陽鐘欲暝。憑高望斷南樓信。海角天涯行略盡。三十年間無處無遺恨。天若有情終欲問。忍教霜點相思鬢。

又

桐葉晨飄蛩夜語。旅思秋光。黯黯長安路。忽記橫戈盤馬處。散關清渭應如故。江海輕舟今已具。一卷兵書。歎息無人付。早信此生終不遇。當年悔草長楊賦。

又

水漾萍根風捲絮。倩笑嬌顰。忍記逢迎處。只有夢魂能再過。堪嗟夢不由人做。夢若由人何處去。短帽輕衫。夜夜眉州路。不怕銀缸深繡戶。只愁風斷青衣渡。

又

禹廟蘭亭今古路。一夜清霜。染盡湖邊樹。鸚鵡杯深君莫訴。他時相遇知何處。冉冉年華留不住。鏡裏朱顏。畢竟消磨去。一句丁甯君記取。神僊須是閒人做。

錢頭鳳

紅酥手。黃蔞酒。滿城春色宮牆柳。東風惡。歡情薄。一懷愁緒。幾年離索。錯錯錯。春如舊。人空瘦。淚痕紅。泡蛟綃。透桃花落。開池閣。山盟雖在。錦書難託。莫莫莫。

清商怨（葭萌驛作）

江頭日暮痛飲。乍雪晴猶凜。山驛淒涼。燈昏人獨寢。鴛機新寄斷錦。歎往事、不堪重省。夢破南樓。綠雲堆一枕。

水龍吟（榮南作）

尊前花底尋春處。堪歎心清全減。一身萍寄。酒徒雲散。佳人天遠。那更今年。瘴煙蠻雨。夜郎江畔。漫倚樓橫。笛隨窗石鏡。時揮涕。驚流轉。花落月明。庭院悄無言。魂消腸斷。憑肩攜手。當時曾效。畫梁栖燕。見說新來。網縈塵暗。舞衫歌扇。料也羞憔悴。慵行芳徑。怕啼鶯見。

又（集中逸）

摩訶池上追遊客。紅綠參差春晚。韶光妍媚。海棠如醉。桃花欲暖。挑菜初閑。禁煙將近。一城絲管。看金鞍爭道。香車飛蓋。爭先占新亭館。惆悵年華暗換。黯銷魂。雨收雲散。鏡奩掩月。釵梁折鳳。秦箏斜雁。身在天涯。亂山孤島。危樓飛觀。歎春來、只有楊花和恨。向東風滿。

秋波媚（七月十六日晚登高興亭望長安南山）

秋到邊城角聲哀。烽火照高臺。悲歌擊筑，憑高酌酒，此興悠哉。多情誰似南山月，特地暮雲開。灞橋煙柳，曲江池館，應待人來。

又

曾散天花藥珠宮。一念墮塵中。鉛華洗盡，珠璣不御，道骨僂風。東遊我醉騎鯨去，君駕素鸞從。垂虹看月，天台采藥，更與誰同。

采桑子

寶釵樓上妝梳晚。懶上鞦韆。閒撥沈煙。金縷衣寬睡髻偏。鱗鴻不寄遼東信。又是經年。彈淚花前。愁入春風十四弦。

卜算子（詠梅）

驛外斷橋邊。寂寞開無主。已是黃昏獨自愁。更著風和雨。無意苦爭春。一任羣芳妒。零落成泥碾作塵。只有香如故。

沁園春（三榮橫溪閣小宴）

粉破梅梢綠動。蒼叢春意已深。漸珠簾低卷。筇枝微步。冰開躍鯉。林暖鳴禽。荔子扶疎。竹枝哀怨。濁酒一尊和淚樹。憑闌久。歎山川冉冉。歲月駸駸。當時豈料如今。漫一事無成。霜鬢侵看。故人強半。沙隄黃閣。魚懸帶玉。貂映蟬金。許國雖堅。朝天無路。萬里淒涼誰寄音。東風裏。有灑橋煙柳。知我歸心。

又

一別秦樓轉眼新春。又近放燈。憶盈盈倩笑。纖纖柔握。玉香花語。雪暖酥凝。念遠愁腸。傷春病

思自怪平生殊未曾。君知否。漸香消蜀錦。淚漬吳綾。難求繫日長繩。況倦客飄零。少舊朋。但江郊雁起。漁村笛怨。寒缸委燼。孤硯生冰。水繞山圍。煙昏雲慘。縱有高臺。常怯登消魂處。是魚牋不到。蘭夢無憑。

又

孤鶴歸飛。再過遼天。換盡舊人。念業業枯家。茫茫夢境。王侯螻蛄。畢竟成塵。載酒園林。尋花巷陌。當日何曾輕負。春流年改。歎圍腰帶剩。點鬢霜新。交親散落如雲。又豈料如今。餘此身。幸眼明身健。茶甘飯軟。非惟我老。更有人貧。躲盡危機。消殘壯志。短艇湖中間。采蓴。吾何恨。有漁翁共醉。谿友爲鄰。

秦樓月

玉花驄。晚街金轡聲。瓊聲瓊聲。開歌烏帽。又過城東。富春巷陌。花重重。千金沽酒酬春風。酬春風。笙歌圍裏。錦繡叢中。

漢宮春

（張園賞海棠作。園故蜀燕王宮也。）

浪迹人間。喜聞猿楚峽。學劍秦川。虛舟汎然不繫。萬里江天。朱顏綠鬢。作紅塵無事神僊。何妨在鶯花海裏。行歌閒送流年。休笑放慵狂眼。看閒坊深院。多少嬋娟。燕宮海棠。夜宴花殘。金船如椽。畫燭酒闌時。百炬吹煙。憑寄語。京華舊侶。幅巾莫換貂蟬。

又（初自南鄭來成都作）

羽箭雕弓憶呼鷹古壘。截虎平川。吹箭暮歸野帳。雪壓青氈。淋漓醉墨。看龍蛇飛落蠻牋。人誤許詩情將略。一時才氣超然。何事又作南來。看重陽藥市。元夕燈山。花時萬人樂處。欲帽垂鞭。聞歌感舊。尚時時流涕尊前。君記取。封侯事在。功名不信由天。

月上海棠

（成都城南有蜀王舊苑多梅皆二百餘年古木）

斜陽廢苑朱門閉。弔興亡遺恨。淚痕裏。淡淡宮梅也依然。點酥翦水。凝愁處似憶宣華舊事。行人別有淒涼意。折幽香誰與寄千里。佇立江皋。杳難逢隴頭歸騎。音塵遠。楚天危樓獨倚。
華故蜀苑名。

又

蘭房繡戶厭厭病。歎春醒和悶甚時醒。燕子空歸。幾曾傳玉關邊信。傷心處。獨展團窠瑞錦。熏籠消歇沈煙冷。淚痕深展轉看花影。漫擁餘香。怎禁他峭寒孤枕。西窗曉。幾聲銀瓶玉井。

烏夜啼

金鴨餘香尚暖。綠窗斜日偏明。蘭膏香染雲鬢膩。釵墜滑無聲。冷落鞦韆伴侶。闌珊打馬心情。繡屏驚斷瀟湘夢。花外一聲鶯。

又

簷角楠陰轉日。樓前荔子吹花。鷓鴣聲裏霜天晚。疊鼓已催衙。鄉夢時來枕上。京書不到天涯。滌邦人訟少文移省。開院自煎茶。

又

我按丹臺玉宇。君書蕊殿雲篇。錦官城裏重相遇。心事兩依然。攜酒何方處處。尋梅共約年年。細思上界多官府。且作此行僊。

又

世事從來慣見。吾生更欲何之。鏡湖西畔秋千頃。鷗鷺共忘機。一枕蘋風午醉。二升菰米晨炊。故人莫訝音書絕。釣侶是新知。

又

素意幽棲物外。塵緣浪走天涯。歸來猶幸身强健。隨分作山家。已趁餘寒泥酒。還乘小雨移花。柴門盡日無人到。一徑傍谿斜。

又

園館青林翠樾。衣巾細葛輕紈。好風吹散霏微雨。沙路喜新乾。小燕雙飛水際。流鶯百轉林端。投壺聲斷彈棋罷。閒展道書看。

又

從宦元知漫浪還。家更覺清真。蘭亭道上多脩竹。隨處岸綸巾。泉冽偏宜雪茗。菰香雅稱絲蓴。脩然一飽西窗下。天地有閒人。

又

紈扇嬋娟素月。紗巾縹緲輕煙。高槐葉長陰初合。清潤雨餘天。弄筆斜行小草。鉤籠淺醉閒眠。更無一點塵埃到。枕上聽新蟬。

眞珠簾

山村水館參差路。感羈遊。正似殘春風絮。掠地穿簾。知是竟歸何處。鏡裏新霜空自憫。問幾時。鸞臺鶴署。遲暮。漫憑高懷遠。書空獨語。自古儒冠多誤。悔當年。早不扁舟歸去。醉下白蘋洲。看夕陽。鷗鷺菰菜鱸魚都棄了。只換得青衫塵土。休顧。早收身。江上一蓑煙雨。

又

燈前月下嬉遊處。向笙歌錦繡叢中相遇。彼此知名。纔見便論心素。淺黛嬌蟬風調別。最動人。時時偷顧。歸去想。閒窗深院。調弦促柱。樂府初翻。新譜漫裁。紅點翠。閒題金縷。燕子人簾時。又一番春暮。暮側帽燕脂坡下。過料也。計前年。崔護。休訴。待從今。須與好花爲主。

柳梢青

（故蜀燕王宮海棠之盛爲成都第一。今屬張氏。）

錦里繁華。環宮故邸。疊萼奇花。俊客妖姬。爭飛金勒。齊駐香車。何須幕障幃遮。寶杯浸紅雲。

瑞霞銀燭光中。清歌聲裏。休恨天涯。

又（乙巳二月西典附別）

十載江湖行歌沽酒。不到京華。底事翩然。長亭煙草。衰鬢風沙。憑高目斷天涯。細雨外樓臺。萬家只恐明朝。一時不見。人共梅花。

夜遊宮（記夢寄師伯淮）

雪曉清笳亂起。夢遊處。不知何地。鐵騎無聲望似水。想關河。雁門西。青海際。睡覺寒燈裏。漏聲斷。月斜窗紙。自許封侯在萬里。有誰知。鬢雖殘。心未死。

又（宮詞）

獨夜寒侵翠被。奈幽夢。不成還起。欲寫新愁淚。紙。憶承恩。歎餘生。今至此。菽菽燈花墜。問此際。報人何事。咫尺長門過萬里。恨君心。似危闌。難久倚。

安公子

風雨初經社。子規聲裏春光謝。最是無情。零落盡。喬薇一架。況我今年。憔悴幽窗下。人盡怪。詩酒消聲價。向藥爐經卷。忘卻鶯窗柳榭。萬事收心也。粉痕猶在香羅帕。恨月愁花。爭信道。如今都罷。空憶前身。便面章臺馬。因自來。禁得心腸怕。縱遇歌逢酒。但說京都舊話。

木蘭花慢（夜登青城山玉華樓）

闕邯鄲夢境。歎綠鬢早霜侵。奈華嶽燒丹，青谿看鶴，尙負初心。年來向濁世裏，悟真詮祕訣絕幽深。養就金芝九畹，種成琪樹千林。星壇夜學步虛吟，露冷透瑤簪。對翠鳳披雲，青鸞遡月，宮闕蕭森。琅函一封奏罷，自鈞天帝所有知音。卻遇蓬壺嘯傲，世間歲月駸駸。

蘇武慢（唐西安湖）

澹靄空濛，輕陰清潤，綺陌細塵初靜。平橋繫馬，畫閣移舟，湖水倒空如鏡。掠岸飛花，傍簷新燕，都是學人無定。歎連年戎帳，經春邊壘，暗凋顏鬢。空記憶、杜曲池臺，新豐歌管，怎得故人音信。羈懷易感，老伴無多，談麈久閒犀柄。惟有翛然，筆牀茶竈，自適筇輿煙艇。待綠荷遮岸，紅蕖浮水，更乘幽興。

齊天樂（左綿道中）

角殘鐘晚，關山路，行人乍依孤店。寒月征塵，鞭絲帽影，常把流年虛占。藏鴉柳暗，歎輕負鶯花，漫勞書劍。事往關情，悄然頻動壯遊念。孤懷誰與強遣。市墟沽酒，酒薄怎當愁釀。倚瑟妍詞，調鉛妙筆，那寫柔情芳豔。征途自厭，況煙斂蕪痕，雨稀萍點。最是眠時，枕寒門半掩。

又（三榮人自作）

客中隨處，閒消悶，來尋嘯臺龍岫。路斂春泥，山開翠霧，行樂年年依舊。天工妙手，放輕綠萱芽，淡黃楊柳。笑問東君，爲人能染鬢絲否。西州催去近也，帽簷風軟，且看市樓沽酒。宛轉巴歌。

淒涼寒管。攜客何妨頻奏。征塵暗袖。漫禁得梅花。伴人疎瘦。幾日東歸。畫船平放溜。

望梅

壽非金石。恨天教老向。水程山驛。似夢裏來到。南柯這些子。光陰更堪輕擲。戍火邊城。又過了。一年春色。歎名姬駿馬。盡付杜陵苑路豪客。長繩漫勞繫日。看人間俯仰。俱是陳迹。縱自倚英氣凌雲。奈回盡鵬程。綴殘鸞翮。終日憑高。諳不見江東消息。算沙邊也有。斷鴻倩誰問得。

洞庭春色

壯歲文章。暮年勳業。自昔誤人。算英雄成敗。軒裳得失。難如人意。空喪天真。請看邯鄲當日夢。待炊罷黃粱。徐欠伸。方知道許多時富貴。何處關身。人間定無可意。怎換得玉餽絲尊。且釣竿漁艇。筆牀茶竈。閒聽荷雨。一洗衣塵。洛水情關千古後。尙棘暗銅駝。空愴神。何須更慕封侯。定遠。圖像麒麟。

漁家傲（寄仲高）

東望山陰何處是。往來一萬三千里。寫得家書空滿紙。流清淚。書回已是明年事。寄語紅橋橋下水。扁舟何日尋兄弟。行徧天涯真老矣。愁無寐。鬢絲幾縷茶煙裏。

繡停針

數半紀。跨萬里秦吳。頓覺衰謝。回首鄉行。英俊並遊。咫尺玉堂金馬。氣凌嵩華。負壯略。縱橫王

霸夢經洛浦。梁園覺來淚流如瀉。山林定去也。卻自恐說著。少年時話。靜院焚香。閒倚素屏。今古總成虛假。趁時婚嫁。幸自有湖邊茅舍。燕歸應笑客中。又還過社。

桃園憶故人（并序）

三榮郡治之西。因子城作樓觀。曰高齋。下臨山村。豁然如世外。予留七日。被命參成都戎幕而去。臨行。徙倚竟日。作桃園憶故人。

斜陽寂歷柴門閉。一點炊煙時起。鷄犬往來林外。俱有肅然意。衰翁老去疎榮利。絕愛山城無事。臨去畫樓頻倚。何日重來此。

又（應靈道中）

闌干幾曲高齋路。正在重雲深處。丹碧未乾人去。高棟空留句。離離芳草長亭暮。無奈征車不住。惟有斷鴻煙渚。知我頻回顧。

又

一彈指頃浮生過。墮甌元知當破。去去醉吟高臥。獨唱河須和。殘年還我從來我。萬里江湖煙舸。脫盡利名韁鎖。世界元來大。

又

城南載酒行歌路。冶葉倡條無數。一朵鞵紅凝露。最是關心處。鶯聲無賴催春去。那更兼句。

風雨。試問歲華何許。芳草連天暮。

又

中原當日山川震。關輔回頭煨燼。淚盡兩河征鎮。日望中興運。秋風霜滿青青鬢。老卻新豐。英俊雲外華山千仞。依舊無人問。

極相思

江頭疎雨輕煙。寒食落花天。繾紅墜素。殘霞暗錦。一段淒然。惆悵東君堪恨處。也不念。冷落尊前。那堪更看漫空相趁。柳絮榆錢。

一叢花

尊前凝佇漫魂迷。猶恨負幽期。從來不慣傷春淚。爲伊後。滴滴羅衣。那堪更是。吹簫池館。青子綠陰時。回廊簾影畫參差。偏共睡相宜。朝雲夢斷知何處。倩雙燕。說與相思。從今判了。十分憔悴。圖要箇人知。

又

僊姝天上自無雙。玉面翠蛾長。黃庭讀罷心如水。閉朱戶。愁近絲簧。窗明几淨。閒臨唐帖。深炷寶奩香。人間無藥駐流光。風雨又催涼。相逢共話清都舊。歎塵劫。生死茫茫。何如伴我。綠蕪青筍。秋晚釣瀟湘。

隔浦蓮近拍

飛花如趁燕子直度簾櫳裏。帳掩香雲暖。金籠鸚鵡驚起。凝恨慵梳洗。妝臺畔。蘸粉纖纖指。寶釵墜。才醒又困。恹恹中酒滋味。牆頭柳暗。過盡一年春事。罨畫高樓。怕獨倚。千里孤舟何處。煙水。

又

騎鯨雲路倒景。醉面風吹醒。笑把浮邱袂。寥然非復塵境。震澤秋萬頃。煙霏散。水面飛金鏡。露華冷。湘妃睡起。鬢傾釵墜慵整。臨江舞處。零亂寒鴻清影。河漢橫斜。夜漏永。人靜。吹簫同過。緜嶺。

昭君怨

書永蟬聲庭院。人倦懶搖團扇。小景寫瀟湘。自生涼。簾外蹴花雙燕。籠下有人同見。寶篆拆。宮黃炷薰香。

雙頭蓮（早范至能待制）

華鬢星星。驚壯志成虛。此身如寄。蕭條病驥。向暗裏消盡。當年豪氣。夢斷故國山川。隔重重煙水。身萬里。舊社凋零。青門俊遊誰記。盡道錦里繁華。歎官閒書永。柴荆添睡。清愁自醉。念此際。付與何人心事。縱有楚柁吳橋。知何時東逝。空悵望。鮪美。孤香秋風又起。

又

風捲征塵。堪歎處。青驄正搖金轡。客襟貯淚。漫萬點如血。憑誰持寄。佇想豔態幽情。歷江南佳麗。春正媚。怎忍長亭匆匆頓分連理。目斷淡日平蕪。口烟濃樹遠。微茫如蕘。悲歡夢裏。奈倦客又是關河千里。最苦唱徹驪歌。重遲留無計。何限事。待與丁甯行時已醉。

南歌子（送周機宜之益昌）

異縣相逢晚。中年作別難。暮秋風雨客衣寒。又向朝天門外話悲歡。瘦馬行霜棧。輕舟下雪灘。烏奴山下一林丹。爲說三年常寄夢魂間。

憶王孫

春風樓上柳腰肢。初試花前金縷衣。嫋嫋娉娉不自持。曉妝遲。畫得蛾眉勝舊時。

又

一春常是雨和風。風雨晴時春已空。誰惜泥沙萬點紅。恨難窮。恰似衰翁一世中。

醉落魄

江湖醉客。投杯起舞。遺烏幘。三更冷翠霑衣濕。嫋嫋菱歌。吹落半川月。空花昨夢休尋覓。雲臺麟閣俱陳迹。元來只有閒難得。青史功名。天卻無心惜。

鵲橋倦

華燈縱博。雕鞍馳射。誰記當年豪舉。酒徒一半取封侯。獨去作江邊漁父。輕舟八尺。低篷三扇。占斷蘋洲煙雨。鏡湖元自屬閒人。又何必、官家賜與。

又

一竿風月。一蓑煙雨。家在釣臺西住。賣魚生怕近城門。況肯到、紅塵深處。潮生理。櫂潮平繫纜。潮落浩歌歸去。時人錯把比嚴光。我自是、無名漁父。

又（夜聞杜鵑）

茅簷人靜。蓬窗燈暗。春晚連江風雨。林鶯巢燕總無聲。但月夜、常啼杜宇。催成清淚。驚殘孤夢。又揀深枝飛去。故山猶自不堪聽。況半世、飄然羈旅。

長相思

雲千重。水千重。身在千重雲水中。月明收釣筒。頭未童。耳未聾。得酒猶能雙臉紅。一尊誰與同。

又

橋如虹。水如空。一葉飄然煙雨中。天教稱放翁。側船篷。使江風。蟹舍參差漁市東。到時聞暮鐘。

又

面蒼然鬢皤然。滿腹詩書不值錢。官閒常晝眠。晝凌煙。上甘泉。自古功名屬少年。知心惟杜鵑。

又

暮山青。暮霞明。夢筆橋頭艇子橫。蘋風吹酒醒。看潮生。看潮平。小住西陵莫較程。尊絲初可烹。

又

悟浮生。厭浮名。回視千鍾一髮輕。從今心太明。愛松聲。愛泉聲。寫向孤桐誰解聽。空江秋月

菩薩蠻

江天淡碧雲如掃。蘋花零落尊絲老。細細晚波平。月從波面生。漁家真箇好。悔不歸來早。經歲洛陽城。鬢絲添幾莖。

又

小院蠶眠春欲老。新巢燕乳花如掃。幽夢錦城西。海棠如舊時。當年真草草。一擢還吳早。題罷惜春詩。鏡中添鬢絲。

訴衷情

當年萬里覓封侯。匹馬戍梁州。關河夢斷何處。塵暗舊貂裘。胡未滅。鬢先秋。淚空流。此生誰料。心在天山。身老滄洲。

又

青衫初入九重城。結友盡豪英。蠟封夜半傳檄。馳騎諭幽并。時易失。志難成。鬢絲生。平章風月。彈壓江山。別是功名。

生查子

還山荷主恩。聊試扶犁手。新結小茅茨。恰占清江口。風塵不化衣。鄰曲常持酒。那似宦遊時。折盡長亭柳。

又

梁空燕委巢。院靜鳩催雨。香潤上朝衣。客少閒談麈。鬢邊千縷絲。不是吳蠶吐。孤夢泛瀟湘。月落聞柔櫓。

破陣子

仕至千鍾良易。年過七十常稀。眼底榮華元是夢。身後聲名不自知。營營端爲誰。幸有旗亭沽酒。何妨繭紙題詩。幽谷雲蘿朝採藥。靜院軒窗夕對棋。不歸真箇癡。

又

看破空花塵世。放輕昨夢浮名。蠟屐登山真率飲。筇杖穿林自在行。身閒心太平。料峭餘寒猶力。廉纖細雨初晴。苔紙閒題谿上句。菱唱遙聞煙外聲。與君同醉醒。

上西樓

江頭綠暗紅稀。燕交飛。忽到當年行處。恨依依。灑清淚。歎人事。與心違。滿酌玉壺花露。送春歸。

點絳脣

采藥歸來。獨尋茆店。沾新釀。暮煙千嶂。處處聞漁唱。醉弄扁舟。不怕黏天浪。江湖上。這回疎放。作箇閒人樣。

謝池春

壯歲從戎。曾是氣吞殘虜。陣雲高。狼煙夜舉。朱顏青鬢。擁雕戈西戍。笑儒冠。白來多誤。功名夢斷。卻泛扁舟吳楚。漫悲歌。傷懷弔古。煙波無際。望秦關何處。歎流年。又成虛度。

又

賀鑑湖邊。初繫放翁歸櫂。小園林。時時醉倒。春眠驚起。聽啼鶯催曉。歎功名。誤人堪笑。朱橋翠徑。不許京塵飛到。掛朝衣。東歸欠早。連宵風雨。捲殘紅如掃。恨尊前。送春人老。

又

七十衰翁。不減少年豪氣。似天山。淒涼病驥。銅駝荆棘。灑臨風清淚。甚情懷。伴人兒戲。如今何幸。作箇故谿歸計。鶴飛來。晴嵐暖翠。玉壺春酒。約羣僊同醉。洞天寒。露桃開未。

洛陽春

滿路遊絲飛絮。韶光將暮。此時誰與說新愁。有百轉流鶯語。俯仰人間今古。神僊何處。花前須判醉扶歸。酒不到劉伶墓。

又

識破浮生虛妄。從人譏謗。此身恰似弄潮兒。曾過了千重浪。且喜歸來無恙。一壺春釀。雨蓑煙笠。傍漁磯。應不是封侯相。

杏花天

老來駒隙。駸駸度。算只合狂歌醉舞。金杯到手。君休訴。看著春光又暮。誰爲倩柳條繫住。且莫遣城笳催去。殘紅轉眼無尋處。盡屬蜂房燕戶。

太平時

竹裏房櫳一徑深。靜悄悄。亂紅飛盡。綠成陰。有鳴禽。臨罷蘭亭無一事。自修琴。銅爐裊裊。海
南沈洗塵襟。

戀繡衾

不惜貂裘換釣篷。嗟時人。誰識放翁。歸權借樵風穩。數聲聞。林外鐘暮。幽棲莫笑蝸廬小。有雲山。煙水萬重。半世向丹青看。喜如今。身在畫中。

又

無方能駐臉上紅。笑浮生。擾擾夢中。平地是沖霄路。又何勞。千日甲功。飄然再過蓮峯下。亂雲深。吹下暮鐘。訪舊隱。依然在。但鶴巢時有墮松。

風入松

十年裘馬錦江濱。酒隱紅塵。萬金選勝鶯花海。倚疎狂。驅使青春。吹笛魚龍盡出。題詩風月俱新。自憐華髮滿紗巾。猶是官身。鳳樓常記當年語。問浮名。何似身親。欲寄吳牋說與。這回真箇閒人。

風流子

佳人多命薄。初心慕。德耀嫁梁鴻。記綠窗睡起。靜吟閒詠。句纒離合。格變玲瓏。更乘興。素紈留戲墨。纖玉撫孤桐。蟾滴夜寒。水浮微凍。風牋春麗。花研輕紅。人生誰能料。堪悲處。身落柳陌花叢。空羨畫堂鸚鵡。深閉金籠。向寶鏡。鸞釵臨妝常晚。繡齒牙。版催舞還慵。腸斷市橋月。笛燈

院霜鐘。

放翁詞終

放翁詞跋

余家刻放翁全集已載長短句二卷。尙逸一二調。章次亦錯見。因載訂入名家。楊用修云。纖麗處似淮海。雄慨處似東坡。予謂超爽處更似稼軒耳。古虞毛晉記。

稼軒詞

目錄

卷第一

暗儂三調

賀新郎二十二調

永調歌頭三十五調

六州歌頭一調

念奴嬌十九調

玉蝴蝶二調

蘭陵王二調

沙鬪春十三調

卷第二

滿江紅三十三調

摸魚兒三調

歸朝歡四調

瑞鶴仙三調

雨中花慢二調

六么令二調

洞仙歌四調

上西平二調

木蘭花慢四調

西河一調

一枝花一調

聲聲慢四調

漢宮春六調

醉翁操一調

壽山溪二調

水龍吟十三調

永遇樂五調

雲鬢驚一調

八聲甘州二調

滿庭芳四調

醜奴兒近一調

最高樓八調

卷第三

稼軒詞目錄

宋六十名家詞

新荷葉五調

婆羅門引五調

千秋歲一調

感皇恩五調

踏沙行四調

臨江仙二十四調

南鄉子五調

卷第四

王樓春十七調

朝中措五調

菩薩蠻十三調

浣溪沙十五調

浪淘沙三調

醉太平一調

太常引四調

戀繡衾一調

醉花陰一調

御街行二調

千年調二調

江神子十二調

行香子四調

定風波十一調

蝶戀花十二調

鷓鴣天五十九調

鷓鴣天七調

清平樂十五調

卜算子十三調

山花子八調

減字木蘭花三調

漁家傲一調

東坡引三調

杏花天三調

品令一調

祝英臺近三調

粉蝶兒一調

青玉案一調

一翫梅二調

破陣子五調

小重山三調

鷓鴣詞五調

西江月十五調

好事近四調

醜奴兒八調

虞美人四調

南歌子三調

錦帳春一調

夜遊宮一調

唐河傳一調

惜分飛一調

柳梢青三調

謁金門三調

點絳脣二調

阮郎歸一調

一絡索二調

河瀆神一調

酒泉子一調

生查子十調

昭君怨三調

如夢令一調

武陵春二調

霜天曉角二調

尋芳草一調

烏夜啼三調

憶王孫一調

稼軒詞目錄終

宋六十名家詞

稼軒詞卷第一

宋 辛棄疾

哨徧(秋水觀)

蝸角鬪爭左觸右蠻一戰連千里君試思方寸此心微總虛空并包無際喻此理何言泰山毫末從來天地一稊米嗟小大相形鳩鵬自樂之二蟲又何知記跖行仁義孔丘非更殤樂長年老彭悲火鼠論寒冰蠶語熱定誰同異噫貴賤隨時連城纔換一羊皮誰與齊萬物莊周吾夢見之正商略遺篇翩然顧笑空堂夢覺題秋水有客問洪河百川灌雨涇流不辨涯涘於是焉河伯欣然喜以天下之美盡在己渺滄溟望洋東視逡巡向若驚歎謂我非逢子大方達觀之家未免長見悠然笑耳此堂之水幾何其但清溪一曲而已

又(用前韻)

一壑自專五柳笑人晚乃歸田里問誰知幾者動之微望飛鴻冥冥天際論妙理濁醪正堪長醉從今自釀躬耕米嗟美惡難齊盈虛如代天耶何必人知試回頭五十九年非似夢裏歡娛覺來悲變乃憐蚊穀亦亡羊算來何異噫物諱窮時豐狐文豹罪因皮富貴非吾願遑遑乎欲何之正萬籟都沈月明中夜心彌萬里清如水却自覺神遊歸來坐對依稀淮岸江浚看一時魚鳥忘情喜會我已忘機更忘己又何曾物我相視非魚濠上遺意要是吾非子但教河伯

休慚海若大小均爲水耳世間喜愠更何其笑先生三仕三已

又（趙昌父之祖李思學士退居鄭圃有亭名魚字宇文叔通爲作古賦今昌父之弟成父於所居鑿池築亭榜

以傳名爲成父作詩屬余賦哨徧莊周論於蟻棄知於魚得計於羊棄意其義美矣然上文論論託於豕而得
焚羊肉爲蟻所墓而至殘下文將併結二義乃獨置豕蟲不言而遽論魚其義無所從起又問於羊蟻兩句之
間使羊蟻之義離不相屬何耶其必有深意存焉顧後人未之曉耳或言蟻得水而死羊得水而病魚得水而
活此最穿鑿不成意趣余嘗反復尋繹終未能得意世必有能讀此書而了其義者他日備見之而問焉姑先
識余疑於此詞云爾）

池上主人人適忘魚魚適還忘水洋洋乎翠藻青萍裏相魚兮無使於此嘗試思莊周談兩事
一明豕蝨一羊蟻說蟻慕於羶於蟻棄知又說於羊棄意甚蝨焚於豕獨忘之却驟說於魚爲
得計千古遺文我不知言以我非子噫子固非魚魚之爲計子焉知河水深且廣風濤萬頃
堪依有網罟如雲鵜鷗成陣過而留泣計應非其外海茫茫下有龍伯飢時一啖千里更任公
五十犗爲餌使海上人人厭腥味似鷗鵬變化幾東遊人海此計直以命爲嬉古來謬算狂圖
五鼎烹死柏爲平地嗟魚欲事遠遊時請三思而行可矣

六州歌頭（屬得疾暴甚醫者莫曉其狀小愈困臥無聊戲作以自釋）

晨來問疾有鶴止庭隅吾語汝只三事大愁余病難扶手種青松樹礙梅塢叨花徑纔數尺如

人立卻須鋤。秋水堂前曲沼明於鏡。可燭眉鬚。被山頭急雨。耕壟灌泥塗。誰使吾廬映汗渠。歎青山好。簷外竹遮欲盡。有還無。刪竹去。吾乍可食無魚。愛扶疎。又欲爲山計。千百慮。累吾軀。凡病此吾過矣。子奚知口不能言。臆對雖盧扁藥石難除。有要言妙道。往問北山愚。庶有瘳乎。

蘭陵王（賦一邱一壑）

一邱壑。老子風流占卻。茅簷上。松月桂雲。脈脈石泉逗山脚。尋思前事錯。惱殺晨猿夜鶴。終須是鄧禹輩人。錦繡麻霞坐黃閣。長歌自深酌。看天闔。爲飛淵靜魚躍。西風黃菊香噴薄。悵日暮雲合。佳人何處。納蘭結佩帶。杜若入江海會約。遇合事難託。莫擊磬門前。荷蕢人過。仰天大笑冠簪落。待說與窮達。不須疑著。古來賢者進亦樂。退亦樂。

又（己未八月二十日夜夢有人以石胡屏見饜者其色如玉光潤可愛中有一牛磨角作門狀云湘潭里中有

張其姓者多力善鬥號張難敵一日與人搏偶敗忿赴河而死居三日其家人來視之浮水上則牛耳自後蓋水之山往往有此石或得之里中輒不利夢中異之爲作詩數百言大抵皆取古之怨憤變化異物等事覺而忘其言後三日賦詞以識其異）

恨之極。恨極銷磨不得。長弘事。人道後來。其血三年化爲碧。鄭人緩也泣。吾父攻儒助墨。十年夢沈痛化余。秋柏之間旣爲實。相思重相憶。被怨結中腸。潛動精魄。望夫江上巖巖立。嗟一

念中變。後期長絕。君看啓母憤所激。又俄頃爲石。難敵最多力。甚一忿沈淵。清氣爲物。依然困鬪牛磨角。用使影入山骨。至今雕琢。尋思人世。只合化夢中蝶。

賀新郎（賦水仙）

雲臥衣裳冷。看蕭然。風前月下。水邊幽影。羅襪生塵淩波去。湯沐煙波萬頃。愛一點。嬌黃成暈。不記相逢曾解佩。甚多情。爲我香成陣。待和淚。收殘粉。靈均千古懷沙恨。記當時。愬愬忘把。此仙題品。煙雨淒迷。傷憊損。翠袂搖搖誰整。漫寫入。瑤琴幽憤。絃斷招魂無人賦。但金杯。酌巖銀。辜潤愁帶酒。又獨醒。

又（賦海棠）

著厭霓裳素。染臙脂。苧羅山下。浣沙溪渡。誰與流霞千古醞。引得東風相誤。從與入。吳宮深處。鬢亂釵橫渾不醒。轉越江。剗地迷歸路。煙艇小。五湖去。當時情得春留住。就錦屏。一曲種種。斷腸風度。纔是清明三月近。須要詩人妙句。笑援筆。殷勤爲賦。十樣蠻牋紋錯綺。粲珠璣。淵擲。驚風雨。重喚酒。共花語。

又（賦滕王閣）

高閣臨江渚。訪層城。空餘舊迹。黯然懷古。畫棟朱簷當日事。不見朝雲暮雨。但遺下。西山南浦。天宇修眉浮新綠。映悠悠。潭影恨如故。空有恨。奈何許。王郎健筆誇翹楚。到如今。落霞孤鶩。

競傳佳句。物換星移。知幾度。夢想珠歌翠舞。爲徒倚。闌干凝佇。目斷平蕪蒼波晚。快江風一瞬。澄襟暑。誰共飲。有詩侶。

又（賦琵琶）

鳳尾龍香撥。自開元。霓裳曲罷。幾番風月。最苦潯陽江頭客。畫舸亭亭待發。記出塞。黃雲堆雪。馬上離愁三萬里。望昭陽。宮殿孤鴻沒。絃解語。恨難說。遼陽驛使音塵絕。瑣窗寒。輕攏慢撚。珠淚盈睫。推手含情還卻手。一抹梁州哀徹。千古事。雲飛煙滅。賀老定傷無消息。想沈香亭北。繁華歇。彈到此。爲嗚咽。

又

柳暗淩波路。送春歸。猛風暴雨。一番新綠。千里瀟湘葡萄漲。人解扁舟欲去。又橋燕。留人相語。艇子飛來生塵步。唾花寒。唱我新番句。波似箭。催鳴櫓。黃陵祠下山無數。聽湘娥。泠泠曲罷。爲誰情苦。行到東吳春已暮。正江濶潮平穩渡。望金雀。觚稜翔舞。前度劉郎今重到。問玄都。千樹花存否。愁爲倩。么絃訴。

又

（陳同父自史陽來過余。留十日。與之同游鵝湖。且會朱晦庵於紫溪。不至。飄然東歸。既別之明日。余意中殊戀戀。復欲追路于鷺鷥林。則雪深泥滑。不得前矣。獨飲方村。悵然久之。頗恨挽留之不遂也。夜半投宿吳氏泉湖四望樓。聞隣笛悲甚。爲賦乳燕飛以見意。又五日。同父書來索詞。心所同然者如此。可發千里一笑。）

把酒長亭說。看淵明、風流酷似。臥龍諸葛。何處飛來林間鷓。蹙踏松梢殘雪。要破帽、多添華髮。剩水殘山無態度。被疎梅、料理成風月。兩三雁也。瀟瑟。佳人重約還輕別。悵清江、天寒不渡。水深冰合。路斷車輪生四角。此地行人銷骨。問誰使、君來愁絕。鑄就而今相思錯。料當初、費盡人間鐵。長夜笛、莫吹裂。

又（同父見和再用韻答之）

老大那堪說。似而今、元龍臭味。孟公瓜葛。我病君來高歌飲。醵散樓頭飛雪。笑富貴、千鈞如髮。硬語盤空誰來聽。記當時、只有西窗月。重進酒、換鳴瑟。事無兩樣人心別。問渠儂、神州畢竟。幾番離合。汗血鹽車無人顧。千里空收駿骨。正日斷、關河路絕。我最憐君中宵舞。道男兒、到此心如鐵。看試手、補天裂。

又（用前韻贈金華杜仲高）

細把君詩說。恍餘音、鈞天浩蕩。洞庭膠葛。千丈陰崖塵不到。惟有層冰積雪。乍一見、寒生毛髮。自昔佳人多薄命。對古來、一片傷心月。金屋冷、夜調瑟。去天尺五君家別。看乘空、魚龍慘淡。風雲開合。起望衣冠神州路。白日銷殘戰骨。歎夷甫、諸人清絕。夜半狂歌悲風起。聽錚錚、陣馬簷間鐵。南共北、正分裂。

又（三山雨中游西湖有懷趙丞相）

翠浪吞平野。挽天河。誰來照影。臥龍山下。烟雨偏宜晴更好。約略西施未嫁。待細把江山圖畫。千頃光中堆灩澦。似扁舟。欲下瞿塘馬。中有句。浩難寫。詩人例入西湖社。記風流重來。手種綠成陰也。陌上游人誇故國。十里水晶臺榭。更復道。橫空清夜。粉黛中洲。歌妙曲。問當年魚鳥無存者。堂上燕。又長夏。

又(和前韻)

覓句如東野。想錢塘。風流處士。水仙祠下。更憶小孤煙浪裏。望斷彭郎欲嫁。是一色空濛難畫。誰解胸中吞雲夢。試呼來。草賦看司馬。須更把。上林寫。雞豚舊日漁樵社。問先生帶湖春漲。幾時歸也。爲愛瑤瑤三萬頃。正臥水亭煙榭。對玉塔。微瀾深夜。雁鴛如雲。休報事。被詩逢。敵手皆勅者。春草夢也。宜夏。

又(和前韻)

碧海成桑野。笑人間。江翻平陸。水雲高下。自是三山顏色好。更看雨婚煙嫁。料未必龍眠能畫。擬向詩人求幼婦。倩諸君妙手。皆談馬。須進酒。爲陶寫。回頭鷗鷺瓢泉社。莫吟詩。莫拋酒尊。是吾盟也。千騎而今遮白髮。忘卻滄浪亭榭。但記得。瀟陵呵夜。我輩從來文字飲。怕壯懷激烈。須歌者。蟬噪也。綠陰夏。

又(別茂嘉十二弟鷓鴣杜鵑實兩種見離騷補註)

綠樹聽鶉鳩。更那堪、鷓鴣聲住。杜鵑聲切。啼到春歸無尋處。苦恨芳菲都歇。算未抵、人間離別。馬上琵琶關塞黑。更長門、翠輦辭金闕。看燕燕、送歸妾。將軍百戰身名烈。向河梁、回頭萬里。故人長絕。易水蕭蕭西風冷。滿座衣冠似雪。正壯士、悲歌未徹。啼鳥還知如許恨。料不啼、清淚長啼血。誰共我、醉明月。

又（題趙兼善龍閣東山小魯亭）

下馬東山路。恍臨風、周情孔思。悠然千古。寂寞東家丘何在。縹緲危亭小魯。試重上、巖巖高處。更憶公歸西悲日。正濛濛、陌上多零雨。嗟費却、幾章句。謝公雅志還成趣。記風流、中年懷抱。長攜歌舞。政爾良難君臣事。晚聽秦箏聲苦。快滿眼、松篁千畝。把似渠垂功名淚。算何如、且使溪山主。雙白鳥。又飛去。

又（題傅君用山園）

曾與東山約。爲鱖魚、從容分得。清泉一勺。堪笑高人讀書處。多少松窗竹閣。甚長被、遊人占卻。萬卷何言達時用。士方窮、早與人同樂。新種得、幾花藥。山頭怪石蹲秋鶡。俯人間、塵埃野馬。孤撐高攬。拄杖危亭扶未到。已覺雲生兩脚。更換卻、朝來毛髮。此地千年曾物化。莫呼猿、且自多招鶴。吾亦有一邱壑。

又（用韻題趙晉臣敷文積翠巖。余謂當築殿於其巔。）

拄杖重來約。到東風。洞庭張樂。滿空簫勺。巨海拔犀頭角出。東向北山高閣。尙依舊。爭前又卻。老我傷懷登臨際。問何方。可以平哀樂。唯是酒。萬金藥。勸君且作橫空鷲。更休論。人間腥腐。紛紛鳥攫。九萬里。風斯在下。翻覆雲頭雨脚。快直上。崑崙濯髮。好臥長虹。陂千里。是誰言。聽取雙黃鶴。攜翠影。浸雲壑。

又（韓仲止判院山中見訪席上用前韻）

聽我三章約。有談功。談空者舞。談經深酌。作賦相如親滌器。識字子雲投閣。算枉把。精神費卻。此會不如公榮者。莫呼來。政爾妨人樂。陪俗士。苦無藥。當年衆鳥看孤鷲。意飄然。橫空直把。曹吞劉攫。老我山中。誰是伴。須信窮愁有脚。似翦盡。還生僧髮。自斷此生。天休問。倩何人。說與乘軒鶴。吾有志。在邱壑。

又（邑中園亭僕皆爲賦此詞一日獨坐停雲水聲山色競來相娛意溪山欲援例者遂作數語庶幾彷彿淵明思親友之意云）

甚矣吾衰矣。悵平生。交遊零落。只今餘幾。白髮空垂三千丈。一笑人間萬事。問何物。能令公喜。我見青山多嫵媚。料青山。見我應如是。情與貌。略相似。一尊搔首東窗裏。想淵明。停雲詩就。此時風味。江左沈酣求明者。豈識濁醪妙理。回首叫。雲飛風起。不恨古人吾不見。恨古人。不見吾狂耳。知我者。二三子。

又(再用前韻)

鳥倦飛還矣。笑淵明。餅中儲粟。有無能幾。蓮社高人留翁語。我醉寧論許事。試沽酒。重斟翁喜。一見蕭然音韻古。想東籬。醉臥參差是千載下。豈誰似。元龍百尺高樓裏。把新詩。殷勤問我。停雲情味。北夏門高從拉擁。何事須人料理。翁會道。繁華朝起。塵土人言寧可用。顧青山。與我何如耳。歌且和楚狂子。

又(題傅巖叟悠然閣)

路入門前柳。到君家。悠然細說淵明重九。晚歲淒其無葛。惟有黃花入手。更風雨。東籬依舊。頻顧南山高如許。是先生。拄杖歸來後。山不記。何年有。是中不減康廬秀。倩西風。爲吾喚起。翁能來否。鳥倦飛還平林去。雲自無心出岫。勝準備。新詩幾首。欲辨忘言當年意。慨遙遙。我去羲農久。天下事。可無酒。

又(用前韻再賦)

肘後俄生柳。歎人生。不如意事。十常八九。右手淋浪才有用。聞卻持螯左手。漫贏得。傷今感舊。投閣先生惟寂寞。笑是非。不了身前後。持此語。問烏有。青山幸自重重秀。問新來。蕭蕭木落。頗堪秋否。總被西風都瘦損。依舊千巖萬岫。把萬事。無言搔首。翁比渠儂人誰好。是我常。與我周旋久。寧作我。一杯酒。

又（嚴和之好古博雅，以嚴本莊姓，取蒙莊子陵四事，曰濮上，曰濮梁，曰齊澤，曰嚴瀨，爲四圖，屬余賦詞，余爲蜀君平之高，楊子雲所謂雖隨和何以加諸者，班孟堅獨取子雲所稱述，爲王貞誥傳序，引不敢以其姓名列諸傳，尊之也，故余謂和之當併圖君平像，置之四圖之間，庶幾嚴氏之高節備焉，作乳燕飛詞，使歌之。）

濮上看垂釣，更風流。羊裘澤畔，精神孤矯，楚漢黃金公卿印。比看漁竿誰小，但過眼，纔堪一笑。惠子焉知濠梁樂，望桐江，千丈高臺好。煙雨外，幾魚鳥。古來如許高人少，細平章，雨翁似與巢山同調，已被堯知方洗耳，畢竟塵汗人了。要名字，人間如掃，我愛蜀莊沈冥者，解門前，不使徵車到，君爲我，盡三老。

又（和徐斯遠下第謝諸公截酒韻）

逸氣軒眉宇，似王良，輕車熟路，驪驅欲舞。我覺君非池中物，咫尺蛟龍雲雨。時與命，猶須天賦。蘭佩芳菲無人問，歎靈均，欲向重華訴。空鬱鬱，共誰語。兒曹不料楊雄賦，怪當年，甘泉誤說。青蔥玉樹，風引船回滄溟闊，日斷三山伊阻。但笑指，吾廬何許，門外蒼官三百輩，盡堂堂，八尺鬚髯古，誰載我，帶湖去。

念奴嬌（書東流村壁）

野塘花落，又匆匆過了清明時節。剗地東風欺客夢，一枕雲屏寒怯。曲岸持觴，垂楊繫馬，此地曾輕別。樓空人去，舊遊飛燕能說。聞道綺陌東頭，行人曾見，簾底纖纖月。舊恨春江流不斷。

新恨雲山千疊。料得明朝。尊前重見。鏡裏花難折。也應驚問。近來多少華髮。

又（登建康賞心亭。早史留守致道）

我來弔古上危樓。贏得閒愁千斛。虎踞龍盤何處是。只有興亡滿目。柳外斜陽。水邊歸鳥。隴上吹喬木。片帆西去。一聲誰噴霜竹。卻憶安石風流。東山歲晚。淚落哀箏曲。兒輩功名都付與。長日惟消碁局。寶鏡難尋。碧雲將暮。誰勸杯中綠。江頭風怒。朝來波浪翻屋。

又（西湖和人韻）

晚風吹雨戰新荷。聲亂明珠蒼壁。誰把香奩收寶鏡。雲錦周遭紅碧。飛鳥翻空。遊魚吹浪。慣趁笙歌席。坐中豪氣。看君一飲千石。遙想處士風流。鶴隨人去。已作飛僊客。茆舍疎籬今在否。松竹已非疇昔。欲說當年。望湖樓下水。與雲寬窄。醉中休問。斷腸桃葉消息。

又（和韓南潤載酒見過雲樓觀雪）

兔園舊賞。悵遺踪。飛鳥千山都絕。縞帶銀杯江上路。惟有南枝香別。萬事新奇。青山一夜。對我頭先白。倚巖千樹。玉龍飛上瓊闕。莫惜霧鬢雲鬢。試教騎鶴。去約尊前月。自與詩翁磨凍硯。看掃幽蘭新闕。使擬明年。人間揮汗。留斫層冰潔。此君何事。晚來曾爲腰折。

又（賦雨巖。效朱希真體）

近來何處有吾愁。何處還知吾樂。一點淒涼千古意。獨倚西風寥闊。翦竹尋泉。和雲種樹。喚做

眞閒箇。此心閒處。未應長籍邱壑。休說往事皆非。而今覺是。且把酒尊酌。醉裏不知誰是我。非月非雲。非鶴。露冷松梢。風高桂子。醉了還醒。卻北窗高臥。莫教啼鳥驚著。

又（雙陸和陳仁和韻）

少年橫槊。氣憑陵。酒聖詩豪餘事。袖手旁觀。初未識。兩兩三三而已。變化須臾。鷗翻石鏡。鷓抵星橋外。搗殘秋練。玉砧猶想纖指。堪笑千古爭心。等閒一勝。拚了光陰費。老子忘機渾漫與。鴻鵠飛來天際。武媚宮中。韋娘局上。休把興亡記。布衣百萬。看君一笑沈醉。

又（賦白牡丹和范先之韻）

對花何似。似吳宮初教。翠圍紅陣。欲笑還愁。羞不語。惟有傾城嬌韻。翠蓋風流。牙籤名字。舊賞那堪省。天香染露。曉來衣潤誰整。最愛弄玉團酥。就中一朵。曾入揚州詠。華屋金盤人未醒。燕子飛來春盡。最憶當年。沈香亭北。無限春風恨。醉中休問。夜深花睡香冷。

又（和信守王道天席上韻）

風狂雨橫。是邀勒園林。幾多桃李。待上層樓。無氣力。塵滿闌干誰倚。傍火添衣。移香就枕。莫捲珠簾起。元宵過也。春寒猶自如此。爲問幾日新晴。鳩鳴屋上。鶻報於前喜。措拭老來詩句眼。要看拍堤春水。月下憑肩。花邊繫馬。此興今休矣。溪南酒賤。光陰只在彈指。

又（戲贈善作墨梅者）

江南盡處。墮玉京僊子。絕塵英秀。彩筆風流。偏解寫。姑射冰姿清瘦。笑殺春工。細窺天巧。妙絕應難有。丹青圖畫。一時都愧凡陋。還似籬落孤山。嫩寒清曉。祇欠香沾袖。淡佇輕盈。誰付與。弄粉調朱。纖手。疑是花神。搗來人世。占得佳名久。松篁佳韻。倩君添做三友。

又(題梅)

疎疎淡淡。問阿誰堪比。太真顏色。笑殺東君。虛占斷。多少朱朱白白。雪裏溫柔。水邊明秀。不借春工力。骨清香嫩。迴然天與奇絕。嘗記寶禦寒輕。瑣窗睡起。玉纖輕摘。漂泊天涯。空瘦損。猶有當年標格。萬里風煙。一溪霜月。未怕欺他得。不如歸去。闌風有箇人惜。

又

(瓊泉酒酣和東坡韻)

倘來軒冕。問還是。今古人間何物。舊日重城。愁萬里。風月而今堅壁。藥籠功名。酒壺身世。可惜蒙頭雪。浩歌一曲。坐中人物三傑。休歎黃菊凋零。孤標應也。有梅花爭發。醉裏重揩西望眼。惟有孤鴻明滅。萬事從教。浮雲來去。枉了衝冠髮。故人何在。長庚應伴殘月。

又

(再用韻和洪莘之通判丹桂詞)

道人元是道家風。來作烟霞中物。幘裁犀。遮不定。紅透玲瓏油壁。借得春工。恣將秋露。薰做江梅雪。我評花譜。使應推此爲傑。惟悴何處芳枝。十郎手種。看明年花發。生斷虛空。香色界。不怕西風起滅。別駕風流。多情更要。簪滿窻娥髮。等閒折盡。玉斧重倩修月。

又

洞庭春晚。舊傳恐是。人間尤物。收拾瑤池傾國豔。來向朱闌一壁。透戶龍香。隔簾鶯語。料得肌如雪。月妖真態。是誰教避人傑。酒罷歸對寒窗。相留昨夜。應是梅花發。賦了高唐猶想像。不管孤燈明滅。半面難期。多情易感。愁幾點。星星髮。繞梁聲在。爲伊忘味三月。

又（趙晉臣數文十月望生日自賦詞屬余和韻）

看公風骨似長松磊落。多生奇節。世上兒曹都蓄縮。凍芋旁堆秋甍。結屋溪頭。境隨人勝。不是江山別。紫雲如陣。妙歌爭唱新闕。尊酒一笑相逢。與公臭味。菊花蘭須悅。天上四時調玉燭。萬事宜詢黃髮。看取東歸。周家叔父。手把元龜說。祝公長似。十分今夜明月。

又（和趙國興知錄韻）

爲沽美酒過溪來。誰道幽人難致。更覺元龍樓百尺。湖海平生豪氣。自歎年來。看花索句。老不如人意。東風歸路。一川松竹如醉。怎得身似莊周。夢中蝴蝶。花底人間世。記取江頭三月暮。風雨不爲春計。萬斛愁來。金貂頭上。不抵銀瓶貴。無多笑我。此篇聊當賞戲。

又（重九席上）

龍山何處。記當年高會。重陽佳節。誰與老兵共一笑。落帽參軍華髮。莫倚忘懷。西風也解。點檢尊前客。淒涼今古。眼中三兩飛蝶。須信采菊東籬。千載之上。只有陶彭澤。愛說琴中如得趣。

絃上何勞聲切。試把空林。翁還肯道。何必杯中物。臨風一笑。請翁同醉今夕。

又（用韻答傅先之提舉）

君詩好處似鄒魯儒家。還有奇節。下筆如神。彈押韻。遺恨都無毫髮。炙手炎來。掉頭冷去。無限長安客。丁甯黃菊。未消勾引蜂蝶。天上絳闕清都。聽君歸去。我自癡山澤。人道君才剛百鍊。美玉都成泥切。我愛風流。醉中傾倒。邱壑胸中物。一杯相屬。莫孤風月。今夕。

又（賦傅巖夏香月堂兩梅）

未須草草賦梅花。多少騷人詞客。總被西湖林處士。不肯分留風月。疎影橫斜。暗香浮動。把斷春消息。試將花品。細參今古人物。看取香月堂前。歲寒相對。楚龔之潔。自與詩家成一種。不係南昌仙籍。怕是當年香山老子。姓白名來。江國謫人仙字。太白還又名白。

又（余既爲傅巖夏兩梅賦詞。傅君用席上有詩云。家有四古梅。今百年矣。未有一品題乞。授香月堂例。欣然醉之。且用前篇體製戲賦）

是誰調護。歲寒枝。都把蒼苔封了。茆舍疎籬。江上路。清夜月高山小。摸索應知。曹劉沈謝。何況霜天曉。芬芳一世。料君長被花惱。惆悵立馬行人。一枝最愛。竹外橫斜好。我向東鄰曾醉裏。喚起詩家二老。拄杖而今。婆娑雪裏。又識高山皓。請君置酒。看渠與我傾倒。

沁園春（帶湖新居將成）

三徑初成。鶴怨猿驚。稼軒未來。甚雲山自許。平生意氣。衣冠人笑。抵死塵埃。意倦須還。身閒貴。早豈爲尊羹鱸膾哉。秋江上。看驚絃雁避。駭浪船回。東岡更葺茅齋。好都把軒窗臨水開。要小舟行釣。先應種柳。疎籬護竹。莫礙觀梅。秋菊堪餐。春蘭可佩。留待先生手自栽。沈吟久。怕君恩未許。此意徘徊。

又（送趙景明知縣東歸再用前韻）

佇立瀟湘。黃鵠高飛。望君未來。快東風吹斷。西江對語。急呼斗酒。旋拂塵埃。卻怪英姿。有如君者。猶欠封侯萬里哉。空贏得。道江南佳句。只有方回。錦帆畫舫行齋。恨雪浪粘天。江景開。記我行南浦。送君折柳。君逢驛使。爲我攀梅。落帽山前。呼應臺下。人道花須滿縣栽。都休問。看雲霄高處。鵬翼徘徊。

又（戊申歲奏邸忽騰報謂余以病挂冠因賦此）

老子平生。笑盡人間。兒女怨根。况白頭能幾。定應獨往。青雲得意。見說長存。抖擻衣冠。憐渠無恙。合挂當年神武門。都如夢。算能爭幾許。雞曉鐘昏。此心無有新冤。况抱甕年來自灌園。但淒涼顧影。頻悲往事。殷勤對佛。欲問前因。卻怕青山也妨賢路。休鬪尊前見在身。山中友。試高吟楚些。重與招魂。

又（期思舊呼奇獅或云恭獅皆非也余考之荀勗書云孫叔敖期思之鄙人也期思屬弋陽郡此地舊屬弋陽

縣。雖古之弋陽期思。見之圖記者不同。然有弋陽。則有期思也。橋壞復成。父老請余賦。作沁園春以證之。

有美人兮。玉佩瓊琚。吾夢見之。問斜陽猶照漁樵故里。長橋誰記。今古期思。物化蒼苔。神遊彷彿。春與猿吟。秋鶴飛還。驚嘯向晴波。忽見千丈虹霓。覺來西望。崔嵬更有青楓。下有溪待空山自薦。寒冰秋菊。中流卻送桂棹蘭旗。萬事長嗟。百年雙鬢。吾非斯人。誰與歸。憑闌久。正清愁未了。醉墨休題。

又（答余叔良）

我試評君。君定何如。玉川似之。記李花初發。乘雲共語。梅花開後。對月相思。白髮重來。畫橋一望。秋水長天。孤鶩飛。同吟處。看珮搖明月。衣捲青霓。相君高節。崔嵬。是此處。耕巖與釣溪。被西風吹盡。村簫社鼓。青山留得。松蓋雲旗。弔古愁濃。懷人日暮。一片心從天外歸。新詞好。似淒涼楚些。字字堪題。

又（答楊世長）

我醉狂吟。君作新聲。倚歌和之。算芬芳定向梅間得意。輕清多是。雪裏尋思。朱雀橋邊。何人會道。野草斜陽。春燕飛。都休問。甚元無霽雨。卻有晴霓。詩壇千丈。崔嵬更有筆。如山雲作。溪著君才未數。曹劉敵手。風騷合受。屈宋降旗。誰識相如。平生自許。慷慨須乘駟馬歸。長安路。問垂虹千柱。何處曾題。

又（靈山齊庵賦時偃湖未成）

疊嶂西馳。萬馬回旋。衆山欲東。正驚湍直下。跳珠倒濺。小橋橫截。缺月初弓。老合投閒。天教多事。檢校長身。十萬松。吾廬小在龍蛇影外。風雨聲中。爭先見面重重。看爽氣朝來三四峰。似謝家子弟。衣冠磊落。相如庭戶。車騎雍容。我覺其間。雄深雅健。如對文章太史公。新隄路。問偃湖何日。煙水濛濛。

又（弄溪賦）

有酒忘杯。有筆忘詩。弄溪奈何。看從橫斗轉。龍蛇起陸。崩騰決去。雪練傾河。娟娟東風。悠悠倒影。搖動雲山水。又波還知否。欠菖蒲攢港。綠竹緣坡。長松誰翦。嵯峨笑野老。來耘山上禾。算只因魚鳥天然自樂。非關風月閒處偏多。芳草春深。佳人日暮。濯髮滄浪。獨浩歌。徘徊久。人間有誰似。老子婆婆。

又（期思卜築）

一水西來。千丈晴虹。十里翠屏。喜草堂經歲。重來社老。斜川好景。不負淵明。老鶴高飛。一枝移宿。長笑蝸牛戴屋行。平章了。待十分佳處。著箇茅亭。青山意氣崢嶸。似爲我歸來。嫵媚生解。頻教花鳥。前歌後舞。更催雲水。暮送朝迎。酒聖詩豪。可能無勢。我乃而今。駕馭卿。清溪上。被山靈卻笑。白髮歸耕。

又（將止酒戒酒杯使勿近）

杯汝前來。老子今朝。點檢形骸。甚長年抱渴。咽如焦釜。于今喜溢。氣似奔雷。漫說劉伶。古今達者。醉後何妨死。使埋。渾如許。歎汝於知己。真少恩哉。更憑歌舞爲媒。算合作人間鴆毒。猜况疾無小大。生於所愛。物無美惡。過則爲災。與汝成言。勿留取。退吾力。猶能肆汝杯。杯再拜。道麾之即去。有召須來。

又（城中諸公載酒入山。余不得以止酒爲解。遂破戒一醉再用韻）

杯汝知乎。酒泉罷候。鸕夷乞骸。更高陽入謁。都稱螿白。杜康初筮。正得雲雷。細數從前。不堪餘恨。歲月都將麴蘖埋。君詩好。似提壺卻勸。沾酒何哉。君言病豈無媒。似壁上。雕弓蛇暗猜。記醉眠陶令。終全至樂。獨醒屈子。未免沈菑。欲聽公言。慚非勇者。司馬家兒。解覆杯。還堪笑。借今宵一醉。爲故人來。

又（用鄧原甫壽趙茂嘉郎中時以置兼濟倉賑濟里中除直祿閣）

甲子相高。亥首曾疑。絳縣老人。看長身玉立。鶴般風度。方頤口口。虎樣精神。文爛卿雲。詩凌鮑謝。筆勢駸駸。更右軍。渾餘事。羨僊都夢覺。金閣名存。門前父老。忻忻煥奎閣。新襲詔語溫。記他年帷幄。須依日月。只今劍履。快上星辰。人道陰功。天教多壽。看到貂蟬七葉孫。君家裏。是幾枝丹桂。幾樹靈椿。

又（和吳子似縣尉）

我見君來頓覺吾廬溪山美哉。恨平生肝膽都成楚越。只今膠漆誰是陳雷。搔首踟躕。愛而不見。要得詩來渴望梅。還知否。怯清風入手。口石千回。直須抖擻塵埃。人怪我。柴門今始開。向松間乍可從他。喝道庭中切莫踏破蒼苔。豈有文章漫勞車馬。待喚青芻白飯來。君非我。任功名意氣。莫恁徘徊。

水調歌頭（舟次揚州和楊濟翁周顯先韻）

落日塞塵起。胡馬獵清秋。漢家組練十萬。列艦聳層樓。誰道投鞭飛渡。憶昔鳴鏑血汗。風雨佛狸愁。季子正年少。匹馬黑貂裘。今老矣。搔白首。過揚州。倦游欲去江上。手種橘千頭。二客東南名勝。萬卷詩書事業。嘗試與君謀。莫射南山虎。直覓富民侯。

又

落日古城角。把酒勸君留。長安路遠何事。風雪弊貂裘。散盡黃金身世。不管秦樓人怨。歸計狎沙鷗。明夜扁舟去。和月載離愁。功名事。身未老。幾時休。詩書萬卷致身。須到古伊周。莫學班超投筆。縱得封侯萬里。憔悴老邊州。何處依劉客。寂寞賦登樓。

又（淳熙丁酉。自江陵移帥隆興。到官之二月。被召司馬監趙鼎。王漕饒別。司馬賦水調歌頭。席間次韻。時王公明樞密薨。坐客終夕爲興門戶之歎。故前章及之）

我飲不須勸。正怕酒尊空。別離亦復何恨。此別恨匆匆。頭上貂蟬貴客。花外麒麟高塚。人世竟誰雄。出門一笑去。千里落花風。孫劉輩。能使我。不爲公。余髮種種如是。此事付渠儂。但得平生湖海。除了醉吟風月。此外百無功。空髮皆帝力。更乞鑑湖東。

又（淳熙己亥。自湖北漕移湖南。周總領王漕趙守設酒南樓。席上留別。）

折盡武昌柳。挂席上瀟湘。二年魚鳥江上。笑我往來忙。富貴何時休問。離別中年堪恨。憔悴鬢成霜。絲竹陶寫耳。急羽且飛觴。序蘭亭。歌赤壁。繡衣香。使君千騎鼓吹。風采漢侯王。莫把離歌頻唱。可惜南樓佳處。風月已淒涼。在家貧亦好。此語試平章。

又（盟鷗）

帶湖吾甚愛。千丈翠奩開。先生杖屨無事。一日走千回。凡我同盟鷗鷺。今日既盟之後。來往莫相猜。白鶴在何處。嘗試與偕來。破青萍。排翠藻。立蒼苔。窺魚笑汝癡計。不解舉吾杯。廢沼荒邱疇昔。明月清風此夜。人世幾歡哀。東岸綠陰少。楊柳更須栽。

又（湯朝美司諫見和用韻爲謝）

白日射金闕。虎豹九關開。見君諫疏頻上。談笑挽天回。千古忠肝義膽。萬里蠻煙瘴雨。往事莫驚猜。政恐不免耳。消息日邊來。笑吾廬。門掩草。徑封苔。未應兩手無用。要把蟹螯杯。說劍論詩。余事醉舞狂歌。欲倒老子。頗堪哀。白髮寧有種。一一醒時栽。

又（嚴子文同傅安道和前韻，因再和謝之）

寄我五雲字，恰向酒邊開。東風過盡歸雁，不見客星回。均道瓊窗風月，更著詩翁杖屨，合作雪堂猜。（子文作雪齋寄書云：近以旱無以延客。）歲旱莫留客，霖雨要渠來。短燈檠，長劍缺，欲生苔。雕弓挂壁無用，照影落清杯。多病關心藥裹，小摘親鉏菜甲。老子政須衰。夜雨北窗竹，更倩野人栽。

又（和趙景明知縣韻）

官事未易了，且向酒邊來。君如無我問君，懷抱向誰開。但放平生邱壑，莫管旁人嘲罵，深塾要驚雷。白髮還自嘯，何地置衰頰。五車書，千石飲，百篇才。新詞未到瓊瑰，先夢滿吾懷。已過西風重九，且要黃花入手。詩興未關梅。君要花滿縣，桃李趁時栽。

又（蘇趙漕介庵）

千里渥洼種，名動帝王家。金鑿當日奏草，落萬龍蛇。帶得無邊春下，等待江山都老。教看鬢方鴉。莫管錢流地，且擬醉黃花。喚雙成，歌弄玉，舞綠華。一觴爲飲千歲，江海吸流霞。聞道清都帝所要，挽銀河仙浪，西北洗胡沙。回首日邊去，雲裏認飛車。

又（和王政之右司吳江觀雪見寄）

造化故豪縱，千里玉鸞飛。等閒更把萬斛，瓊粉蓋玻璃。好卷垂虹千丈，只放冰壺一色。雲海路

應迷老子舊游處。回首夢耶非。謫仙人、鷗鳥作伴，兩忘機。掀髯把酒一笑，詩在片帆西。寄語煙波舊侶，聞道尊鱸正美，休裂芰荷衣。上界足官府，汗漫與君期。

又（九日遊雲洞和韓南澗尙書韻）

今日復何日。黃菊爲誰開。淵明漫愛重九，胸次正崔嵬。酒亦關人何事，政自不能不爾。誰遣白衣來。醉把西風扇，隨處障塵埃。爲公飲，須一日，三百杯。此心高處，東望雲氣見蓬萊。翳鳳驂，戀公去，落佩倒冠吾事。抱病且登臺。歸路踏明月，人影共徘徊。

又（再用韻呈南澗）

千古老蟾口。雲洞插天開。漲痕當日何事，洶湧到崔嵬。攬土搏沙兒戲，翠谷蒼崖幾變。風雨化人來。萬里須臾耳，野馬驟空埃。笑年來，焦鹿夢，畫蛇杯。黃花憔悴風露，野碧漲荒萊。此會明年誰健，後日猶今視昔，歌舞只空臺。愛酒陶元亮，無酒正徘徊。

又（再用韻李子永提幹）

君莫賦幽憤。一語試相開。長安車馬道上，平地起崔嵬。我愧淵明久矣，猶借此翁湔洗。素壁寫歸來。斜日透虛隙，一線萬飛埃。斷吾生，左持蟹，右持杯。買山自種雲樹，山下斲煙萊。百鍊都成繞指，萬事直須稱好，人世幾興臺。劉郎更堪笑，剛賦看花回。

又（慶韓南澗尙書七十）

上古八千歲。纔是一春秋。不應此日剛把七十壽君侯。看取垂天雲翼。九萬里風在下。與造物同游。君欲計歲月。嘗試問莊周。醉淋浪歌窈窕。舞溫柔。從今杖履南澗白。日爲君留。聞道鈞天帝所。頻上玉卮春酒。冠蓋擁龍樓。快上星辰去。名姓動金甌。

又（席上用黃德和推官韻壽南澗）

上界足官府。公是地行仙。青氈劍履舊物。玉立近天顏。莫怪新來白髮。恐是當年柱下。道德五千言。南澗舊活計。猿鶴且相安。歌秦缶。寶康瓠。世皆然。不知清廟鐘磬。零落有誰編。莫問行藏用舍。畢竟山林鐘鼎。底事有虧全。再拜荷公賜。雙鶴一千年。（公以雙鶴見壽）

又（和信守鄭舞舉蔗庵韻）

萬事到白髮。日月幾西東。羊腸九折岐路。老我慣經從。竹樹前溪風月。雞酒東家父老。一笑偶相逢。此樂竟誰覺。天外有冥鴻。味平生。公與我。定無同。玉堂金馬自有佳處。著詩翁。好鎖雲煙窗戶。怕入丹青圖畫。飛去了無蹤。此語更癡絕。真有虎頭風。

又（送守信王桂發）

酒罷且勿起。重挽使君鬚。一身都是和氣。別去意何如。我輩情鍾休問。父老田頭說尹。淚落獨憐渠。秋水見毛髮。千尺定無魚。望青闕。左黃閣。右紫樞。東風桃李陌上。下馬拜除書。屈指吾生餘幾。多病妨人痛飲。此事正愁余。江湖有歸雁。能寄草堂無。

又（送鄭厚卿赴衡州）

寒食不少住。千騎擁春衫。衡陽石鼓城下。記我舊停驂。襟以瀟湘桂嶺。帶以洞庭青草。紫蓋屹西南。文字起騷雅。刀劍化新蠶。看使君於此事。定不凡。奮髯抵几堂上。尊俎自高談。莫信君門萬里。但使民歌五袴。歸詔鳳凰啣。君去我誰飲。明月影成三。

又（提朝李君索余賦野秀綠繞二詩。余詩尋醫久矣。始合二榜之意。賦水調歌頭以遺之。然君才氣不減流輩。豈求田問舍而獨樂身耶。）

文字覲天巧。亭榭定風流。平生邱壑歲晚。也作稻梁謀。五畝園中秀野。一水田將綠繞。擺撥不勝秋。飽飯對花竹。可是便忘憂。吾老矣。探禹穴。欠東遊。君家風月幾許。白馬去悠悠。插架牙籤萬軸。射虎南山一騎。容我攬鬚不。更欲勸君酒。百尺臥高樓。

又（元日投宿博山寺。見耆鸞歎其老。）

頭白牙齒缺。君勿笑衰翁。無窮天地今古。人在四之中。臭腐神奇俱盡。貴賤賢愚等耳。造物也兒童。老佛更堪笑。談妙說虛空。坐堆脍。行答颯。立龍鍾。有時三盞兩盞。淡酒醉濛鴻。四十九年前事。一百八盤狹路。拄杖倚牆東。老景竟何似。只與少年同。

又（送楊民瞻）

日月如磨蟻。萬事且浮休。君看簷外江水。滾滾自東流。風雨瓢泉夜半。花草雪樓春到。老子已

菟裘歲晚問無恙。歸計橋千頭。夢連環。歌彈缺。賦登樓。黃鶴白酒君去。村社一番秋。長劍倚天誰問。夷甫諸人堪笑。西北有神州。此事君自了。千古一扁舟。

又（送施樞密聖與帥江西信之議云）

相公倦台鼎。要伴赤松遊。高牙千里東夏。笳鼓萬貔貅。試問東山風月。更著中年絲竹。留得謝公不。孺子宅邊水。雲影自悠悠。占古語。方人也。正黑頭。穹龜突兀千丈石。打玉溪流。金印沙堤時節。畫棟珠簾雲雨。一醉早歸休。賤子祝再拜。西北有神州。

又（予子三山被召。陳端仁給事欲餞席上作）

長恨復長恨。裁作短歌行。何人爲我楚舞。聽我楚狂聲。余既滋蘭九畹。又樹蕙之百畝。秋菊更餐英。門外滄浪水。可以濯吾纓。一杯酒。問何似。身後名。人間萬事。毫髮常重。泰山輕。悲莫悲生離別。樂莫樂新相識。兒女古今情。富貴非吾事。歸與白鷗盟。

又（題張晉安提舉玉峯樓）

木末翠樓出。詩眼巧安排。天公一夜削出。四面玉崔嵬。疇昔此山安在。應爲先生見晚。萬馬一時來。白鳥飛不盡。卻帶夕陽回。勸君飲。左手蟹。右手杯。人間萬事。變滅今古。幾池臺。君看莊生達者。猶對山林泉壤。哀樂未忘懷。我老尙能賦。風月試追陪。

又（三山用趙丞相韻答帥幕王君。且有感於中秋近事。併見之末章）

說與西湖客。觀水更觀山。淡妝濃抹。西子喚起一時觀。種柳人今天上。對酒歌翻水調。醉墨捲秋瀾。老子興不淺。歌舞莫教閑。看尊前。輕聚散。少悲歡。城頭無限。今古落日曉。霜寒誰唱黃雞白酒。猶記紅旗清夜。千騎月臨關。莫說西州路。且盡一杯石。

又

(卽席和金華杜仲高韻併壽諸友惟醜乃作甚)

萬事一杯酒。長歎復長歌。杜陵有客剛賦。雲外築婆娑。須信功名兒輩。誰識年來心事。古井不生波。種種看余髮。積雪就中多。二三子。問丹桂。倩素娥。平生螢雪男兒。無奈五車何。看取長安得意。莫恨春風看盡。花柳自蹉跎。今夕且歡笑。明月鏡新磨。

又(醉吟)

四坐且勿語。聽我醉中吟。池塘春草未歇。高樹變鳴禽。鴻雁初飛江上。蟋蟀還來牀下。時序百年心。誰要卿料理。山水有清音。歡多少。歌長短。酒淺深。而今已不如昔。後定不如今。閑處直須行樂。良夜更教秉燭。高會惜分陰。白髮短如許。黃菊倩誰簪。

又(題趙晉臣數文真得歸方是閑)

十里深窈窕。萬瓦碧參差。青山屋上流水。屋下綠橫溪。真得歸來嘯語。方是閑中風月。剩費酒邊詩。點檢笙歌了。琴罷更圍碁。王家竹。陶家柳。謝家池。知君勩業未了。不是枕流時。莫向癡兒說夢。且作山人索價。頗怪鶴書遲。一事定嗔我。已辦北山移。

論誰其白鶴飛來似可。忽去復何如。衆鳥欣有託。吾亦愛吾廬。

又（趙昌父用東坡韻。敘太白東坡事。見寄過相。與借四川韻爲謝。兼寄吳子似。）

我志在寥闊。疇昔夢登天。摩娑素用人。世俛仰已千年。有客騷鬢風。雲遇青山赤壁。相約上高寒。酌酒援北斗。我亦蠱其間。少歌曰。神甚放。形則眠。鴻鵠一再高舉。天地睹方圓。欲重歌兮夢覺。推枕惘然獨念。人事底虧全。有美人可語。秋水隔婬娟。

又（題永豐楊少游提點一枝室）

萬事幾時足。日月自西東。無窮宇宙人。是一粟。太倉中。一葛一裘。一鉢一瓶。終日老子舊家風。更著一杯酒。夢覺大槐宮。記當年。嚇腐鼠。歎冥鴻。衣冠神武門外。驚倒幾兒童。休說須彌芥子。看取鷓鴣斥鷃。小大若爲同。君欲論齊物。須訪一枝翁。

又（席上爲葉仲治賦）

高馬勿捶面。千里事難量。長魚變化雲雨。無使寸鱗傷。一壑一邱吾事。一斗一石皆醉。風月幾千場。鬚作蝟毛磔。筆作劍鋒長。我憐君。癡絕似。頤長康。綸巾羽扇顛倒。又似竹林狂。解道長江如練。準備停雲堂上。千首買秋光。怨調爲誰賦。一斛貯榴榔。

玉蝴蝶（道別杜仲高）

古道行人來去。香滿紅樹。風雨殘花。望斷青山高處。都被雲遮。客重來。風流觴詠。春已去。光景

桑麻苦無多。一條垂柳。兩箇啼鴉。人家疎疎翠竹。陰陰綠樹。淺淺寒沙。醉兀籃輿。夜來豪飲太狂些。到如今。都齊醒卻。只依舊。無奈愁何。試聽呵寒食近也。且住爲佳。

又（杜仲高書來戒酒用韻）

貴賤偶然渾似。隨風簸。籬落飛花。空使兒曹馬上。羞面頻遮。向空江。誰捐玉珮。寄離恨。應折疏麻。暮雲多。佳人何處。數盡歸鴉。儂家生涯蠟屐。功名破甑。交友搏沙。往日曾論。淵明似勝臥龍些。算從來。人生行樂。休便說日飲亡何。快掛呵。裁詩未穩。得酒良佳。

稼軒詞卷第一終

宋六十名家翻

三三

稼軒詞卷第一

滿江紅（趙康史帥致道席上賦）

鵬翼垂空。笑人世、蒼然無物。又還去、九重深處，玉階山立。袖裏珍奇光五色。他年要補天西北。且歸來、談笑護長江。波澄碧。佳麗地、文章伯。金縷唱，紅牙拍。看尊前飛下，日邊消息。料想寶香熏閣夢。依然畫舫清溪笛。待如今、端的約鍾山。長相識。

又（中秋寄遠）

快上西樓。怕天教、浮雲遮月。但喚取、玉纖橫管。一聲吹裂。誰做冰壺涼世界。最憐玉斧脩時節。問嫦娥、孤處有愁無。應華髮。雲液滿瓊杯滑。長袖舞。清歌咽。歎十常八九。欲磨還缺。但願長圓如此夜。人情未必看承別。把從前、離恨總包藏。歸時說。

又（中秋）

美景良辰。算只是、可人風月。況素節、揚輝長是。十分清徹。著意登樓瞻玉兔。何人張幙遮銀闕。倩飛廉、特得爲吹開。憑誰說。弦與望。從圓缺。今與昨。何區別。羨夜來把手。桂花堪折。安得便登天柱上。從容陪伴酬佳節。更如今、不聽塵談清。愁如髮。

又（暮春）

點火櫻桃。照一架茶蘼如雪。春正好。見龍孫穿破。紫苔蒼壁。乳燕引雛飛力弱。流鶯喚友嬌聲怯。問春歸。不肯帶愁歸。腸千結。層樓望。春山疊。家何在。烟波隔。把古今遺恨。向他誰說。蝴蝶不傳千里夢。子規叫斷三更月。聽聲聲。枕上勸人歸。歸難得。

又

可恨東君把春去。春來無迹。使過眼。等閑輸了。三分之一。晝永暖翻紅杏雨。風清扶起垂楊力。更天涯。芳草最關情。烘殘日。湘浦岸。南塘驛。恨不盡。愁如織。算年年辜負。對他寒食。使恁歸來能幾許。風流早已非疇昔。凭畫闌。一線數飛鴻。沈空碧。

又

家住江南。又過了清明寒食。花徑裏。一番風雨。一番狼藉。紅粉暗隨流水去。園林漸覺清陰密。算年年。落盡刺桐花。寒無力。庭院靜。空相憶。無說處。閑愁極。怕流鶯乳燕。得知消息。尺素如今何處也。綠雲依舊無踪跡。漫教人。羞去上層樓。平蕪碧。

又（贛州席上早太守陳李陵侍郎）

落日蒼茫。風纔定。片帆無力。還記得。眉來眼去。水光山色。倦客不知身遠近。佳人已卜歸消息。便歸來。只是賦行雲。襄王客。些箇事。如何得。知有恨。休重憶。但楚天特地。暮雲凝碧。過眼不如人意事。十常八九。今頭白。笑江州。司馬太多情。青衫溼。

又（賀王帥宣平湖南寇）

笳鼓歸來。舉鞭問。何如諸葛。人道是。愔愔五月。渡瀘深入。白羽生風。貔虎譟。青溪路斷。麩麩泣。早紅塵。一騎落平岡。捷書急。三萬卷。龍頭客。渾未得。文章力。把詩書。馬上笑驅鋒鏑。金印明年。如斗大。貂蟬卻自兜鍪出。待刻公勳業。到雲霄。浯溪石。

又

漢水東流。都洗盡。髑胡膏血。人盡說。君家飛將。舊時英烈。破敵金城雷過耳。談兵玉帳冰生頰。想王郎。結髮賦從戎。傳遺業。腰間劍。聊彈鋏。尊中酒。堪爲別。況故人新擁。漢壇旌節。馬革裹屍當自誓。蛾眉伐性。休重說。但從今。記取楚臺風。庾樓月。

又（江行簡楊濟翁周顯先）

過眼溪山。怪都是。舊時曾識。還記得。夢中行徧。江南江北。佳處徑須攜杖去。能消幾兩平生屐。笑塵勞。三十九年非。長爲客。吳楚地。東南坼。英雄事。曹劉敵。被西風吹盡了。無塵跡。樓觀甫成人。已去。旌旗未卷。頭先白。歎人生。哀樂轉相尋。今猶昔。

又

敲碎離愁。紗窗外。風搖翠竹。人去後。吹簫聲斷。倚樓人獨。滿眼不堪三月暮。舉頭已覺千山綠。但試把。一紙寄來書。從頭讀。相思字。空盈幅。相思意。何時足。滴羅襟。點淚珠。盈掬。芳草不

迷行路客。垂楊只礙離人目。最苦是、立盡月黃昏。闌干曲。

又

倦客新豐。貂裘敝。征塵滿目。彈短劍。青蛇三尺。浩歌誰續。不念英雄江左老。用之可以尊中國。歎詩書。萬卷致君人。翻沈陸。休感慨。澆醜醜。人易老。歡難足。有玉人憐我。爲簪黃菊。且置請纓封萬戶。竟須賣劍酬黃犢。甚當年。寂寞賈長沙。傷時哭。

又

風捲庭梧。黃葉墜。新涼如洗。一笑折。秋英同賞。弄香授蕊。天遠難窮休久望。樓高欲下還重倚。拚一襟。寂寞淚彈秋。無人會。今古恨。沈荒壘。悲歡事。隨流水。想登樓。青鬢未堪憔悴。極目煙橫山數點。孤舟月淡人千里。對嬋娟。從此話離愁。金尊裏。

又（冷泉亭）

直節堂堂。看夾道。冠纓拱立。漸翠谷。羣仙來下。珮環聲急。誰信天銜飛墮地。傍湖千丈開青壁。是當年。玉斧削方壺。無人識。山水潤。琅玕溼。秋露下。瓊珠滴。向危亭橫跨。玉淵澄碧。醉舞且搖鸞鳳影。浩歌莫遣魚龍泣。恨此中。風物本吾家。今爲客。

又（再用前韻）

照影溪梅。悵絕代。佳人獨立。便小駐。雍容千騎。羽觴飛急。琴裏新聲風響珮。筆端醉墨鵝棲壁。

是使君文雅舊知名。今方識。高欲臥雲還溼。清可漱泉長滴。快晚風吹帽。滿懷空碧。寶馬嘶歸紅旆動。龍團試水銅瓶泣。怕他年重到路應迷。桃源客。

又（席間和洪景盧舍人無司馬漢章大監）

天與文章看萬斛。龍文筆力。聞道是一詩。曾換千金顏色。欲說又休新意思。強啼偷笑真消息。算人人合與共乘鸞。鸞坡客。傾國豔難再得。還可恨。還堪憶。看書尋舊錦。衫裁新碧。鶯蝶一春花裏活。可堪風雨飄紅白。問誰家。卻有燕歸梁。香泥溼。

又（送湯朝美司諫自汴歸金壇）

瘴雨蠻煙十年夢。曾前休說春正好。故園桃李待君花發。兒女燈前和淚拜。雞豚社裏歸時節。看依然。舌在齒牙牢。心如鐵。活國手。封侯骨。騰汗漫。排悶園待十分做了。詩書勳業。當日念君歸去好。而今却恨中年別。笑江頭。明月更多情。今宵缺。

又（送李正之提刑入蜀）

蜀道登天一杯送。繡衣行客還自歎。中年多病不堪離別。東北看騰諸葛表。西南更草相如檄。把功名收拾付君侯。如椽筆。兒女淚。君休滴。荆楚路。吾能識。要新詩。準備廬山山色。赤壁磯頭千古浪。銅鞮陌上三更月。正梅花萬里雪深時。須相憶。

又（送信守鄖舞舉被召）

湖海平生算不負。蒼髯如戟。聞道是使君著意。太平長策。此老自當兵十萬。長安正在天西北。便鳳凰飛詔下天來。催歸急。車馬路。兒童泣。風雨暗。旌旗溼。看野梅官柳。東風消息。莫向蘆庵追笑語。只今松竹無顏色。問人間。誰管別離愁。杯中物。

又（和楊民瞻送侑之弟還侍浮梁）

塵土西風使無限。淒涼行色。還記取。明朝應恨。今宵輕別。珠淚爭垂華燭暗。雁行欲斷哀箏切。看扁舟。幸自澀清溪。休催發。白石路。長亭側。千樹柳。千絲結。怕行人西去。棹歌聲闋。黃卷莫教詩酒汗。玉階不信仙凡隔。但從今。伴我又隨君。佳哉月。

又（遊南巖和范先之韻）

笑拍洪崖問千丈。翠巖誰削。依舊是西風白鳥。北村南郭。似整復斜僧屋亂。欲吞還吐林煙薄。覺人間。萬事到秋來。都搖落。呼斗酒。同君酌。更小隱。尋幽約。且丁甯。休負北山猿鶴。有鹿從渠求鹿夢。非魚定未得魚樂。正仰看。飛鳥却應人。回頭錯。

又（和范先之雪）

天上飛瓊畢竟向。人間情薄。還又跨玉龍歸去。萬花搖落。雲破林梢添遠岫。月明屋角分層閣。記少年。駿馬走韓盧。掀東郭。吟凍雁。嘲飢鵠。人已老。歡猶昨。對瑤華滿地。與君酬酢。最愛霏霏迷遠近。都收擾擾還空闕。待羔兒。飲罷又烹茶。揚州鶴。

又（病中僉山甫教授訪別，病起寄之）

曲几團蒲記方丈。君來問疾。更夜雨。恩恩別去。一杯南北。萬事莫侵鬢髮。百年正要佳眠食。最難忘。此語重殷勤。千金值。西崦路。東巖石。攜手處。今塵迹。望東來。猶有舊盟如日。莫信蓬萊風浪隔。垂天自有扶搖力。對梅花。一夜苦相思。無消息。

又（錢郎衡州以蒲席上再賦）

莫折荼蘼且留取。一分春色。還待得。青梅如豆。共伊同摘。少日對花渾醉夢。而今醒眼看風月。恨牡丹。笑我倚東風。頭如雪。榆莢錢。菖蒲葉。時節換。繁華歇。算怎禁風雨。怎禁鶉鴉。老冉冉。分花共柳。是栖栖者。蜂和蝶。也不因春去。有閒愁。因離別。

又（送徐行仲撫幹）

絕代佳人曾一笑。傾城傾國。休更歎。舊時青鏡。而今華髮。明日伏波堂上客。老當益壯翁應說。恨苦遭。鄧禹笑人來。長寂寂。詩酒社。江山筆。松菊徑。雲煙屐。怕一觴一詠。風流絃絕。我夢橫山孤鶴去。覺來却與君相別。記功名。萬里要吾身。佳眠食。

又

紫陌飛塵望十里。雕鞍繡轂。春未老。已驚臺榭。瘦紅肥綠。睡雨海棠猶倚醉。舞風楊柳難成曲。問流鶯。能說故園無。曾相熟。巖泉上。飛鳧浴。巢林下。棲禽宿。恨荼蘼開晚。漫翻紅玉。蓮社豈

堪談昨夢。蘭亭何處尋遺墨。但綺懷空自倚鞦韆。無心蹴。

又（盧國華由閩憲移建寧陳端仁給事同請公餞別余爲酒困臥清涼堂上三鼓方醒國華賦詞留別席上

和韻）

宿酒醒時算只有清愁而已。人正在清涼堂上月華如洗。紙帳梅花歸夢覺。尊羹鱸膾秋風起。問人生得意幾何時。吾歸矣。君若問相思事。料長在歌聲裏。這情懷只是中年如此。明月何妨千里隔。願君與我如何耳。向尊前重約幾時來。江山美。

又（和盧國華）

漢節東南看駟馬。光華周道。須信是七閩還有福星來到。庭草自生心意足。榕陰不動秋光好。問不知何處著君侯。蓬萊島。還自笑人今老。空有恨。縈懷抱。記江湖十載。厭持旌纛。滲落我材無所用。易除殆類無根潦。但欲搜好語謝新詞。羞瓊報。

又（山居卽事）

幾箇輕鷗來點破。一泓澄綠。更何處一雙鷓鴣。故來爭浴。細讀離騷還痛飲。飽看脩竹何妨肉。有飛泉日已共明珠。五千斛。春雨滿秧新穀。聞日永。眠黃犢。看雲連麥隴。雪堆蠶簇。若要足時今足矣。以爲未足何時足。被野老相扶入東園。枇杷熟。

又（和傅巖叟香月韻）

半山佳句。最好是。吹香隔屋。又還怪。冰霜側畔。蜂兒成簇。更把香來薰了月。却教影去斜侵竹。似神清骨冷住西湖。何山俗。根老。大穿坤軸。枝天矯。蟠龍解快酒。兵長俊。詩壇高築。一再人來風味惡。兩三杯後。花緣熟。記五更聯句。失彌明。龍啣燭。

又（壽趙茂嘉郎中前章記兼濟倉事）

我對君侯。怪長見。兩眉陰德。還夢見。玉皇金闕。姓名仙籍。舊歲炊煙渾欲斷。被公扶起千人活。算胸中。除却五車書。都無物。山左右。溪南北。花遠近。雲朝夕。看風流杖履。蒼髯如戟。種柳已成陶令宅。散花更滿維摩室。勸人間。且住五十年。如金石。

又（呈趙督臣數文）

老子平生。原自有。金鑿華屋。還又要。萬間寒士。眼前突兀。一舸歸來輕似葉。兩翁相對清如鶴。到如今。吾亦愛吾廬。多松菊。人道是。荒年穀。還又似。豐年玉。甚等閑。却爲鱸魚歸速。野鶴溪邊留杖履。行人牆外聽絲竹。問近來。風月幾篇詩。三千軸。

又（游清風峽和趙督臣數文韻）

兩峽嶽巖。問誰古。清風舊築。滿眼裏。雲來鳥去。澗紅山綠。世上無人供笑傲。門前有客休迎肅。怕淒涼。無物伴君時。多栽竹。風采妙。凝冰玉。詩句好。餘音馥。嘆只今人物。一夔應足。人似秋鴻無定住。事如飛彈須圓熟。笑君侯。陪酒又陪歌。陽春曲。

木蘭花慢(席上送張仲固帥興元)

漢中開漢業。問此地。是耶非。想劍指三秦。君王得意。一戰車歸。興亡事。今不見。但山川。滿目淚。沾衣。落日胡塵未斷。西風塞馬空肥。一篇書是帝王師。小試去征西。更草草離筵。恩恩去路。愁滿旌旗。君思我。回首處。正江涵。秋影雁初飛。安得車輪四角。不堪帶減腰圍。

又(滁州送范倅)

老來情味減。對別酒。怯流年。況屈指中秋。十分好月。不照人圓。無情水都不管。共西風。只管送歸船。秋晚尊鱸江上。夜深兒女燈前。征衫便好去朝天。玉殿正思賢。想夜半承明。留教視草。却遣籌邊。長安故人問我道。愁腸殢酒。只依然。日斷秋霄落雁。醉來時響空絃。

又(題上饒州團聚微樓)

舊時樓上客。愛把酒。對南山。笑白髮如今。天教放浪。來往其間。登樓更誰念我。却回頭。西北望。層闌雲雨珠簾盡。棟。笙歌霧鬢風鬢。近來堪入畫圖看。父老願公歡。甚挂笏悠然。朝來爽氣。正爾相關。離忘使君後日。使一花。一草報平安。與客攜壺且醉。雁飛秋影江寒。

又(寄題吳克明廣文菊隱)

路旁人怪問。此隱者。姓陶不。甚黃菊如雲。朝吟暮醉。喚不回頭。縱無酒成悵望。只東籬。搔首亦風流。與客朝飧一笑。落英飽使歸休。古來堯舜有巢由。江海去悠悠。待說與佳人。種成香草。

莫怨靈脩。我無可無不可。意先生出處有如丘。問道問津人過。殺雞爲黍相留。

水龍吟（旅次登樓作）

楚天千里。清秋水隨天去。秋無際。遙岑遠目。獻愁供恨。玉簪螺髻。落日樓頭。斷鴻聲裏。江南遊子。把吳鉤看了。闌干拍遍。無人會。登臨意。休說鱸魚堪膾。儘西風。季鷹歸未。求田問舍。怕應羞見。劉郎才氣。可惜流年。變愁風雨。樹猶如此。倩何人喚取。紅巾翠袖。搵英雄淚。

又（甲辰歲。志聲南澗尚書）

渡江天馬南來。幾人真是經綸手。長安父老。新亭風景。可憐依舊。夷甫諸人。神州沈陸。幾曾回首。算平戎萬里。功名本是。眞儒事。公知否。況有文章山斗。對桐陰。滿庭清晝。當年墮地。而今試看。風雲奔走。綠野風煙。平泉草木。東山歌酒。待他年。整頓乾坤事了。爲先生壽。

又（次年南澗用韻爲僕與公生日相去一日再和以壽南澗）

玉皇殿閣微涼。看公重試薰風手。高門畫戟。桐陰聞道。青青如舊。蘭佩空芳。蛾眉誰妒。無言搔首。甚年年。却有呼韓塞上人爭問。公安否。金印明年如斗。向中州。錦衣行晝。依然盛事。貂蟬前後。風麟飛走。富貴浮雲。我許軒冕。不如杯酒。待從公痛飲。八千餘歲。伴莊椿壽。

又（盤園任子嚴安撫持冠母請客具高風名其堂亦來索詞爲賦）

斷崖千丈。孤松挂冠。更在松高處。平生袖手。故應休矣。功名良苦。笑指兒曹。人間醉夢。莫嗔驚

汝問黃金餘幾。旁人欲說田園記。君推去。嘆息。燕舊隱。對先生。竹窗松戶。一花一草。一觴一詠。風流杖屨。野馬塵埃。扶搖下視。蒼然如許。恨當年。九老圖中。忘却花盤園林路。

又（寄題京口漣南伯知縣家文官花仕白次緋次紫唐會要載學士院有之）

倚闌看碧成珠。等閒褪了香袍粉。上林高選。恩恩又換。紫雲衣溼。幾許春風。朝薰暮染。爲花忙損。笑舊家桃李。東溲西抹。有多少。淒涼恨。擬倩流鶯說。與記榮華。易消難整。人間得意。千紅萬紫。轉頭春盡。白髮憐君。儒冠曾慣。平生官冷。算風流未減。年年醉裏。把花枝問。

又（題雨巖廢觀今所畫觀音菩薩巖中有泉飛出如風雨聲）

普陀大士虛空。翠巖記取飛來處。蜂房萬點。似穿如礙。玲瓏窗戶。石髓千年。已垂未落。鱗峒冰柱。有怒濤聲遠。落花香在人疑是。桃源路。又說春雷鼻息。是臥龍。鱗環如許。不然應是洞庭張樂。湘靈來去。我意長松。倒生陰壑。細吟風雨。竟茫茫未曉。只應白髮。是開山祖。

又（瓢泉）

稼軒何必長貧。放泉簪外瓊珠瀉。樂天知命。古來誰會。行藏用舍。人不堪憂。一瓢自樂。賢哉回也。料當年嘗問。飯蔬食飲水。何爲是。栖栖者。且對浮雲山上。莫怱怱。去流山下。蒼顏照影。故應零落。輕裘肥馬。繞齒冰霜。滿懷芳乳。先生飲罷。笑挂瓢風樹。一鳴渠碎。問何如甌。

又（用瓢泉韻戲仁和無諸葛元亮且督和詞）

被公驚倒瓢泉。倒流三峽。詞源瀉。長安紙貴。流傳一字。千金爭舍。割肉懷歸。先生自笑。又何廉也。但啣杯莫問。人間豈有如孺子。長貧者。誰識稼軒心事。似風乎舞雩之下。回頭落日蒼茫。萬里塵埃野馬。更想隆中臥龍千尺。高吟纔罷。倩何人與問。雷鳴瓦釜。甚黃鐘噓。

又（用此語再韻瓢泉。款以飲客。聲語甚諧。客皆爲之繼）

聽兮清珮瓊瑤些。明兮鏡秋毫些。君無去此。流昏漲賦。生蓬蒿些。虎豹甘人。渴而飲。甯猿猱些。大而流江海。覆舟如芥。君無助狂濤些。路險兮山高些。愧余獨處無聊些。冬槽春盎。歸來爲我。製松醪些。其外芬芳。團龍片鳳。煮雲膏些。古人兮既往。嗟余之樂。樂箜篌些。

又（過南澗雙溪樓）

舉頭西北浮雲。倚天萬里。須長劍。人言此地。夜深長見。斗牛光焰。我覺山高。潭空水冷。月明星淡。待燃犀下看。凭闌却怕。風雷怒。魚龍慘。峽束蒼江對起。過危樓。欲飛還斂。元龍老矣。不妨高臥。冰壺涼簟。千古興亡。百年悲笑。一時登覽。問何人。又卸片帆沙岸。繫斜陽纜。

又（愛李延年歌。淳于斃語。今爲詞。庶幾高唐神女洛神賦之意云）

昔時曾有佳人。翩然絕世而獨立。未論一顧傾城。再顧又傾人國。甯不知其傾城傾國。佳人難再得。看行雲行雨。朝朝暮暮。陽臺下。襄王側。堂上更闌燭滅。記主人。留髡送客。合尊促坐。羅襦襟解。微聞薜澤。當此之時。止乎禮義。不淫其色。但啜其泣矣。啜其泣矣。又何差及。

又（別傅先之提舉時先之有召命）

只愁風雨重陽。思君不見，令人老。行期定否。征車幾輛。去程多少。有客書來，長安却早。傳聞追詔，問歸來何日。君家舊事，直須待爲霖了。從此蘭生蕙長，吾誰與玩茲芳草。自憐拙者，功名相避，去如飛鳥。只有良朋，東阡西陌，安排似巧。到如今，巧處依然，又拙把平生笑。

又

老來曾識淵明。夢中一見，參差是。覺來幽恨，停觴不御。欲歌還止。白髮西風，折腰五斗，不應堪此。問北窗高臥，東籬自醉，應別有歸來意。須信此翁未死，到如今，凜然生氣。吾儕心事，古今長在，高山流水。富貴他年，直饒來晚，也應無味。甚東山何事，當時也道爲蒼生起。

摸魚兒（淳熙己亥自湖北漕移湖南同官王正之置酒小山亭賦）

更能消幾番風雨。恁恁春又歸去。惜春長怕花開早。何況落紅無數。春且住。見說道，天涯芳草無歸路。怨春不語。算只有殷勤，畫簷蛛網，盡日惹飛絮。長門事，準擬佳期又誤。蛾眉曾有人妬。千金曾買相如賦。脈脈此情誰訴。君莫舞。君不見，玉環飛燕皆塵土。閑愁最苦。休去倚危闌，斜陽正在，煙柳斷腸處。

又（觀湖上葉丞相）

望飛來，半空鷗鷺，須臾動地鼙鼓。截江組練驅山去。鏖戰未收貔虎。朝又暮。悄慣得，吾兒不怕。

蛟龍怒。風波平步。看紅旆驚飛。跳魚直上。蹙踏浪花舞。憑誰問。萬里長鯨吞吐。人間兒戲。千弩滔天力。倦知何事。白馬素車東去。堪恨處。人道是。屬餒怨憤足千古。功名自誤。漫教得陶朱。五湖西子。一舸弄煙雨。

又（雨廢石狀甚怪。取離騷九歌名曰山鬼。因賦摸魚兒。改名山鬼謠）

問何年。此山來此。西風落日無語。看君似是羲皇上。直作太虛名汝。溪上口。算只有紅塵不到。今猶古。一杯誰舉。笑我醉呼君。崔嵬未起。山鳥覆杯去。須記取。昨夜龍湫風雨。門前石浪掀舞。四更山鬼吹燈嘯。驚倒世間兒女。依然處。還問我。清遊杖屨。公良苦。神交心許。待萬里攜君。鞭笞鸞鳳。送我遠遊賦。（石湫庵外巨石也。長三十餘丈）

西河（送錢仲耕自江西漕移守婺州）

西江水。道是西江人淚。無情却解。送行人。月明千里。從今日。日倚高樓。傷心煙樹如薺。會君難別。君易。草草不如人意。十年著破繡衣。茸種成桃李。問君可是厭承明。東方鼓吹千騎。對梅花更消一醉。看明年。調鼎風味。老病自憐憔悴。過吾廬。定有幽人相問。歲晚淵明歸來未。

永遇樂（送陳仁和自汴東歸陳至。上饒之二年。每子甚喜）

紫陌長安。看花年少。無限歌舞。白髮憐君。尋芳較晚。捲地驚風雨。問君知否。鴟夷載酒。不似井瓶身誤。細思量。悲歡夢裏。覺來總無尋處。芒鞋竹杖。天教還了。千古玉樓佳句。落魄東歸風

流贏得掌上明珠去。起看青鏡。南冠好在。拂了舊時塵土。向君道。雲霄萬里。這回穩步。

又(梅雪)

怪底寒梅一枝雪裏。只恁愁絕。問訊無言。依稀似妒。天上飛英白。江上一夜。瓊瑤萬頃。此段如何。妒得細看來。風流添得自家越樣標格。晚來樓上。對花臨鏡。學作半妝額。著意爭妍。那知卻有人。妒花顏色。無情休問。許多般事。且自訪梅踏雪。待行過溪橋夜半。更邀素月。

又(戲賦辛字送茂嘉十二弟赴調)

烈日秋霜。忠肝義膽。千載家譜。得姓何年。細參辛字。一笑君聽取。艱辛做就。悲辛滋味。總是辛酸辛苦。更十分。向人辛辣。椒桂搗殘堪吐。世間應有。芳甘濃美。不到吾家門戶。比著兒曹。紫纈卻有金印。光垂組。付君此事。從今直上。休憶對牀風雨。但贏得。鞞絞縵面。記余戲語。

又(檢校停雲新種杉松戲作時欲作禱報書紙筆偶爲大風吹去未章因及之)

投老空山。萬松手種。政爾堪嘆。何日成陰。吾年有幾。似見兒孫晚。古來池館。雲煙草棘。長使後人淒斷。想當年。良辰已恨。夜闌酒空人散。停雲高處。誰知者子。萬事不關心眼。夢覺東窗。聊復爾爾。起欲題書簡。霎時風怒。倒翻筆硯。天也只教吾懶。又何事。催急急雨。片雲斗暗。

又(京口北固亭懷古)

千古江山。英雄無覓。孫仲謀處。舞榭歌臺。風流總被。雨打風吹去。斜陽草樹。尋常巷陌。人道寄

奴曾住。想當年。金戈鐵馬。氣吞萬里如虎。元嘉草草。封狼居胥。贏得倉皇北顧。四十三年。望中猶記。烽火揚州路。可堪回首。佛狸祠下。一片神鴉社鼓。憑誰問。廉頗老矣。尙能飯否。

歸朝歡

（嶺南齊庵舊浦港皆長松茂林。獨野櫻花一株。山上盛開。照映可愛。不數日。風雨摧敗。殆盡。意有感。因效介庵體爲賦。且以舊浦綠名之。丙辰歲三月三日也。）

山下千林花太俗。山上一枝看不足。春風正在此花邊。菖蒲自蘸清溪綠。與花同草木。問誰風雨飄零速。莫悲歌。夜深巖下。驚動白雲宿。病怯殘年頻自卜。老愛遺篇難細讀。苦無妙手畫於菟。人間雕刻真成鶴。夢中人似玉。覺來更憶腰如束。許多愁。問君爲酒。何不日絲竹。

又

（寄題三山鄭元英巢經樓。樓之側有尙友齋。欲借書者。就齋中取讀。書不借出。）

萬里康成西走蜀。藥市船歸書滿屋。有時光彩射星躔。何入汗簡讎天祿。好之寧有足。請看良賈藏金玉。記斯文。千年未喪。四壁聞絲竹。試問辛勤攜一束。何似牙籤三萬軸。古來不作借人癡。有朋只就芸窗讀。憶君清夢熟。覺來笑我。便便腹。倚危樓。人間誰舞。掃地八風曲。

又（題趙晉臣敷文積翠巖）

我笑共工緣底怒。觸斷峨峨天一柱。補天又笑女媧忙。卻將此石投閒處。野煙荒草路。先生拄杖來看汝。倚蒼苔。摩挲試問。千古幾風雨。長被兒童敲火苦。時有牛羊磨角去。霍然千丈翠巖屏。鏘然一滴甘泉乳。結亭三四五。會相暖熱攜歌舞。細思量。蒼寮邃士。不遇有時遇。

又（丁卯歲寄題眉山李參政石林）

見說岷峨千古雪。都作岷峨山上石。君家右史老泉公。千金未盡勤收拾。一堂眞石石。開庭更與天突兀。記當時。長編筆硯。日日雲煙溼。野老時逢山鬼泣。誰夜持山去。難覓有人依樣入。明光玉塔之下巖巖立。琅玕無數碧。風流不數平泉物。欲重吟青蔥玉樹。須倩子雲筆。

一枝花（醉中戲作）

千丈擎天手。萬卷懸河口。黃金腰下印。大如斗。更千騎弓刀。揮霍遮前後。百計千方久。似鬪草兒童。贏箇他家偏有。算枉了。雙眉長皺。白髮空回首。那時問。說向山中友。看邱隴牛羊。更辨賢愚否。且自栽花柳。怕有人來。但只道。今朝中酒。

喜遷鶯（謝趙晉臣敷文賦芙蓉詞見志用韻爲謝）

暑風涼月。愛亭亭無數。綠衣持節。掩冉如羞。參差似妒。擁出芙渠花發。步襯潘娘堪恨。貌比六郎誰潔。添白鷺。晚晴時。公子佳人並列。休說寒木末。當日靈均。恨與君王別。心阻媒勞。交疎怨極。恩不甚。分輕絕。千古離騷文字。至今猶未歇。都休問。但千杯快飲。露荷翻葉。

瑞鶴仙（壽上饒倅洪莘之時攝郡事且將赴漕舉）

黃金堆到斗。怎得似長年。畫堂勸酒。蛾眉最明秀。向水沈煙裏。兩行紅袖。笙歌擁就。爭說道。明年時候。被姮娥。做了殷勤仙桂。一枝入手。知否。風流別駕。近日人呼。文章太守。天長地久。歲

上迺翁壽。記從來人道。相門出相。金印纍纍儘有。但直須周公拜前。魯公拜後。

又（賦梅）

雁霜寒透幙。正護月雲輕。嫩冰猶薄。溪澗照梳掠。想含香弄粉。豔妝難學。玉肌瘦弱。更重重龍
銷襯著。倚東風。一笑嫣然。轉盼萬花羞落。寂寞。家山何在。雪後園林。水邊樓閣。瑤池舊約。鄰
翁更仗誰托。粉蝶兒。只是尋桃覓柳。開徧南枝未覺。但傷心。冷落黃昏。數聲畫角。

又（南澗雙溪樓）

片帆何太急。望一點須臾。去天咫尺。舟人好看客。似三峽風濤。嵯峨劍戟。溪南溪北。正遐想幽
人泉石。看漁樵。指點危樓。卻羨舞筵歌席。嘆息。山林鐘鼎。意倦情遷。本無欣戚。轉頭陳迹。飛
鳥外。晚煙碧。問誰憐舊日南樓老子。最愛月明吹笛到。而今撲面黃塵。欲歸未得。

聲聲慢（旅次登樓作）

征埃成陣。行客相逢。都道幻出層樓。指點蒼牙。高處浪湧雲浮。今年太平萬里。罷長淮。千騎臨
秋。凭欄望。有東南佳氣。西北神州。千古懷嵩人去。還笑我。身在楚尾吳頭。看取弓刀。陌上車
馬如流。從今賞心樂事。剩安排。酒令詩籌。華胥夢。願年年人似舊游。

又（嘲紅木屋。余兒時嘗入京師禁中凝碧池。因書當時所見）

開元盛日。天上栽花。月殿桂影重重。十里芬芳。一枝金粟玲瓏。管絃凝碧池上。記當時。風月愁

儂翠華遠。但江南草木煙鎖深宮。只爲天姿冷澹，被西風醞釀，徹骨香濃。枉學丹蕉葉底偷染妖紅。道人取次裝束，是自家香底家風。又怕是爲淒涼，長在醉中。

又（送上饒黃倅職滿赴調）

東南形勝，人物風流，白頭見君恨晚。便覺君家叔度，去人未遠。長憐士元驥足，道直須別駕方展。問箇裏待怎生銷殺，胸中萬卷。況有星辰劍履，是傳家合在玉皇香案。零落新詩，我欠可人消遣。留君再三不住，便直饒萬家淚眼。怎抵得這眉間黃色一點。

又（驪括淵明停雲詩）

停雲靄靄，八表同昏。盡日時雨濛濛，搔首良朋。門前平陸成江，春醪淇淇，獨撫恨彌襟。閒飲東窗空延佇，恨舟車南北欲往何從。嘆息東園佳樹，列初榮枝葉，再競春風。日月于征，安得促席從容。翩翩何處飛鳥，息庭柯好語，和同當年事。問幾人親友似翁。

八聲甘州（壽建康帥胡長文給事時方闋拆紅梅之舞，且有錫帶之寵）

把江山好處付公來。金陵帝王州。想今年燕子，依然認得，王謝風流。只用平時尊俎，彈壓萬貔貅。依舊釣天夢，玉殿東頭。看取黃金橫帶，是明年準擬，丞相封侯。有紅梅新唱，香陣卷溫柔。且畫堂通宵一醉，待從今更數八千秋。公知否，邦人香火，夜半纔收。

又（夜讀李廣傳不能寐因念晁楚老楊民瞻約同屠山間戲用李廣事賦以寄之）

故將軍飲罷夜歸來。長亭解離鞍。恨瀟陵醉尉。忽忽未識。桃李無言。射虎山橫一騎。裂石響驚弦。落魄封侯事。歲晚田園。誰向桑麻。杜曲。要短衣匹馬。移住南山。看風流慷慨。談笑過殘年。漢開邊。功名萬里。甚當時。健者也。曾聞紗窗外。斜風細雨。一陣輕寒。

雨中花慢

登新樓有懷趙高甫徐斯遠韓仲正吳子似楊民瞻

舊雨常來。今雨不來。佳人假塞誰留。幸山中芋栗。今歲全收。貪賤交情落落。古今吾道悠悠。怪新來卻見。文友離騷。詩發秦州。功名只道無之不樂。那知有更堪憂。怎奈何。兒曹抵死。喚不回頭。石臥山前。認虎。蟻噴牀下。聞牛爲誰西望。憑欄一晌。卻下層樓。

又

吳子似見和再用韻爲別

馬上三年。醉帽吟鞍。錦囊詩卷長留。恨溪山舊管。風月新收。明使關河杳杳。去應日月悠悠。笑千篇索價。未抵蒲桃。五斗涼州。停雲老子。有酒盈尊。琴書端可消憂。渾未解。傾身一飽。漸米矛頭。心似傷弓。塞雁身如喘月。吳牛曉天涼夜。月明誰伴。吹笛南樓。

漢宮春

立春

春已歸來。看美人頭上。裊裊春旛。無端風雨未肯。收盡餘寒。年時燕子。料今宵。夢到西園。渾未辦。黃柑薦酒。更傳青韭堆盤。卻笑東風從此。便薰梅染檀。更沒些閒。閒時又來鏡裏。轉變朱顏。清愁不斷。問何人。會解連環。生怕見。花開花落。朝來寒雁先還。

又(卽事)

行李溪頭有釣車茶具。曲几團蒲。兒童認得前度。過者監輿。時時照影。甚此身。徧滿江湖。悵野老行歌不住。定堪與語難呼。一自東籬搖落。問淵明歲晚。心賞何如。梅花政自不惡。曾有詩無。知翁止酒待重教。蓮社人沽。空悵望風流已矣。江山特地愁余。

又(會稽蓬萊閣懷古)

秦望山頭看亂雲急雨。倒立江湖。不知雲者爲雨。雨者雲乎。長空萬里。被西風。變滅須臾。回首聽。月明天籟。人間萬竅號呼。誰向若耶溪上。倩美人西去。麋鹿姑蘇。至今故國人望。一舸歸歟。歲云暮矣。問何不鼓瑟吹竽。君不見。王亭謝館。冷煙寒樹啼鳥。

又(會稽秋風亭觀雨)

亭上秋風記去年。媚媚曾到吾廬。山河舉目雖異。風景非殊。功成者去。覺團扇。使與人疎。吹不斷。斜陽依舊。茫茫禹跡都無。千古茂林猶在。甚風流章句。解擬相如。只今木落江冷。眇眇愁余。故人書報。莫因循。忘卻尊鱸。誰念我。新涼燈火。一編太史公書。

又(答李兼善提舉和章)

心似孤僧更茂林。脩竹山上精廬。維摩定自非病。誰遣文殊。白頭自惜。歎相逢。語密情疎。傾蓋處。論心一語。只今還有公無。最喜陽春妙句。被西風吹墮。金玉鏗如。夜來歸夢江上。父老歡

余。荻花深處喚兒童。吹火烹鱸歸去也。絕交何必更脩山巨源書。

又（答吳子似總幹和章）

達則青雲使玉堂。金馬窮則茅廬道遙小。大白適鷓鴣何殊。君如星斗燦中天。密密疎疎荒草外。自憐螢火清光暫有還無。千古季鷹猶在向松江道。我問訊何如。白頭愛山下去翁定喚。余人生漫爾。豈食魚必膾之鱸。還自笑君詩頻覺胸中萬卷藏書。

滿庭芳（和丞相景伯韻）

傾國無媒入宮見。妒古來繫損蛾眉。看公如月光彩衆星稀。袖手高山流水聽羣蛙。鼓吹荒池文章手。直須補袞藻火燦宗彝。癡兒公事了。吳蠶纏繞。自吐餘絲。幸一枝麤穩。三徑新治。且約湖邊風月功名事。欲使誰知。都休問英雄千古。荒草沒殘碑。

又（和洪丞相景伯韻。景廬內翰）

急管哀絃長歌慢舞。連娟十樣宮眉。不堪紅紫風雨曉。稀稀惟有楊花飛絮。依舊是萍滿芳池。醪醑在青虬快翦。插徧古銅彝。誰將春色去。鸞膠難覓。絃斷蛛絲。恨牡丹多病也。費醫治。夢裏尋春不見空斷腸。怎得春知。休惆悵。一觴一詠。須刻石軍碑。

又（游豫章中湖再用韻）

柳外尋春花邊得句。怪公喜氣暫眉。陽春白雪清唱古今稀。曾是金鬢舊客。記鳳凰獨繞天池。

揮毫罷。天顏有喜。催賜尙方藥。(公在詞掖。嘗拜尙方寶藥之賜。)

只今江山遠。鈞天夢覺。清淚如絲。

算除非痛把酒療花治。明日五湖佳興。扁舟去。一笑誰知。溪堂好。且拚一醉。倚杖讀韓碑。(堂記公所製也。)

又(和章泉趙昌父)

西崦斜陽。東江流水。物華不爲人流。岫然一葉。天下已知秋。屈指人間得意。問誰是。騎鶴揚州。君知我。從來雅興。未老已滄洲。無窮身外事。百年能幾。一醉都休。恨兒曹抵死。謂我心憂。況有溪山杖履。阮籍輩。須我來游。還堪笑。機心早覺。海上有驚鷗。

六幺令(用陸氏事。送玉山令陸德隆侍視東歸吳中。)

酒羣花隊。攀得短轅折。誰憐故山歸夢。千里尊羹滑。便整松江一棹。檢點能言鴨。故人欲接。醉懷霜橘。墮地金圓醒時覺。長喜劉郎馬上肯聽詩書說。誰對叔子風流。直把曹劉壓。更看君侯事業。不負平生學。離腸愁怯。送君歸後。細寫茶經。蕝香雪。

又(再用前韻)

倒冠一笑。華髮玉簪折。陽關自來淒斷。卻怪歌聲滑。放浪兒童歸舍。莫惱比鄰鴨。水連山接。看君歸興。如醉中醒夢中覺。江上吳儂問我。一一煩君說。忍使尊酒頻空。勝欠珍珠壓。手把漁竿未穩。長向滄浪學。問愁誰怯。可堪楊柳。先作東風滿城雪。

醉翁操

（頃余從范先之求觀家譜。見其冠冕蟬聯。世載勳德。先之甚文而好修。意其昌未艾也。時享慶勳臣子孫無見任者。命官之先是屢試甄錄。元祐黨籍家合是二者。先之應仕矣。將告諸朝。行有日。請余作詩以贈。屬余避謗。持此戒甚力。不得如先之之請。又念先之與余遊八年。日從事詩酒間。意相得歡甚於其別也。何能獨愀然。顧先之長於楚詞。而妙於琴。輒擬醉翁操爲之詞。以敘別異。時先之綰組束歸。僕當年買羊沽酒。先之爲鼓一再行。以爲山中盛事云。）

長松之風。如公肯余從。山中人心與吾兮。誰同。湛湛千里之江。上有楓。噫。送子東。望君之門兮。九重女無悅己。誰適爲容。不能手樂。或一朝取封。昔與遊兮。皆童。我獨窮兮。今翁一魚兮。一龍。勞心兮。忡忡。噫。命與時逢。子之所食兮。萬鍾。

醜奴兒近（博山道中效李易安體）

千峯雲起。驟雨一霎兒。價更遠。樹斜陽。風景怎生圖畫。青旗賣酒。山那畔。別有人家。只消山水光中。無事過者一霎。午睡醒時。松窗竹戶。萬千瀟灑。野鳥飛來。又是一飛流。萬壑共千巖。爭秀。孤負平生弄泉手。歎輕衫。帽幾許紅塵。還自喜。濯髮滄浪依舊。人生行樂耳。身後虛名何似。生前一杯酒。便此地。結吾廬。待學淵明。更手種門前五柳。且歸去。父老約重來。問如此青山。定重來否。

洞仙歌

（浮石山莊。余友月湖道人何同叔之別墅也。山類羅浮。故以名。同叔嘗作遊山次序榜示余。且索詞。爲賦洞仙歌以遺之。同叔頃遊羅浮。遇一老人。龐眉幅巾。語同叔云。當有晚年之契。蓋仙云。）

松關桂嶺。望菩薩無路。費盡銀鈎榜佳處。恨空山歲晚。窈窕誰來。須著我。醉臥石樓風雨。仙人瓊海上。握手當年。笑許君攜半山去。劉壘嶂。卷飛泉。洞府淒涼。又卻怕。先生多取。怕夜半羅浮。有時還。好長把雲煙。再三遮住。

又（開南樓初成賦）

婆娑欲舞。怪青山歡喜。分得清溪半篙水。記平沙鷗鷺。落日漁樵。湘江上。風景依然如此。東籬多種菊。待學淵明。飲酒詩情不相似。十里漲春波。一棹歸來。只做箇五湖范蠡。是則是一般弄扁舟。爭知道他家有箇西子。

又（趙晉臣和李能伯韻。屬余同和。趙以兄弟有職名爲詭詞。中頗敘其盛。故末章有裂土分茅之句。）

舊交貧賤。太半成新貴。冠蓋門前幾行李。看恩恩哂笑。爭出山來。憑誰問。小草何如遠志。悠悠今古事。得喪乘除。暮四朝三。又何異。任掀天事業。冠古文章。有幾箇。笙歌晚歲。況滿屋貂蟬。未爲榮。記裂土分茅。是公家世。

又（丁卯八月病中作）

賢愚相去。算其間能幾。差以毫釐繆千里。細思量。義利。舜跖之分。孳孳者。等是雞鳴而起。味

甘終易壞。歲晚還知。君子之交淡如水。一餉聚飛蚊。其響如雷。深自覺。昨非今是。羨安樂。窩中
秦和湯。更劇飲無過。半醺而已。

驀山溪（停雲竹徑初成）

小橋流水。欲下前溪去。喚起故人來。伴先生。風烟杖屨。行穿窈窕。時歷小崎嶇。斜帶水。半遮山。
翠竹栽成路。一尊遐想。剩有淵明趣。山上有停雲。看山下。濛濛細雨。野花啼鳥。不肯入詩來。
還一似笑翁詩。自沒安排處。

又（趙昌父賦一邱一壑格律高古。因效其體）

飯蔬飲水。客莫嘲吾拙。高處看浮雲。一邱壑。中間甚樂。功名妙手。壯也不如人。今老矣。尙何堪。
堪釣前溪月。病來止酒。辜負鷗鷺杓。歲晚念平生。待都與鄰翁細說。人間萬事。先覺者賢乎。
深雪裏。一枝開。春事梅先覺。

最高樓（醉中有索四時歌爲賦）

長安道。投老倦遊歸。七十古來稀。藕花雨溼前湖夜。桂枝風澹小山時。怎消除。須殢酒。更吟詩。
也莫向竹邊辜負雪。也莫向柳邊辜負月。閒過了。總成癡。種花事業無人問。惜花情緒只天
知。笑山中雲出早。鳥歸遲。

又（和楊民瞻席上用韻賦牡丹）

西園買。誰載萬金歸。多病勝遊稀。風斜畫燭天香夜。涼生翠蓋酒酣時。待重尋。居士譜。謫仙詩。
看黃底。御袍元自貴。看紅底。狀元新得意。如斗大。笑花癡。漢妃翠被嬌無奈。吳姬粉陣恨誰知。但紛紛。蜂蝶亂。笑春遲。

又（送丁懷忠教授入廣渠赴調都下。久不得書。或謂從人辟置。或謂復歸閩中矣。）

相思苦。君與我同心。魚沒雁沈沈。是夢松後追軒冕。是化鶴後去山林。對西風。且悵望。到如今。
待不飲。奈何君有恨。待痛飲。奈何吾又病。君起舞。試重斟。蒼梧雲外湘妃淚。鼻亭山下鷓鴣吟。早歸來。流水外。有知音。

又（慶洪景盧內翰七十）

金閨彥。眉壽正如川。七十且華筵。樂天詩句香山裏。杜陵酒債曲江邊。問何如。歌窈窕。舞嬋娟。
更十歲。太公方出將。又十歲。武公方入相。留盛事。看明年。直須腰下添金印。莫教頭上欠貂蟬。向人間。長富貴。地行仙。

又（聞前岡周氏旌表有期）

君聽取。尺布尙堪縫。斗粟也堪舂。人間朋友猶能合。古來兄弟不相容。棣華詩。悲二叔。弔周公。
長歎息。脊令原上急。重歎息。豆萁煎正泣。形則異。氣應同。周家五世將軍後。前岡千載義居風。看明朝。丹鳳詔。紫泥封。

又（客有敗碁者代賦梅）

花知否。花一似何郎。又似沈東陽。瘦稜稜地天然白。冷清清地許多香。笑東君。還又向北枝忙。
著一陣。霎時間底雪。更一箇。缺些兒底月。山下路。水邊牆。風流怕有人知處。影兒守定竹旁。
廂。且饒他。桃李趁少年場。

又（用答韻趙晉臣數文）

花好處。不趁綠衣郎。綺袂立斜陽。面皮兒上因誰白。骨頭兒裏幾多香。儘饒他。心似鐵。也須忙。
甚喚得。雪來白倒雪。便喚得。月來香。殺月誰立馬。更窺牆。將軍止渴山南畔。相公調鼎殿東。
廂。忒高才。經濟地。戰爭場。

又（吾疑乞歸。天子以田產未置止我。賦此罵之）

吾衰矣。須富貴。何時富貴是危機。暫忘設醴抽身去。未曾得米棄官歸。穆先生。陶縣令。是吾師。
待蒼箇。園兒名佚老。更作箇。亭兒名亦好。閒飲酒。醉吟詩。千年田換八百主。一人口插幾張。
匙。咄豚奴。愁產業。豈佳兒。

上西平（會稽秋風亭觀雪）

九衢中。林逋馬帶隨車。問誰解。愛惜瓊華。何如竹外。靜聽窸窣。蟹行沙。自憐是。海山頭。種玉人。
家。紛如鬪。嬌如舞。纒整整。又斜斜。要鬪畫。還我漁蓑。凍吟應笑。羔兒無分漫煎茶。起來極目。

向彌茫。數盡歸鴉。

又（送杜叔高）

恨如新。新恨了。又重新。看天上。多少浮雲。江南好景。落花時節。又逢君。夜來風雨。春歸似欲留人。尊如海。人如玉。詩如錦。筆如神。更能幾字。盡殷勤。江天日暮。何時重與細論文。綠楊陰裏。聽陽關。門掩黃昏。

稼軒詞卷第二

新在葉（新在德莊韻）

人已歸來。杜鵑欲勸誰歸。綠樹如雲，等閒付與鶯飛。兔葵燕麥，問劉郎，幾度沾衣。翠屏幽夢，覺來水繞山圍。有酒重攜，小園隨意芳菲。往日繁華，而今物是人非。春風半面，記當年，初識崔徽。南雲雁少，錦書無箇因依。

又（再和前韻）

春色如愁，行雲帶雨，纔歸。春意長閒，游絲盡日，低飛。閒愁幾許，更晚風，特地吹衣。小窗人靜，棋聲似解重圍。光景難攜，任他鷓鴣芳菲。細數前愆，不應詩酒皆非。知音絃斷，笑淵明，空撫餘徽。停杯對影，待邀明月相依。

又（再題傅巖夏悠然閣）

種豆南山，零落一頃，爲其歲晚淵明也。吟草盛苗稀，風流剗地，向尊前，采菊題詩。悠然忽見，此山正繞東籬。千載襟期，高情想像當時。小閣橫空，朝來翠撲人衣。是中真趣，問騁懷，遊目誰知。無心出岫，白雲一片孤飛。

又（趙茂嘉趙晉臣和韻見約，初秋訪悠然，再用韻）

物盛還衰。眼看春葉秋。其貴賤交情。翟公門外人稀。酒酣耳熱。又何須。幽憤裁詩。茂林脩竹。小園曲徑疎籬。秋以爲期。西風黃菊開時。拄杖敲門。任他顛倒裳衣。去年堪笑。醉題詩。醒後方知。而今東望。心隨去鳥先飛。

又（上巳日。吳子似謂古今無此詞。索賦。）

前水流觴。賞心樂事良辰。蘭蕙光風。轉頭天氣還新。明眸皓齒。看江頭。有女如雲。折花歸去。綺羅陌上芳塵。能幾多春。試聽啼鳥殷勤。對景興懷。向來愛樂紛紛。且題醉墨。似蘭亭。別敘時人。後之覽者。又將有感斯文。

御街行（無題）

闌干四面山無數。供望眼。朝與暮。好風吹雨過山來。吹盡一簾煩暑。紗廚如霧。簾紋如水。別有生涼處。冰肌不受鉛華汙。更旖旎。真香聚。臨風一曲最妖嬈。唱得行雲且住。藕花都放。木犀開後。待與乘鸞去。

又（山中間盤復之提幹行期）

山城甲子冥冥雨。閉外青泥路。杜鵑只是等閑啼。莫被他催歸去。垂楊不語。行人去後。也會風前絮。情知夢裏尋鷓鴣。玉殿追班處。怕君不飲太愁生。不是苦留君住。白頭笑我。年年送客。自歎春江渡。

祝英臺近(晚春)

寶釵分。桃葉渡。煙柳暗南浦。怕上層樓。十日九風雨。斷腸點點飛紅。都無人管。更誰勸。流鶯聲住。鬢邊覷。試把花卜歸期。才簪又重數。羅帳燈昏。哽咽夢中語。是他春帶愁來。春歸何處。卻不解。帶將愁去。

又(與客飲瓠泉。客以泉聲喧靜爲問。余醉未及答。或者以蟬噪林逾靜代對。意甚美矣。翌日爲此賦詞以與之)

水縱橫。山遠近。拄杖占千頃。老眼羞明。水底看山影。試教水動山搖。吾生堪笑。似此箇。青山無定。一瓢飲。人間翁愛飛泉。來尋箇中靜。繞屋聲喧。怎做靜中鏡。我眠君且歸休。維摩方丈。待天女。散花時問。

婆羅門引(別杜叔高。叔高長於楚詞)

落花時節。杜鵑聲裏。送君歸。未消文字湘纍。只怕蛟龍雲雨。後會渺難期。更何人念我。老大傷悲。已而已而。算此意。只君知。記取岐亭買酒。雲洞題詩。爭如不見。纔相見。便有離別時。千里月。兩地相思。

又(用韻別郭逢道)

綠陰啼鳥。陽關未徹。早催歸。歌珠悽斷。纍纍回首。海山何處。千里共襟期。歎高山流水。絃斷堪悲。中心悵而似風雨。落花知。更擬停雲君去。細和陶詩。見君何日。待瓊林。宴罷醉歸時。人爭

看寶馬來思。

又（用韻答傅先之時傅先之宰龍泉歸）

龍泉佳處種花滿。縣卻東歸。腰間玉若金。纔須信功名富貴。長與少年期。恨高山流水。古調今悲。臥龍暫而算天上。有人知。最好五十學易。三百篇詩。男兒事業。看一日。須有致君時。端的了。休便尋思。

又（用韻答趙晉臣敷文）

不堪題鳩。早教百草放春歸。江頭愁殺吾癩。卻覺君侯雅句。千載共心期。便留春甚樂。樂了須悲。瓊而素而被花惱。只鶯知。正要千鍾角酒。五字裁詩。江東日暮。道繡斧人去未多時。還又要玉殿論思。

又（趙晉臣敷文張燈甚盛。索賦。偶憶舊游。未章因及之）

落星萬點。一天寶燄下層霄。人間疊作僊僊。取愛金蓮側畔。紅粉裊花梢。更鳴鼙擊鼓。噴玉吹簫。曲江畫橋。記花月可憐宵。想見閒愁未了。宿酒纔消。東風搖蕩。似楊柳十五女兒腰。人共柳那箇無聊。

千年調（開山徑得石壁。因名曰蒼壁。事出翠外。意天之所賜耶。喜而賦）

左手把青霓。右手挾明月。吾使豐隆前導。叫開闔闔。周遊上下。徑入寥天一。覽玄圃。萬斛泉。千

丈石。鈞天廣樂。燕我瑤之席。帝飲子觴甚樂。賜汝蒼壁。璘珣突兀。正在一邱壑。余馬懷。僕夫悲下恍惚。

又（蕙華小閣名曰冠言作此詞以嘲之）

卮酒向人時。和氣先傾倒。最要然然可。萬事稱好。滑稽坐上。更對鴟夷笑。寒與熱。總隨人。甘國老。少年使酒。出口人嫌拗。此箇和合道理。近日方曉。學人言語。未會十分巧。看他們。得人憐。秦吉了。

粉蝶兒（和趙晉臣敷文賦落梅）

昨日春如十三女兒學繡。一枝枝不教花瘦。甚無情。使下得。雨霽風慙。向園林。鋪作地衣紅綉。而今春似輕薄蕩子難久。記前時送春歸後。把春波都釀作。一江醇酎。約清愁。楊柳岸邊相候。

千秋歲

（金陵壽史帥致道時有版築役）

塞垣秋草。又報平安好。尊俎上。英雄表。金湯生氣象。珠玉霏譚笑。春近也。春花得似人難老。莫惜金尊倒。鳳詔看看看到。留不住。江東小。從容帷幄裏。整頓乾坤了。千百歲。從今盡是中書考。

江神子（和人韻）

騰雲殘日弄陰晴。晚山明。小溪橫。枝上綿蠻。休作斷腸聲。但是青山山下路。青到處。總堪行。

當年綵筆賦蕪城。憶平生。若爲情。試把靈槎，歸路問君平。花底夜深寒較甚，須拚卻，玉山傾。

又

梨花著雨晚來晴。月隴明。淚縱橫。繡閣香濃，深鎖鳳簫聲。未必人知春意思，還獨自，繞花行。酒兵昨夜壓愁城。太狂生。轉關情。寫盡胸中，磊磊未全平。卻與平章珠玉價，看醉裏，錦囊傾。

又(和陳仁和韻)

玉簫聲遠憶驂鸞。幾悲歡。帶羅寬。且對花前，痛飲莫留殘。歸去小窗明月在，雲一縷，玉千竿。吳霜應點鬢雲斑。綺窗閒。夢連環。說與東風，歸興有無間。芳草姑蘇臺下路，和淚看，小屏山。

又

寶釵飛鳳鬢驚鸞。望重歡。水雲寬。腸斷新來，翠被粉香殘。待得來時春盡也，梅結子，筍成竿。湘筠籠捲淚痕斑。珮聲閒。玉垂環。箇裏溫柔，容我老其間。卻笑平生三羽箭，何日去，定天山。

又(和人韻)

梅梅柳柳闌纖穠。亂山中。爲誰容。試著春衫，依舊怯東風。何處踏青人未去，呼女伴，認驕驄。兒家門戶幾重重。記相逢。畫樓東。明日重來，風雨暗殘紅。可惜行雲春不管，裙帶褪，鬢雲鬆。

又(博山道中書王氏壁)

一川松竹任橫斜。有人家。被雲遮。雪後疎梅，時見兩三花。比著桃源溪上路，風景好，不爭些。

旗亭有酒徑須賒。晚寒咱。怎禁他。醉裏匆匆。歸騎自隨車。白髮蒼顏吾老矣。只此地。是生涯。

又（聞蟬蛙戲作）

簾鋪湘竹帳。籠紗醉眠些。夢天涯。一枕驚回。水底沸鳴蛙。借問喧天成鼓吹。良自苦。爲官耶。心空喧靜不爭多。病維摩。意云何。掃地燒香。且看散天花。斜日綠陰枝上噪。還又問。是蟬麼。

又（送元濟之歸豫章）

亂雲擾擾水潺潺。笑溪山。幾時閒。更覺桃源人去隔仙凡。（桃源乃王氏酒壚與濟之送別處）萬壑千巖樓外雪。瓊作樹。玉爲闌。倦遊回首且加餐。短篷寒。畫圖間。見說嬌鬟。擁髻待君看。二月東湖湖上路。官柳嫩。野梅殘。

又（賦梅寄余叔良）

暗香橫路雪垂垂。晚風吹。曉風吹。花意爭春。先出歲寒枝。畢竟一年春事了。緣太早。卻成遲。未應全是雪霜姿。欲開時。未開時。粉面朱唇。一半點胭脂。醉裏謗花花莫恨。渾冷澹。有誰知。

又（別吳子似未寄潘德久）

看君人物漢西都。過吾廬。笑談初。便說公卿。元自要通儒。一自梅花開了後。長怕說。賦歸歎。而今別恨滿江湖。怎消除。算何如。杖屨當時。聞早放教疎。今代故交新貴後。渾不寄。數行書。

又（侍者請先生賦詞自壽）

兩輪屋角走如梭。大忙些。怎禁他。擬倩何人。天上勸羲娥。何似從容來左右。傾美酒。聽高歌。人生今古不消磨。積教多。似塵沙。未必堅牢。剗地實堪嗟。莫道長生學不得。學得後。待如何。

又(和李能伯韻呈趙晉臣)

五雲高處望西清。玉階升。棷華榮。築屋溪頭。樓觀畫難成。長夜笙歌還起問。誰放月。又西沈。家傳鴻寶舊知名。石長生。奉嚴宸。且把風流。水北畫耆英。咫尺西風詩酒社。石鼎句。要彌明。

青玉案(元夕)

東風夜放花千樹。更吹落。星如雨。寶馬雕車香滿路。鳳簫聲動。玉壺光轉。一夜魚龍舞。蛾兒雪柳黃金縷。笑語盈盈暗香去。衆裏尋它千百度。驀然迴首。那人卻在。燈火闌珊處。

感皇恩(滁州壽范倅)

春事到清明。十分花柳。喚得笙歌勸君酒。酒如春好。天色年年依舊。青春元不老。君知否。席上看君。竹清松瘦。待與青春鬪長久。三山歸路。明日天香襟袖。更持金盞起。爲君壽。

又

七十古來稀。人人都道。不是陰功怎生到。松姿雖瘦。偏奈雪寒霜曉。看君雙鬢底。青青好。樓雪初晴。庭闈嬉笑。一醉何妨玉壺倒。從今康健。不用靈丹仙草。更看一百歲。人難老。

又(慶婦母王恭人七十)

七十古來稀。未爲希有。須是榮華更長久。滿牀靴笏。羅列兒孫。新婦精神。渾似箇西王母。遙想畫堂兩行紅袖。妙舞清歌。擁前後。大男小女。逐箇出來爲壽。一箇一百歲。一杯酒。

又（讀莊子聞朱晦菴卽世）

案上數編書。非莊卽老。會說忘言始知道。萬言千句。不自能忘。堪笑今朝梅雨霽。青天好。一壑一邱。輕衫短帽。白髮多時故人少。子雲何在。應有玄經遺草。江河流日夜何時了。

又（壽鉛山陳丞及之）

富貴不須論。公應自有。且把新詞祝公壽。當年仙桂。父子同攀。希有人言金殿上。他年久。冠冕在前。周公拜手。同日催班魯公後。此時人羨綠鬢朱顏依舊。親朋來賀喜。休辭酒。

行香子（三山作）

好雨當春。要趁歸耕。况而今已是清明。小窗坐地。側聽鶯聲。恨夜來風。夜來月。夜來雲。花絮飄零。鶯燕丁寧。怕妨儂湖上閒行。天心肯後。費甚心情。放霎時陰。霎時雨。霎時晴。

又（山居客至）

白露園蔬。碧水溪魚。笑先生釣罷還鋤。小窗高臥。風展殘書。看北山移。盤谷序。桐川圖。白飯青菽。赤脚長鬚。客來時酒盞重沽。聽風聽雨。吾愛吾廬。歎苦無心。剛自瘦。此君疎。

又（博山戲呈趙昌市韓仲止）

少日嘗聞富不如貧，貴不如賤者長存。由來至樂，總屬閒人。且飲瓢泉，弄秋水，看停雲。歲晚情親，老語彌真。記前時勸我殷勤。都休殢酒也，莫論文。把相牛經，種魚法，教兒孫。

又（雲巖道中）

雲岫如簪，野漲接藍，向春闌綠醒紅酣。青裙縞袂，兩兩三三，把麩生禪。玉版局，一時參。拄杖彎環，過眼嵌巖。岸輕鳥白髮鬢鬢。他年來種萬桂千杉，聽小綿蠻。新格磔，舊呢喃。

一翦梅（游蔣山呈葉丞相）

獨立蒼茫醉不歸。日暮天寒，歸去來兮。探梅踏雪幾何時。今我來思，楊柳依依。白石崗頭曲岸西。一片閒愁，芳草萋萋。多情山鳥不須啼。桃李無言，下自成蹊。

又（中秋無月）

憶對中秋月桂叢。花在杯中，月在杯中。今宵樓上一尊同。雲溼紗窗，雨溼紗窗。渾欲乘風問化工。路也難通，信也難通。滿堂惟有燭花紅。杯且從容，歌且從容。

踏沙行（庚戌中秋後二夕帶湖篆岡小酌）

夜月樓臺，秋香院宇。笑吟吟地人來去。是誰秋到便淒涼。當年宋玉悲如許。隨分杯盤，等閒歌舞。問他有甚堪悲處。思量却也有悲時。重陽節近多風雨。

又（賦木犀）

弄影闌干。吹香巖谷。枝枝點點黃金粟。未堪收拾。付薰爐。窗前且把離騷讀。奴僕葵花兒曹。金菊一枝風露清涼足。旁邊只欠箇姮娥。分明身在蟾宮宿。

又（賦稼軒集經句）

進退存亡。行藏用舍。小人請學樊須稼。衡門之下。可棲遲。日之夕矣。牛羊下。去衛靈公。遭桓司馬。東西南北之人也。長沮桀溺耦而耕。丘何爲是栖栖者。

又（和趙國典知錄韻）

吾道悠悠。憂心悄悄。最無聊處秋光到。西風林外有啼鴉。斜陽山下多衰草。長憶商山。當年四老。塵埃也走咸陽道。爲誰書到使幡然。至今此意無人曉。

定風波（暮春漫興）

少日春懷似酒濃。插花走馬醉千鍾。老去逢春如病酒。唯有茶甌香篆小。籠籠。捲盡殘花風未定。休恨花開元自要春風。試問春歸誰得見。飛燕來時相遇夕陽中。

又（大醉歸白葛園家人有痛飲之戒。故書於壁）

昨夜山翁倒載歸。兒童應笑醉如泥。試與扶頭渾未醒。休問夢魂猶在葛家溪。欲覓醉鄉今古路。知處溫柔東畔白雲西。起向綠窗高處看。題徧劉伶元自有賢妻。

又（用藥名招婺源馬荀仲遊雨巖馬善醫）

山路風來草木香。雨餘涼意到胡牀。泉石膏盲吾已甚。多病。隄防風月費篇章。孤負尋常山
間醉。獨自應知楊子草玄忙。湖海早知身汗漫。誰伴。只甘松竹共淒涼。

又(藥名)

仄月高寒水石鄉。倚空青碧對禪房。白髮自憐心似鐵。風月。史君仔細與平章。平昔生涯箝
竹杖。來往卻慚沙鳥笑人忙。便好賸留黃卷句。誰賦。銀鈎小草晚天涼。

又(施樞密聖與席上賦)

春到蓬壺特地晴。神仙隊裏相公行。翠玉相挨呼小子。須記。笑簪花底是飛瓊。總是傾城來
一處。誰妒。誰攜歌舞到園亭。柳妒腰肢花妒豔。聽著。流鶯直是妒歌聲。

又(席上送范先之游建鄴)

聽我尊前醉後歌。人生無奈別離何。但使情親千里近。須信。無情對面是山河。寄語石頭城
下水。居士而今渾不怕風波。借使未成鷗鷺伴。經慣。也應學得老漁蓑。

又(三山送盧國華提刑約上元重來)

少日猶堪話別離。老來怕作送行詩。極目南雲無雁過。君看。梅花也解寄相思。無限江山行
未了。父母不須和淚看旌旄。後會丁寧何日是。須記。春風十里放燈時。

又(用韻時國華置酒歌舞甚盛)

莫望中州歎黍離。元和盛德要君詩。老去不堪誰似我。歸臥青山活計費尋思。誰築詩壇高十丈。直上看君斬將更塞旗。歌舞正濃還有語。記取鬢髯不似少年時。

又(白和)

金印纍纍佩陸離。河梁更賦斷腸詩。莫擁旌旗眞箇去。何處玉堂元自要論思。且約風流三學士。同醉春風看試幾搶旗。從此酒酣明月夜。耳熱那邊應是說儂時。

又(賦杜鵑花)

百紫千紅過了春。杜鵑聲苦不堪聞。卻解啼教春小住。風雨空山招得海棠魂。恰似蜀宮當日女。無數猩猩血染赭羅巾。畢竟花開誰作主。記取大都花屬惜花人。

又(再用韻和趙管臣數文)

野草閒花不當春。杜鵑卻是舊知聞。漫道不如歸去住。梅雨石榴花又是離魂。前殿羣臣深殿女。口口赭袍一點萬紅巾。莫問興亡今幾許。聽取花前毛羽已羞人。

破陣子

(爲瀟南伯壽時南伯爲張雨軒拜客盧溪南伯遲遲去行因作此以勉之)

擲地劉郎玉斗。挂帆西子扁舟。千古風流今在此。萬里功名莫放休。君王三百州。燕雀豈知鴻鵠。貂蟬元出兜鍪。卻笑盧溪如斗大。肯把牛刀試手不。壽君雙玉甌。

又(爲陳同甫賦壯詞以寄之)

醉裏挑燈看劍。夢回吹角連營。八百里分麾下飭，五十絃翻塞外聲。沙場秋點兵，馬作的盧飛快，弓如霹靂弦驚。了卻君王天下事，贏得生前身後名。可憐白髮生。

又（贈行）

少日春風滿眼，而今秋葉辭柯。使好消磨心下事，也憶尋常醉後歌。新來白髮多，顛倒倩誰伴舞婆娑。我定思君拚瘦損，君不思兮可奈何。天寒將息呵，明日扶頭。

又（趙晉臣數文幼女縣主覓詞）

菩薩叢中惠眼，碩人詩裏蛾眉。天上人間真福相，畫就描成好鬢兒。行時嬌更遲，勸酒偏多最劣。笑時猶有些癡。更著十年君看取，兩國夫人更是誰。殷勤秋水詞。

又（峽石道中有懷吳子似縣尉）

宿麥畦中雉雊，桑葉陌上蠶生。騎火須防花月暗，玉唾長攜綵筆行。隔牆人笑聲，莫說弓刀事業，依然詩酒功名。千載途中今古事，萬石溪頭長短亭。小塘風浪平。（時修圖經染洗墩。○途中之途當作圖）

臨江仙（探梅）

老去惜花心已懶，愛梅猶繞江村。一枝先破玉溪春。更無花態度，全是雪精神。勝向青山餐秀色，爲渠著句清新。竹根流水帶溪雲。醉中渾不記，歸路月黃昏。

又（醉宿崇福寺寄祐之弟祐之以僕先歸）

莫向空山吹玉笛。壯懷酒醒心驚。四更霜月太寒生。被翻紅錦浪。酒滿玉壺冰。小陸未須臨水笑。山林我輩鍾情。今宵依舊醉中行。試尋殘菊處。中路候淵明。

又（再用韻送祐之弟歸浮梁）

鐘鼎山林都是夢。人間寵辱休驚。只消閒處過平生。酒杯秋吸露。詩句夜裁冰。記取小窗風雨夜。對牀燈火多情。問誰千里伴君行。曉山眉樣翠。秋水鏡般明。

又

小斿人憐都惡瘦。曲眉天與長鬢。沈思歡事情腰身。枕添離別淚。粉落卻深句。翠袖盈盈渾力薄。玉笙嫋嫋愁新。夕陽依舊倚窗塵。葉紅苔鬱碧。深院斷無人。

又

逗曉鶯啼聲呢呢。掩關高樹冥冥。小渠春浪細無聲。井窗聽夜雨。出蘇轆轤青。碧碧旋荒金谷路。烏絲重記蘭亭。強扶殘醉繞雲屏。一枝風露溼。花重入疎櫺。

又（卽席和韓南潤韻）

風雨催春寒食近。平原一片丹青。溪頭喚渡柳邊行。花飛蝴蝶亂。桑嫩野蠶生。祿野先生開袖手。卻尋詩酒功名。未知明日定陰晴。今宵成獨醉。卻笑衆人醒。

又（爲岳母壽）

住世都知菩薩行。仙家風骨精神。壽如山岳福如雲。金花湯沐誥。竹馬綺羅裙。更願昇平添喜事。大家禱祝殷勤。明年此地慶佳辰。一杯千歲酒。重拜太夫人。

又（和信守王道夫韻謝以爲壽時僕作圖憲）

記取年年爲客夜。只今明月相隨。莫教絃管便生衣。引壺觴自酌。須富貴何時。入手清風詞更好。細書白翎鳥絲。海山問我幾時歸。棗瓜如可啖。直欲覓安期。

又

春色饒君白髮了。不妨倚綠偎紅。翠鬢催喚出房櫺。垂肩金縷窄。醮甲寶杯濃。睡起鴛鴦飛燕子。門前沙暖泥融。畫樓人把玉西東。舞低花外月。唱徹柳邊風。

又

金谷無烟宮樹綠。嫩寒生怕春風。博山微透暖薰籠。小樓春色裏。幽夢雨聲中。別浦鯉魚何日到。錦書封恨重重。海棠花下去年逢。也應隨分瘦。忍淚覓殘紅。

又（戲爲期思詹者壽）

手種門前烏桕樹。而今千尺蒼蒼。田園只是舊耕桑。杯盤風月夜。簫鼓子孫忙。七十五年無事客。不妨兩鬢如霜。綠窗剗地調紅妝。更從今日醉。三萬六千場。

又（壬戌歲生日書懷）

六十三年無限事。從頭悔。恨難追。已知六十二年非。只應今日是。後日又尋思。少是多非。惟有酒。何須過後方知。從今休似去年時。病中留客飲。醉裏和人詩。

又（再用圓字韻）

窄樣金杯休教了。房櫳試聽珊瑚。莫教秋扇雪團團。古今悲笑事。長付後人看。記取桔槔春雨後。短畦菊艾相連。拙於人處巧於天。君看流水地。難得正方圓。

又（戲爲山園蒼壁解嘲）

莫笑吾家蒼壁小。稜層勢欲摩空。相知惟有主人翁。有心雄泰華。無意巧玲瓏。天作高山難得料。解嘲試倩揚雄。君看當日仲尼窮。從人賢子貢。自欲學周公。

又（替花壓墮戲作）

鼓子花開春爛熳。荒園無限思量。今朝拄杖過西鄉。急呼桃葉渡。爲看牡丹忙。不管昨宵風雨橫。依然紅紫成行。白頭陪奉少年場。一枝簪不住。推道帽簷長。

又

醉帽吟鞭花不住。卻招花共商量。人生何必醉爲鄉。從教斟酒淺。休更和詩忙。一斗百篇風月地。饒他老子當行。從今三萬六千場。青青頭上髮。還作柳絲長。

又（昨日得家報，牡丹漸開，連日少雨多晴，當年未有，僕留龍安禪寺，諸君亦不果來，豈牡丹留不住爲限耶，因取來韻爲牡丹一語）

穉恐牡丹留不住，與君約束分明。半開微雨半開晴。要花開定準，又更與花盟。魏紫朝來將進酒，玉盤盃樣先呈。鞞紅似向舞腰橫。風流人不見，錦繡夜間行。

又

老去渾身無著處，天教只住山林。百年光景百年心。更歡須歎息，無病也呻吟。試向浮瓜沈李處，清風散髮披襟。莫嫌淺後更頻斟。要他詩句好，須是酒杯深。

又（倅雲偶作）

偶向停雲堂上坐，曉猿夜鶴驚猜。主人何事太塵埃。低頭還說向，被召又重來。多謝北山山下老，殷勤一語佳哉。借君竹杖與芒鞋。徑須從此去，深入白雲堆。

蝶戀花（和趙景明知縣韻）

老去怕尋年少伴，畫棟珠簾。風月無人管。公子看花朱碧亂。新詞攪斷相思怨。涼夜愁腸千百轉。一雁西風。錦字何時遣。畢竟啼鳥才思短。喚回曉夢天涯遠。

又（和楊濟翁韻，首句用邱宗輔書中語）

檢點笙歌多釀酒，蝴蝶西園。暖日明花柳。醉倒東風眠畫錦。覺來小院重攜手。可惜春殘風

又雨收拾情懷。問把詩催倦。楊柳人見離別後。腰肢近日和他瘦。

又（和楊濟翁餞錢道甫伯知縣歸京口）

淚眼送君傾似雨。不折垂楊。只倩愁隨去。有底風光留不住。煙波萬頃春江艣。老馬臨流癡
不渡。應惜障泥。忘了尋春路。身在稼軒安穩處。書來不用多行數。

又（席上贈楊濟翁侍兒）

小小年華才月半。羅幕春風。幸自無人見。剛道羞郎低粉面。傍人瞥見回嬌盼。昨夜西池陪
女伴。柳困花慵。見說歸來晚。勸客持觴渾未慣。未歌先覺花頭顫。

又（用趙文鼎提舉送李正之提刑餞送鄧元英）

莫向樓頭聽漏點。說與行人。默默情千萬。總是離愁無近遠。人間兒女空悲怨。錦繡心胸冰
雪面。舊日詩名。曾道空梁燕。傾蓋未償平日願。一杯早唱陽關勸。

又（客有燕語鶯啼人乍遠之句用爲首句）

燕語鶯啼人乍遠。卻恨西園。依舊鶯和燕。笑語十分愁一半。翠園特地春光暖。只道書來無
過雁。不道柔腸。近日無腸斷。柳玉莫搖湘淚點。怕君喚作秋風扇。

又（送祐之弟）

衰草斜陽三萬頃。不算飄零。天外孤鴻影。幾許淒涼須痛飲。行人自向江頭醒。會少離多看

兩鬢萬縷千絲。何況新來病。不是離愁難整頓。被他引惹其他恨。

又（元日立卷）

誰向椒盤簪綵勝。整整韶華。爭上春風鬢。往日不堪重記省。爲花常把新春恨。春未來時先借問。晚恨開遲。早又飄零近。今歲花期消息定。只愁風雨無憑準。

又（月下醉書雨巖石淚）

九畹芳菲蘭佩好。空谷無人。自怨蛾眉巧。寶瑟泠泠千古調。朱絲絃斷知音少。冉冉年華吾自老。水滿汀洲。何處尋芳草。喚起湘纍歌未了。石龍舞罷松風曉。

又（用前韻送人行）

意態愔生元自好。學畫鴉兒。舊日偏他巧。蜂蝶不禁花引調。西園人去春風少。又老。誰管閒愁。千里青青草。今夜情簪黃菊了。斷腸明日霜天曉。

又

洗盡機心隨法喜。看取尊前。秋思如春意。誰與先生寬髮齒。醉時惟有歌而已。歲月何須溪上記。千古黃花。自有淵明比。高臥石龍呼不起。微風不動天如醉。

又

何物能令公怒喜。山要人來。人要山無意。恰似哀箏絃下齒。千情萬意無時已。自要溪堂韓

作記。今代雲梯好。語花難比。老眼狂花空亂處。銀鈎未見心先醉。

小重山

(席上和人韻送李子永提幹)

旋製離歌唱未成。陽關先畫出。柳邊亭。中年懷抱管絃聲。難忘處。風月此時情。夜雨共誰聽。儘教清夢去。兩三程。商量詩價重。連城相如老。漢殿舊知名。

又(三山與客泛西湖)

綠漲連雲翠拂空。十分風月處。著衰翁。垂楊影斷岸西東。君恩重。教且種芙蓉。十里水晶宮。有時騎馬去。笑兒童。殷勤卻謝打頭風。船兒住。且醉浪花中。

又(茉莉)

倩得薰風染綠衣。國香收不起。透冰肌。略開些箇未多時。窗兒外。卻早被人知。越惜越嬌癡。一枝雲鬢上。那人宜。莫將他去比茶蘼。分明是他更韻些兒。

南鄉子

隔戶語春鶯。纔掛簾兒。斂袂行。漸見凌波羅襪步。盈盈隨笑隨顰。百媚生。著意聽新聲。盡是司空自教成。今夜酒腸難道窄。多情莫放紗籠蠟炬明。

又(舟中記夢)

欹枕艣聲邊。貪聽啾啾聒醉眠。夢裏笙歌花底去。依然翠袖盈盈在眼前。別後兩眉尖。欲說

還休夢已闌。只記埋冤前夜月。相看。不管人愁獨自圓。

又（慶前岡周氏旌表）

無處著風光。天上飛來詔十行。父老歡呼童解舞。前岡。千載周家孝義鄉。草木盡芬芳。更覺溪頭水也香。我道烏頭門側畔。諸郎。準備他年畫錦堂。

又（送趙國宜赴高安戶曹）

日日老萊衣。更解風流蠟鳳嬉。膝上放教文度去。須知。要使人看玉樹枝。剩記乃翁詩。綠水紅蓮覓舊題。歸騎春衫花滿路。相期。來歲流觴曲水時。

又（登京口北固亭有懷）

何處望神州。滿眼風光北固樓。千古興亡多少事。悠悠。不盡長江滾滾流。年少萬兜鍪。坐斷東南戰未休。天下英雄誰敵手。曹劉。生子當如孫仲謀。

鷓鴣天（離豫章別司馬漢章大監）

聚散匆匆不偶然。三年歷徧楚山川。但將痛飲酬風月。莫放離歌入管絃。縈綠帶。點青錢。東湖春水碧連天。明朝放我東歸去。後夜相思月滿船。

又（和張子志提舉）

別後妝成白髮新。空教兒女笑陳人。醉尋夜雨旗亭酒。夢斷東風輦路塵。騎驟駢。荷青雲。看

公冠佩玉階春。忠言句句唐虞際。便是人間要路津。

又

尊俎風流有幾人。當年未遇已心親。金陵種柳歡娛地。庾嶺逢梅寂寞濱。尊似海。筆如神。故人南北一般春。玉人好把新妝樣。淡畫眉兒淺注唇。

又（代人賦）

晚日寒鴉一片愁。柳塘新綠卻溫柔。若教眼底無離恨。不信人間有白頭。腸已斷。淚難收。相思重上小紅樓。情知已被雲遮斷。頻倚闌干不自由。

又

陌上柔桑破嫩芽。東隣蠶種已生些。平岡細草鳴黃犢。斜日寒林點暮鴉。山遠近。路橫斜。青旗沽酒有人家。城中桃李愁風雨。春在溪頭薺菜花。

又

撲面塵征去路遙。香篝漸覺水沈銷。山無重數迴遭碧。花不知名分外嬌。人歷歷。馬蕭蕭。旌旗又過小紅橋。愁邊剩有相思句。搖斷吟鞭碧玉梢。

又

唱徹陽關淚未乾。功名餘事且加餐。浮天水送無窮樹。帶雨雲埋一半山。今古恨。幾千般。只

今離合是悲歡。江頭未是風波惡。別有人間行路難。

又（鵝湖道中）

一榻清風殿影涼。涓涓流水響回廊。千章雲木鉤輶叫。十里溪風穉穉香。衝急雨。趁斜陽。山圍細路轉微茫。倦途卻被行人笑。只爲林泉有底忙。

又（鵝湖歸病起作）

枕簟溪堂冷欲秋。斷雲依水晚來收。紅蓮相倚渾如醉。白鳥無言定自愁。書咄咄。且休休。一邱一壑也風流。不知筋力衰多少。但覺新來懶上樓。

又

指點芳尊特地開。風帆莫引酒船回。方驚共折津頭柳。卻喜重尋巔上梅。催月上。喚風來。莫愁瓶罄恥金甌。只愁畫角樓頭起。急管哀絃次第催。

又

著意尋梅懶便回。何如信步兩三杯。山纔好處行還倦。詩未成時雨早催。攜竹杖。更芒鞋。朱粉粉野蒿開。誰家寒食歸寧女。笑話柔桑陌上來。

又

翠木千尋上薜蘿。東湖經雨又增波。只因買得青山好。卻恨歸來白髮多。明畫燭。洗金荷。主

人起舞客高歌。醉中只恨歡娛少。無奈明朝酒醒何。

又

困不成眠奈夜何。情知歸未轉愁多。暗將往事思量徧。誰把多情惱亂他。些底事。誤人多。不成真箇不思家。嬌癡卻妒香香睡。喚起醒鬆說夢些。

又（鄧守厚卿席上謝余伯山用其韻）

夢斷京華故倦游。只今芳草替人愁。陽關莫作三聲唱。越女應須爲我留。看逸韻。自名流。青衫司馬且江州。君家兄弟真堪笑。箇箇能修五鳳樓。

又（和人韻有所贈）

趁得西風汗漫游。見他歌後怎生愁。事如芳草春長在。人似浮雲影不留。眉黛斂。眼波流。十年薄倖說揚州。明朝短棹輕衫夢。只在溪南卷畫樓。

又（徐衡仲撫幹惠琴不受）

千丈陰崖百丈溪。孤桐枝上鳳偏宜。玉香落落雖難合。橫理庚庚定自奇。（山谷聽摘阮歌云。立壁庚庚有橫理。）人散後。月明時。試彈幽憤淚空垂。不如卻付騷人手。留和南風解慍詩。

又（用前韻和趙文鼎提舉賦雪）

莫上扁舟訪剡溪。淺斟低唱正相宜。從教犬吠千家白。且與梅成一段奇。香暖處。酒醒時。畫

簷玉筍已偷垂。笑君解釋春風恨。倩拂蠻牋只費詩。

又（重九席上）

戲馬臺前秋雁飛。管絃歌舞更旌旗。要知黃菊清高處。不入當年二謝詩。傾白酒。繞東籬。只於陶令有心期。明朝九日渾瀟灑。莫使尊前欠一枝。

又

有其閒愁可皺眉。老懷無緒自傷悲。百年旋逐花陰轉。萬事長看鬢髮知。溪上枕。竹間棋。怕尋酒伴懶吟詩。十分筋力誇強健。只比年時病起時。

又（送范先）（秋試）

白苧新袍人嫩涼。春蠶食葉響迴廊。禹門已準桃花浪。月殿先收桂子香。鵬北海。鳳朝陽。又攜書劍路茫茫。明年此日青雲上。卻笑人間舉子忙。

又

一夜清霜變鬢絲。怕愁剛把酒禁持。玉人今夜相思。不想見頻將翠枕移。真箇恨。未多時。也應香雪減些兒。菱花照面須頻記。曾道偏宜淺畫眉。

又（送歐陽國瑞入吳中）

莫避春陰上馬遲。春來未有不陰時。人情輾轉閒中看。客路崎嶇倦後知。梅似雪。柳如絲。試

聽別語慰相思。短篷炊飯鱸魚熟。除卻松江枉費詩。

又

木落山高一夜霜。北風驅雁又離行。無言每覺情懷好。不飲能令興味長。頻聚散。試思量。爲誰春草夢池塘。中年長作東山恨。莫遣離歌苦斷腸。

又（席上再用韻）

水底明霞十頃光。天教鋪錦襯鴛鴦。最憐楊柳如張緒。卻笑蓮花似六郎。方竹簾。小胡牀。晚來消得許多涼。昔人白鳥都飛去。落日殘鴉更斷腸。

又（石門道中）

山上飛泉萬斛珠。懸崖千丈落毚毚。已通樵徑行還礙。似有人聲聽卻無。問路約。遠浮屠。溪南修竹有茅廬。莫嫌杖屨頻來往。此地偏宜著老夫。

又（敗棋園賦梅雨）

漠漠輕陰撥不開。江南細雨熟黃梅。有情無道東邊日。已怒重驚忽地雷。雲柱礎。水接臺。羅衣費盡博山灰。當時一識和羹味。使道爲霖消息來。

又（黃沙道中即事）

句裏春風正翦裁。溪山一片畫圖開。輕鷗自趁虛船去。荒犬還迎野婦回。松共竹。翠成堆。要

擎殘雪鬪疎梅。亂鶉畢竟無才思。時把瓊瑤蹴下來。

又（元溪不見梅）

千丈冰溪百步雷。柴門都向水邊開。亂雲曠帶炊煙去。野水閒將日影來。
穿窺窕。過崔嵬。東林試問幾時栽。動搖意態雖多竹。點綴風流卻欠梅。

又（戲顯村舍）

鷄鴨成羣晚未收。桑麻長過屋山頭。有何不可吾方羨。要底都無飽使休。
新柳樹。舊沙洲。去年溪打卻邊流。自言此地生兒女。不嫁余家即聘周。

又（春日即事題毛村酒壚）

春日平原蒿菜花。新耕雨後落羣鴉。多情白髮春無奈。晚日青帘酒易賒。
閒意態。細生涯。牛欄西畔有桑麻。青裙縞袂誰家女。去趁蠶生看外家。

又（睡起即事）

水荇參差動綠波。一池地影噤羣蛙。因風野鶴飢猶舞。積雨山樵病不花。
名利處。戰爭多。門前蠻觸日干戈。不知更有槐安國。夢覺南柯日未斜。

又

石壁虛雲積漸高。溪聲繞屋幾週遭。自從一雨花零落。卻愛微風草動搖。
呼玉友。薦溪毛。殷

勤野老著相邀。杖藜忽避行人去。認是翁來。卻過橋。

又（送元濟之歸豫章）

欹枕婆娑兩鬢霜。起聽鶯溜碎。喧江那邊。玉筍銷啼粉。這裏車輪轉別腸。詩酒社。水雲鄉。可看醉墨幾淋浪。畫圖卻似歸家夢。千里河山。寸許長。

又（尋菊花無有戲作）

掩鼻人間臭腐腸。古今惟有酒偏香。自從來住雲煙畔。直到而今歌舞忙。呼老伴。共秋光。黃花何處避重陽。要知爛熳開時節。直待西風。一夜霜。

又（席上吳子似諸友見和再用韻答之）

翰墨諸公久擅場。胸中書傳許多香。都無絲竹啣杯樂。卻有龍蛇落筆忙。閒意思。老風光。酒徒今有幾高陽。黃花不怯西風冷。只怕詩人兩鬢霜。

又

自古高人最可嗟。只因疎懶取名多。居山一似庚桑楚。種樹真成郭橐駝。雲子飯。水晶瓜。林間攜客更烹茶。君歸休矣吾忙甚。要看蜂兒晚趁衙。

又（三山道中）

拋卻山中詩酒窠。卻來官府聽笙歌。閒愁做弄天來大。白髮栽培日許多。新劍戟。舊風波。天

生子懶奈予何。此身已覺渾無事。卻教兒童莫恁麼。

又

點盡蒼苔色。欲空竹籬。茅舍要詩翁。花餘歌舞歡娛外。詩在經營慘澹中。聽輓語。笑衰容。一枝斜墜翠鬢鬆。淺顰深笑。誰看醉看。取瀟然林下風。

又

(用前韻賦梅三山梅開時猶有青葉予時病齒)

病繞梅花酒不空。齒牙牢在莫欺翁。恨無飛雪青松畔。卻放疎花翠葉中。冰作骨。玉爲容。當年宮額鬢雲鬆。直須爛熳燒銀燭。橫笛難看一夜風。

又

桃李漫山過眼空。也宜惱損杜陵翁。若將玉骨冰姿比。李蔡爲人在下中。尋驛使。寄芳容。壠頭休放馬蹄鬆。吾家籬落黃昏後。剩有西湖處士風。

又(有感)

出處從來自不齊。後車方載太公歸。誰知寂寞空山裏。卻有高人賦采薇。黃菊嫩。晚香枝。一般同是采花時。蜂兒辛苦多官府。蝴蝶花間自在飛。

又(讀淵明詩不能去手戲作小詞以送之)

晚歲躬耕不怨貧。隻雞斗酒聚比鄰。都無晉宋之間事。自是羲皇以上人。千載後。百篇存。更

無一字不清真。若教王謝諸郎在。未抵柴桑陌上塵。

又

髮底青青無限春。殘紅飛雪漫紛紛。黃花也伴秋光老。何似尊前見在身。書萬卷。筆如神。眼看同輩上青雲。箇中不許兒童會。只恐功名更過人。

又（戊午拜復職奉祠之命）

老退何曾說著官。今朝放罪上恩寬。使支香火真祠奉。更綴文書舊殿班。扶病脚。洗衰顏。快從老病借衣冠。此身忘世渾容易。使世相忘卻自難。

又（和趙晉臣敷文韻）

綠鬢都無白髮侵。醉時拈筆越精神。愛將蕪語追前事。更把梅花比那人。回急雪。遏行雲。近時歌舞舊時情。君侯要識誰輕重。看取金杯幾許深。

又（和傅先之提舉賦雪）

泉上長吟我獨清。喜君未共雪爭明。已驚並水鷗無色。更怪行沙蟹有聲。添爽氣。動雄容。奇因六出憶陳平。卻嫌烏雀投林去。觸破當樓雲母屏。

又（博山寺作）

不向長安路上行。卻教山寺厭逢迎。味無味處求吾樂。材不材間過此生。寧作我。豈其卿。人

間走徧卻歸耕。一松一竹眞朋友。山鳥山花好弟兄。

又（不寐）

老病那堪歲月侵。霎時光景值千金。一生不負溪山債。百藥難醫書史淫。隨巧拙。任浮沈。人無同處面如心。不妨舊事從頭記。要寫行藏入笑林。

又（有客慨然談功名。因追念少年時事戲作）

壯歲旌旗擁萬夫。錦襜突騎渡江初。燕兵夜娖銀胡轡。漢箭朝飛金僕姑。追往事。歎今吾。春風不染白髭鬚。卻將萬字平戎策。換得東家種樹書。

又（祝良顯家牡丹一本）

占斷雕闌只一株。春風費盡幾工夫。天香夜染衣猶溼。國色朝酣醉未蘇。嬌欲語。巧相扶。不妨老幹自扶疎。恰如翠幕高堂上。來看紅衫百子圖。

又（賦牡丹。主人以謗花索賦解嘲）

翠蓋牙籤數百株。楊家姊妹夜遊初。五花結隊香如霧。一朵傾城醉未蘇。閒小立。困相扶。夜來風雨有情無。愁紅慘綠今宵看。恰似吳宮教陣圖。

又（再賦）

濃紫深黃一畫圖。中間更有玉盤盂。先栽翡翠裝成蓋。更點胭脂染透酥。香澱澹。錦模糊。主

人長得醉工夫。莫攜弄玉闌邊去。羞得花枝一朵無。

又

去歲花枝把酒杯。雪中曾見牡丹開。而今紈扇薰風裏。又見疎枝月下梅。
朝歸路有誰催。低聲待向他家道。帶得歌聲滿耳來。歡幾許。醉方回。明

又（壽吳子似縣尉時攝事城中）

上巳風光好放懷。故人猶未看花回。茂林映帶誰家竹。曲水流傳第幾杯。
年富貴。屬多才。要知此日生男好。曾有周公祓禊來。攜錦繡。寫瓊瑰。長

又（寄葉仲洽）

是處移花是處開。古今興廢幾池臺。背人翠羽偷魚去。抱蕊黃鬚趁蝶來。
來且盡兩三杯。日高盤饌供何晚。市遠魚鮮買未回。掀老甕。撥新醅。客

又（登一邱一壑偶成）

莫嫌春光花下遊。便須準備落花愁。百年雨打風吹卻。萬事三平二滿休。
生於世。百無憂。新愁次第相拋舍。要伴春歸天盡頭。將擾擾。付悠悠。此

又（和吳子似山行韻）

誰共春光管日華。朱朱粉粉野蒿花。閒愁投老無多子。酒病而今較減些。
山遠近。路橫斜。正

無聊處管絃。去年醉後猶能記。細數溪邊第幾家。

又（過峽石用韻答吳子似）

歎息頻年。願未高。新詞空賀此邱遭。遙知醉帽時時落。見說吟鞭步步搖。乾玉唾。禿錐毛。只今明月費招邀。最憐烏鵲南飛句。不解風流見二喬。

又（吳子似過秋水）

秋水長廊水石間。有誰來共聽潺潺。羨君人物東西晉。分我詩名大小山。窮自樂。晚方閒。人間路乍酒杯寬。看君不了癡兒事。又似風流靖長官。

又（和章泉趙昌父）

萬事紛紛一笑中。淵明把菊對秋風。細看爽氣今猶在。惟有南山一似翁。情未好。語言工。三賢高致古來同。誰知止酒停雲老。獨立斜陽數過鴻。

瑞鷓鴣（京口有懷山中故人）

暮年不賦短長詞。和得淵明數首詩。君自不歸歸甚易。今猶未足足何時。偷閒定向山中老。此意須教鶴輩知。聞道只今秋水上。故人曾榜北山移。

又（京口病中起登連滄觀偶成）

聲名少日畏人知。老去行藏與願違。山草舊曾呼遠志。故人今有寄當歸。何人可覓安心法。

有客來觀杜德機。卻笑使君那得似。清江萬頃白鷗飛。

又

膠膠擾擾幾時休。一出山來不自由。秋水觀中秋月夜。停雲堂下菊花秋。隨緣道理應須會。

又（乙丑奉祠歸舟次餘干賦）

江頭日日打頭風。憔悴歸來邨曼容。鄭賈正應求死鼠。葉公豈是好真龍。孰居無事陪犀首。未辨求封遇萬松。卻笑千年曹孟德。夢中相對也龍鍾。

又

期思溪上日千回。樟木橋邊酒數杯。人影不隨流水去。醉顏重帶少年來。疏蟬響澗林逾靜。冷蝶飛輕菊半開。不是長卿終慢世。只緣多病又非才。

稼軒詞卷四

玉樓春（席上贈別上饒黃倅）

往年龍從堂前路。路上人誇通判雨。去年拄杖過瓢泉。縣吏垂頭民歎語。學窺聖處文章古。清到窮時風味苦。尊前老淚不成行。明日送君天上去。

又（效白樂天體）

少年才把筆歌醲。夏日非長愁夜短。因他老病不相饒。把好心情都做懶。故人別後書來勸。乍可停杯強喫飯。云何相見酒邊時。卻道達人須飲滿。

又（用韻答葉仲洽）

狂歌擊碎村醲醲。欲舞還憐衫袖短。心如溪上釣磯閒。身似道旁官堠懶。山中有酒提壺勸。好語憐君堪鮮飯。至今有句落人間。渭水秋風黃葉滿。

又（用韻答吳子似縣尉）

君如九醞臺粘醲。我似茅柴風味短。幾時秋水美人來。長恐扁舟乘興懶。高懷自食無人勸。馬有青莠奴白飯。向來珠履玉簪人。頗覺酒量車載滿。

又（客有遊山者忘攜具而以詞來病不往索酒用韻以答余時以病不往）

山行日日妨風雨。風雨晴時君不去。牆頭塵滿短轅車。門外人行芳草路。城南東野應聯句。好記琅玕題字處。也應竹裏著行廚。已向甕邊防吏部。

又(再和)

人間反覆成雲雨。鳧雁江湖來又去。十千一斗飲中仙。一百八盤天上路。舊時楓落吳汀句。今日錦囊無著處。看封關外水雲侯。剩接山中詩酒部。

又(戲賦雲山)

何人半夜推山去。四面浮雲猜是汝。當時相對兩三峯。走徧溪頭無覓處。西風瞥起雲橫度。忽見東南天一柱。老僧拍手笑相夸。且喜青山依舊住。

又(用韻答傅巖叟葉仲洽趙國興)

青山不解乘雲去。怕有愚公驚著汝。人間踏地出祖錢。借使移將無著處。三星昨夜光移度。妙語來題橋上柱。黃花不插滿頭歸。定向白雲遮且住。

又

無心雲自來還去。元共青山相爾汝。霎時迎雨障崔嵬。雨過卻尋歸路處。侵天翠竹何曾度。遙見屹然星砥柱。今朝不管亂雲深。來伴仙翁山下住。

又

瘦筇倦作登高去。卻把黃花相爾汝。嶺頭拭目望龍山。更在雲煙遮斷處。思量落帽人風度。休說當年功紀柱。謝公直是愛東山。畢竟東山留不住。

又

風前欲勸春光住。春在城南芳草路。未隨流落水邊花。且作飄零泥上絮。鏡中已有星星誤。人不負春春自負。夢回人遠許多愁。只在梨花風雨處。

又

三三兩兩誰家婦。聽取鳴禽枝上語。提壺沽酒已多時。婆餅焦時須早去。醉中忘卻來時路。借問行人家住處。只尋古廟那邊行。更過溪南烏桕樹。

又（寄題文山鄭元英巢經樓）

悠悠莫向文山去。要把襟裾牛馬汝。遙知書帶草邊行。正在雀羅門裏住。平生插架昌黎句。不似拾柴東野苦。侵天且擬鳳凰巢。掃地從他鸚鵡舞。

又（樂令謂衛玠人未嘗夢搗齏餐鐵杵乘車入鼠穴。以謂世無是事而有是理。樂所謂無猶云有也。戲作數語以明之。）

有無一理誰差別。樂令區區猶未達。事言無處未嘗無。試把所無憑理說。伯夷飢采西山蕨。何異搗齏餐杵鐵。仲尼去衛又之陳。此是乘車穿鼠穴。

又（隱湖戲作）

客來底事逢迎晚。行裏鳴禽尋未見。日高猶苦墜賢心。門外誰酣蠻觸戰。多方爲渴泉尋徧。何日歲陰松種滿。不辭長向水雲來。只怕頻頻魚鳥倦。

又（有白九江以石作觀音像持送者因以詞賦之）

琵琶亭畔多芳草。時對香爐峯一笑。偶然重傍玉溪行。不是白頭誰覺老。普陀大士神通妙。影入石頭光了了。看來將獻可無言。長似慈悲顏色好。

又（乙丑京口奉祠西歸將至仙人巖）

江頭一帶斜楊樹。總是六朝人住處。悠悠興廢不關心。惟有沙洲雙白鷺。仙人磯下多風雨。好卸征帆留不住。直須抖擻盡塵埃。卻趁新涼秋水去。

鵲橋仙（爲人慶八十席上戲作）

朱顏華酒。方瞳點漆。閒傍松邊倚杖。不須更展畫圖看。是箇壽星的模樣。今朝盛事。一杯深勸。更把新詞齊唱。人間八十最風流。長貼在兒孫額上。

又（和范先之送祐之弟歸浮梁）

小窗風雨。從今使憶。中夜笑談清輭。啼鴉衰柳自無聊。更管得離人腸斷。詩書事業。猶在青氈頭上。貂蟬會見。莫貪風月臥江湖。道日近長安路遠。

又（壽徐伯熙察院）

豸冠風采繡衣聲。曾把經綸少試。看看有詔日邊來。使人侍明光殿裏。東君未老。花明柳媚。且引玉觥沈醉。好將三萬六千場。自今日從頭數起。

又（己酉山行書所見）

松岡避暑。茆簷避雨。閒去閒來幾度。醉扶怪石看飛泉。又卻是前回醒處。東家娶婦。西家歸女。燈火門前笑語。釀成千頃稻花香。夜夜費一天風露。

又（慶岳母八十）

八旬慶會人間盛事。齊勸一杯春釀。臙脂小字點眉間。猶記得舊時宮樣。綵衣更著。功名富貴。直過太公以上。大家著意記新詞。遇著箇十年使唱。

又（贈寶慈）

溪邊白鷺來。吾告汝。溪裏魚兒堪數。主憐汝。汝又憐魚。要物我欣然一處。白沙遠浦。青泥別渚。剩有鰕跳鰖舞。聽君飛去飽時來。看頭上風吹一縷。

又（席上和趙晉臣數文）

少年風月。少年歌舞。老去方知堪羨。歎折腰五斗。賦歸來。問走了羊腸幾徧。高車駟馬。金章紫綬。傳語渠儂穩使。問東湖帶得幾多春。且看凌雲筆健。

西江月（采石岸戲作漁父詞）

千丈懸崖削翠。一川落日鎔金。白鷗來往本無心。選甚風波一任。
別浦魚肥堪膾。前村酒美
重斟。千年往事已沈沈。閒管興亡則甚。

又（壽范南伯知縣）

秀骨青松不老。新詞玉佩相磨。靈槎準擬泛銀河。剩摘天星幾箇。
頭風月駐春亭上。笙歌留君一醉。意如何。金印明年斗大。
奠枕樓

又（和楊民瞻賦丹桂韻）

宮粉厭塗嬌額。濃妝再厭秋花。西真人醉憶仙家。飛珮丹霞羽化。
十里芬芳未足。一亭風露
先加。杏腮桃臉費鉛華。終惜秋蟾影下。

又（癸丑正月四日三山被召。經從建安席上和陳安行舍人韻）

風月亭危致爽。管絃聲脆休催。主人只是舊情懷。錦瑟傍邊須醉。
玉殿何曾儂去。沙隄正要
公來。看看紅藥又翻階。趁取西湖春會。

又（用韻和李兼濟提舉）

且對東君痛飲。莫教華髮空催。瓊瑰千字已盈懷。消得津頭一醉。
休唱陽關別去。只今鳳詔
歸來。五雲兩兩望三台。已覺精神聚會。

又(三山作)

貧數明朝重九。不知過了中秋。人生有得許多愁。只有黃花如舊。萬象亭中殢酒。九仙閣上扶頭。城鴉喚我醉歸休。細雨斜風時候。

又(夜行黃沙道中)

明月別枝驚鵲。清風半夜鳴蟬。稻花香裏說豐年。聽取蛙聲一片。七八箇星天外。兩三點雨山前。舊時茆店社林邊。路轉溪橋忽見。

又(春晚)

賸欲讀書已懶。只今多病長閒。聽風聽雨小窗眠。過了春光太半。往事數尋去鳥。消愁難解連環。流鶯不肯入西園。喚起畫梁飛燕。

又(木屋)

金粟如來出世。蕊宮仙子乘風。清香一袖意無窮。洗盡塵緣千種。長爲西風作主。更居明月光中。十分秋意與玲瓏。拚卻今宵無夢。

又(壽幅之弟時新居落成)

畫棟新垂簾幕。華燈未放笙歌。一杯激灑泛金波。先向大夫稱賀。富貴無應自有。功名不用渠多。只將綠鬢抵羲娥。金印須教斗大。

又(遣興)

醉裏且貪歡笑。要愁那得工夫。近來始覺古人書。信著全無是處。昨夜松邊醉倒。問松我醉何如。只疑松動要來扶。以手推松曰去。

又(和趙晉臣數文賦秋水瀑泉)

八萬四千偈后。更誰妙語披襟。絳蘭結佩有同心。喚取詩翁來飲。鏤玉裁冰著句。高山流水知音。胸中不受一塵侵。卻怕靈均獨醒。

又(悠然閣)

一柱中擎遠碧。兩峯旁聳高寒。橫陳削盡短長山。莫把一分增減。天慳被公詩筆。盡追還。重上層梯一覽。我望雲煙目斷。人言風景

又(示兒曹以家事付之)

萬事雲煙忽過。百年蒲柳先衰。而今何事最相宜。宜醉宜遊宜睡。早趁催科了納。更量出入收支。迺翁依舊管些兒。管竹管山管水。

又

粉面都成醉夢。霜髯能幾春秋。來時送我伴牢愁。一見尊前似舊。詩在陰何側畔。字居羅趙前頭。錦囊來往幾時休。已遣蛾眉等候。

朝中措（醉歸祐之弟）

監輿嫋嫋破重岡。玉筍兩紅妝。這裏都愁酒盡，那邊正和詩忙。
爲誰醉倒，爲誰歸去，都莫思量。白水東邊籬落，斜陽欲下牛羊。

又

夜深殘月過山房。睡覺北窗涼。起繞中庭獨步，一天星斗文章。
朝來客話，山林鍾鼎，那處難忘。君向沙頭細問，白鷗知我，行藏。

又（爲人壽）

年年黃菊豔秋風。更有拒霜紅。黃似舊時宮額，紅如此日芳容。
青青未老，尊前要看，兒輩半戎。試釀西江爲壽，西江綠水無窮。

又

年年金葉豔西風。人與菊花同。霜鬢經春重綠，仙姿不飲長紅。
焚香度日儘從容。笑語調兒童。一歲一杯爲壽，從今更數千鍾。

又（九日小集時楊世長將赴南宮）

年年團扇怨秋風。愁絕玉杯空。山下臥龍丰度，臺前戲馬英雄。
而今休也。花殘一似，人老花同。莫怪東籬韻減，只今丹桂香濃。

清平樂（博山道中即事）

柳邊飛鞚。霧溼征衣重。宿鷺窺沙孤影動。應有魚鰕入夢。
一川明月疎星。浣紗人影娉婷。笑背行人歸去。門前稚子啼聲。

又

茅簷低小溪。上青青草。醉裏吳音相媚好。白髮誰家翁媪。
大兒鋤豆溪東。中兒正織雞籠。最喜小兒亡賴。溪頭看剝蓮蓬。

又（獨宿博山王氏庵）

繞牀飢鼠。蝙蝠翻燈舞。屋上松風吹急雨。破紙窗間自語。
平生塞北江南。歸來華髮蒼顏。布被秋宵夢覺。眼前萬里江山。

又（檢校山園書所見）

連雲松竹。萬事從今足。拄杖東家分社肉。白酒牀頭初熟。
西風梨棗山園。兒童偷把長竿。莫遣旁人驚去。老夫靜處閒看。

又

斷崖松竹。竹裏藏冰玉。路轉清溪三百曲。香滿黃昏雪屋。
行人繫馬疎籬。折殘猶有高枝。留得東風數點。只緣橋嫩春遲。

又（爲兒鐵柱作）

靈皇醮罷。福祿都來也。試引鷓鴣花樹下。斷了驚驚怕怕。從今日日聰明。更有潭妹嵩兄。看取辛家鐵柱。無災無難公卿。

又（木屋）

月明秋曉。翠蓋團團好。碎翦黃金數恁小。都著葉兒遮了。打來休似年時。小窗能有高低。無頓許多香處。只消三兩枝兒。

又（再賦）

東園向曉。陣陣西風好。喚起仙人金小小。翠羽玲瓏裝了。一枝枕畔開時。羅幃翠幕垂低。恁地十分遮護。打窗早有蜂兒。

又（憶吳江賞木屋）

少年痛飲。憶向吳江醒。明月團團高樹影。十里水沈煙冷。大都一點宮黃。人間直恁芬芳。怕是秋天風露。染教世界都香。

又（壽信守王道夫）

此身長健。還卻功名願。枉讀平生三萬卷。滿酌金杯聽勸。男兒玉帶金魚。能消幾許詩書。料得今宵醉也。兩行紅袖爭扶。

又（壽趙民則提刑時新除且素不喜飲）

詩書萬卷合上明光殿。案上文書看來徧。眉裏陰功早見。十分竹瘦松堅。看君自是長年。若解尊前痛飲。精神便是神仙。

又（題上盧橋）

清泉奔快。不管青山礙。十里盤盤平世界。更著溪山襟帶。古今陵谷茫茫。市朝往往耕桑。此地居然形勝。似曾小小興亡。

又

清詞索笑。莫厭銀杯小。應是天孫新與巧。翦恨裁愁句好。有人夢斷關河。小窗日飲亡何。想見重簾不捲。淚痕滴盡湘娥。

又（早趙昌甫時僕以病止酒昌甫作詩數篇未及之）

雲煙草樹。山北山南雨。溪上行人相背去。惟有啼鴉一處。門前萬斛春寒。梅花可豨摧殘。使我長忘酒易。要君不作詩難。

又（書王德由主簿扇）

溪回沙淺。紅杏都開徧。瀾瀾不知春水暖。猶傍垂楊春岸。片帆千里輕船。行人想見欹眠。誰似先生高舉。一行白鷺青天。

好事近（中秋席上和王路鈴）

明月到今宵。長是不如人約。想見廣寒宮殿。正雲梳風掠。夜深休更喚笙歌。簷頭雨聲惡。不是小山詞就。這一場寥索。

又（送李復州致一席上和韻）

和淚唱陽關。依舊字嬌聲穩。回首長安何處。怕行人歸晚。垂楊折盡只啼鴉。把離愁勾引。卻笑遠山無數。被行雲低損。

又（席上和王道夫賦元夕立春）

綵勝鬪華燈。平把東風吹卻。喚取雪中明月。伴使君行樂。紅旗鐵馬響春冰。老去此情薄。惟有前村梅在。倩一枝隨著。

又（和城中諸友韻）

雲氣上林梢。畢竟非空非色。風景不隨人去。到而今留得。老無情味到篇章。詩債怕人索。卻喜近來林下。有許多詞客。

菩薩蠻（金陵賞心亭爲葉丞相賦）

青山欲共高人語。聯翩萬馬來無數。煙雨卻低回。望來終不來。人言頭上髮。總向愁中白。拍手笑沙鷗。一身都是愁。

又（用前韻）

錦書誰寄想思語。天邊數徧飛鴻數。一夜夢千回。梅花人夢來。漲痕紛樹髮。霜落瀟湘白。心事莫驚鷗。人間千萬愁。

又

江山病眼昏如霧。送愁直到津頭路。歸念樂天詩。人生足別離。雲屏深夜語。夢到君知否。玉筯莫偷垂。斷腸天不知。

又（書江西造口壁）

鬱孤臺下清江水。中間多少行人淚。西北是長安。可憐無數山。青山遮不住。畢竟東流去。江晚正愁余。山深聞鷓鴣。

又

西風都是行人恨。馬頭漸喜歸期近。試上小紅樓。飛鴻字字愁。闌干閒倚處。一帶山無數。似遠山橫。秋波相共明。

又

功名飽聽兒童說。看公兩眼明如月。萬里勒燕然。老人書一編。玉階方寸地。好趁風雲會。他日赤松游。依然萬戶侯。

又(送祐之弟歸浮梁)

無情最是江頭柳。長條折盡還依舊。木葉下平湖。雁來書有無。雁無書尙可。好語憑誰和。風雨斷腸時。小山生桂枝。

又(送鄭守厚卿赴闕)

送君直上金鑾殿。情知不久須相見。一日甚三秋。愁來不自由。九重天一笑。定是留中了。白髮少經過。此時愁奈何。

又(送曹君之莊所)

人間歲月堂堂去。勸君快上青雲路。堅處一燈傳。工夫螢雪邊。麴生風味惡。辜負西窗約。沙岸片帆開。寄書無雁來。

又(席上分賦得櫻桃)

香浮乳酪玻璃盃。年年醉裏嘗新慣。何物比春風。歌唇一點紅。江湖清夢斷。翠籠明光殿。萬顆瀉輕勻。低頭愧野人。

又(賦摘阮)

阮琴斜挂香羅綬。玉纖初試琵琶手。桐葉雨聲乾。珍珠落玉盤。朱絃調未慣。笑倩東風伴。莫作別離聲。且聽雙鳳鳴。

又（雪樓賞牡丹席上用楊民瞻韻）

紅芽籤上羣仙客。翠羅蓋底傾城色。和雨淚闌干。沈香亭北看。東風休放去。怕有流鶯訴。試問賞花人。曉妝勻未勻。

又（和盧國華提刑）

旌旗依舊長亭路。尊前試點鶯花數。何處捧心顰。人間別樣春。功名君自許。少日聞雞舞。詩句到梅花。春風十萬家。

卜算子（尋春作）

脩竹翠蘿寒。遲日江山暮。幽徑無人獨自芳。此恨知無數。只共梅花語。懶逐遊絲去。著意尋春不肯香。香在無尋處。

又（爲人賦荷花）

紅粉靚梳妝。翠蓋低風雨。占斷人間六月涼。明月鴛鴦浦。根底藕絲長。花裏蓮心苦。只爲風流有許愁。更襯佳入步。

又（聞李正之茶馬訃音）

欲行且起行。欲坐重來坐。坐坐行行有倦時。更枕閒書臥。病是近來身。懶是從前我。淨掃瓢泉竹樹陰。且恁隨緣過。

又(飲酒)

盜跖儻名丘。孔子如名跖。跖聖丘愚直到今。美口口口口。簡策寫虛名。螻蟻侵枯骨。千古光陰一霎時。且進杯中物。

又(用莊語)

一以我爲牛。一以我爲馬。人與之名受不辭。善學莊周者。江海任虛舟。風雨從飄瓦。醉者乘車墜。不傷全得於天也。

又(漫興)

夜雨醉瓜廬。春水行秧馬。點檢田間快活人。未有如翁者。掃禿兔毫錐。磨透銅臺瓦。誰伴楊雄作解嘲。烏有先生也。

又

珠玉作泥沙。山谷量牛馬。試上纍纍邱壠看。誰是彊梁者。水浸淺深簷。山壓高低瓦。山水朝來笑問人。翁早歸來也。

又

漢代李將軍。奪得胡兒馬。李蔡爲人在下中。卻是封侯者。芸草去陳根。篔竹添新瓦。萬一朝廷舉力田。舍我其誰也。

又（用韻答趙管臣數文。趙有真得歸方是開堂。）

百郡怯登車。千里輸流馬。乞得膠膠擾擾身。卻笑區區者。
野水玉鳴渠。急雨珠跳瓦。一榻清風方是閒。真是歸來也。

又

萬里只浮雲。一噴空凡馬。歎息曹瞞老曠詩。伏櫪如公者。
山鳥哢窺簷。野鼠飢翻瓦。老我癡頑合住山。此地菟裘也。

又（商落）

剛者不堅牢。柔的難摧挫。不信張開口角看。舌在牙先墮。
已闕兩邊廂。又豁中間箇。說與兒曹莫笑翁。狗竇從君過。

又（飲酒成病）

一箇去學仙。一箇去學佛。仙飲千杯醉似泥。皮骨如金石。
不飲使康強。佛壽須千百。八十餘年人涅槃。且進杯中物。

又（飲酒不寫書）

一飲動連宵。一醉長三日。廢盡寒溫不寫書。富貴何由得。
請看塚中人。塚似當時筆。萬札千言只恁休。且進杯中物。

醜奴兒（醉中有歌此詩以勸酒者聊曬括之）

晚來雲淡秋光薄。落日晴天。落日晴天。堂上風斜畫燭煙。
從渠去買人間恨。字字都圓。字字都圓。腸斷西風十四絃。

又

尋常中酒扶頭後。歌舞支持。歌舞支持。誰把新詞喚住伊。
臨岐也有旁人笑。笑已爭知。笑已爭知。明月樓空燕子飛。

又（書博山道中壁）

煙蕪露芰荒池柳。洗雨烘晴。洗雨烘晴。一樣春風幾樣青。
提壺脫袴催歸去。萬恨千情。萬恨千情。各自無聊各自鳴。

又

此生自斷天休問。獨倚危樓。獨倚危樓。不信人間別有愁。
君來正是眠時節。君且歸休。君且歸休。說與西風一任秋。

又

少年不識愁滋味。愛上層樓。愛上層樓。爲賦新詞強說愁。
而今識盡愁滋味。欲說還休。欲說還休。卻道天涼好箇秋。

又

近來愁似天來大。誰解相憐。誰解相憐。又把愁來做箇天。都將今古無窮事。放在愁邊。放在愁邊。卻自移家向酒泉。

又（和鉛山陳簿韻二首）

鵝湖山下長亭路。明月臨關。明月臨關。幾陣西風落葉乾。新詞誰解裁冰雪。筆墨生寒。筆墨生寒。會說離愁千萬般。

又

年年索盡梅花笑。疎影黃昏。疎影黃昏。香滿東風月一痕。清詩冷落無人寄。雪豔冰魂。雪豔冰魂。浮玉溪頭煙樹村。

浣溪沙（漫興作）

未到山前騎馬回。風吹雨打已無梅。共誰消遣兩三杯。一似舊時春意思。百無事處老形骸。也曾頭上戴花來。

又（黃沙嶺）

寸步人間百十樓。孤城春水一沙鷗。天風吹樹幾時休。突兀趁人山石狠。朦朧避路野花羞。人家平水廟東頭。

又(壽囚子)

壽酒同斟喜有餘。朱顏卻對白髭鬚。兩人百歲恰乘除。婚嫁剩添兒女拜。平安頻拆外家書。年年堂上壽星圖。

又(瓢泉偶作)

新葺茆簷次第成。青山恰對小窗橫。去年曾共燕經營。病卻杯盤甘止酒。老依香火苦翻經。夜來依舊管絃聲。

又(壬子春赴閩別瓢泉)

細聽春山杜宇啼。一聲聲是送行詩。朝來白鳥背人飛。對鄭子真巖石臥。赴陶元亮菊花期。而今堪誦北山移。

又(常山道中卽事)

北隴田高踏水頻。西溪禾早已嘗新。隔牆沾酒煮纖鱗。向有微涼何處雨。更無留影霎時雲。賣瓜人過竹邊村。

又(併杜叔高吳子似宿山寺戲作)

花向今朝粉面勻。柳因何事翠眉顰。東風吹雨細於塵。自笑好山如好色。只今懷樹更懷人。閒愁閒恨一翻新。

又

歌串如珠箇箇勻。被花勾引笑和顰。忽來驚動畫梁塵。
莫倚笙歌多樂事。相看紅紫又拋人。
舊巢還有燕泥新。

又

父老爭言雨水勻。眉頭不似去年顰。殷勤謝卻甌中塵。
啼鳥有時能勸客。小桃無賴已撩人。
梨花也作白頭新。

又(別杜叔高)

這裏裁詩話別離。那邊應是望歸期。人言心急馬行遲。
去雁無憑傳錦字。春泥抵死汗人衣。
海棠過了有荼蘼。

又(席上趙景山提幹賦溪壑和韻)

臺倚崩崖玉滅痕。青山卻作捧心顰。遠林烟火幾家村。
引入滄浪魚得計。展成寥闊鶴能言。
幾時高處見層軒。

又

妙手都無斧鑿痕。飽參佳處卻成顰。恰如春人浣花村。
筆墨今宵光有艷。管絃從此悄無言。
主人席次兩眉軒。

又（種松未成）

草木於人也作疎。秋來咫尺異榮枯。空山歲晚孰華余。孤竹君窮猶抱節。赤松子懶已生鬚。主人相愛肯留無。

又（種梅粵）

百世孤芳肯自媒。直須詩句與推排。不然喚起酒邊來。自有陶潛方有菊。若無和靖卽無梅。祇今何處向人開。

又（別澄上人併送性禪師）

梅子生時到幾回。桃花開後不須猜。重來松竹意徘徊。慣聽禽聲應可諳。飽觀魚陣已能排。晚風挾雨喚歸來。

山花子（答傅巖叟酬春之約）

艷杏夭桃兩行排。莫攜歌舞去相催。次第不堪供醉眼。去年栽。春意纔從梅裏過。人情都向柳邊來。咫尺東家還又有海棠開。

又（用韻謝傅巖叟端香之惠）

句裏明珠字字排。多情應也被春催。怪得名花和淚送。雨中栽。赤腳未安芳斛穩。蛾眉早把橘枝來。報道錦薰籠底下。麝臍開。

又(三首戲作)

記得瓢泉快活時。長年耽酒更吟詩。驀地捉將來斷送。老頭皮。繞屋人扶行不得。開窗學得鷓鴣啼。卻有杜鵑能勸道。不如歸。

又

日日閒看燕子飛。舊巢新壘畫簾低。玉歷今朝推戊己。卻啣泥。先自春光留不住。那看更著子規啼。一陣晚香吹不斷。落花溪。

又(與客賞山茶一朵忽墮地戲作)

酒面低迷翠被重。黃昏院落月朦朧。墮髻啼妝孫壽醉。泥秦宮。試問花留春幾日。略無人管。雨和風。瞥向綠珠樓下見。墜殘紅。

又(簡傅巖叟)

總把平生入醉鄉。大都三萬六千場。今古悠悠多少事。莫思量。微有些寒春雨好。更無尋處。野花香。年去年來還又笑。燕飛忙。

又(用前韻謝傅巖叟餽名花鮮菓)

楊柳溫柔是故鄉。紛紛蜂蝶去年場。大率一春風雨事。最難量。滿把攜來紅粉面。堆盤更覺紫芝香。幸自麴生閒去了。又教忙。(纔止酒)

又（病起獨坐停雲）

彌欲加餐竟未佳。只宜長伴病僧齋。心似風吹香篆過。也無灰。山下朝來雲出岫。隨風一去未曾回。次第前村行雨了。合歸來。

虞美人（賦茶麈）

羣花泣盡朝來露。爭奈春歸去。不知庭下有茶麈。偷得十分春色。怕春知。淡中有味清中貴。飛絮殘紅避。露華微浸玉肌香。恰似楊妃初試出蘭湯。

又（壽趙文鼎提舉）

翠屏羅幕遮前後。舞袖翻長壽。紫髯冠佩御爐香。看取明年歸奉萬年觴。今宵池上蟠桃席。咫尺長安日。寶烟飛燄萬花濃。試看中間白鶴駕仙風。

又（用前韻）

一杯莫落他人後。富貴功名壽。胸中書傳有餘香。寫得蘭亭小字記流觴。問誰分我漁樵席。江海消閒日。看看天上拜恩濃。卻怕畫樓無處著春風。

又（賦虞美人章）

當年得意如芳草。日日春風好。拔山力盡忽悲歌。飲罷虞兮從此奈君何。人間不識精誠苦。負看青青舞。蔚然斂袂卻亭亭。怕是曲中猶帶楚歌聲。

浪淘沙(山寺夜半聞鐘)

身世酒杯中。萬事皆空。古來三五箇英雄。雨打風吹何處是。漢殿秦宮。夢入少年叢。歌舞匆匆。老僧夜半誤鳴鐘。驚起西窗眠不得。捲地西風。

又(賦虞美人草)

不肯過江東。玉帳匆匆。只今草木憶英雄。唱著虞兮當日曲。便舞春風。兒女此情同。往事朦朧。湘娥竹上淚痕濃。舜日重瞳堪痛恨。羽又重歸。

又(送吳子似縣尉)

金玉舊情懷。風月追陪。扁舟千里興佳哉。不似子猷行半路。卻棹船回。來歲菊花開。記我清杯。西風雁過鎖山臺。把似倩他書不到。好與同來。

減字木蘭花(密僧房有作)

僧窗夜雨。茶鼎熏爐宜小住。卻恨春風。勾引詩來惱殺翁。狂歌未可。且扎一尊料理我。我到亡何。卻聽農家陌上歌。

又

昨朝官告一百五年村父老。更莫驚疑。剛道人生七十稀。使君喜見。恰限華堂開壽宴。問壽如何。百代兒孫擁太婆。

又（長沙道中壁上有婦人題字，若有恨者，用其意爲賦）

盈盈淚眼，往日青樓，天樣遠。秋月春花，輪與常姊妹家。
水村山驛，日暮行雲無氣力。錦字偷裁，立盡西風雁不來。

南歌子（山中夜坐）

世事從頭減，秋懷徹底清。夜深猶送枕邊聲。試問清溪底事，未能平。
月到愁邊白，雞先遠處鳴。是中無有利和名。因甚山前未曉，有人行。

又（獨坐蔗庵）

玄入參同契，禪依不二門。細看斜日隙中塵。始覺人間何處，不紛紛。
病笑春先到，閒知懶是真。百般啼鳥苦撩人。除卻提壺，此外不堪聞。

又（新開池戲作）

散髮披襟處，浮瓜沈李時。涓涓流水細侵階。鑿箇池兒喚箇月兒來。
畫棟頻搖動，紅蕖盡倒開。門勻紅粉照香腮。有箇人人把箇鏡兒猜。

醉太平（春景）

態濃意遠，眉顰笑淺。薄羅衣窄絮風軟。鬢雲欺翠捲。
南園花樹春光暖。香徑裏，榆錢滿。欲上鞦韆又驚懶。且歸休怕晚。

漁家傲

(爲余伯熙察院壽。信之讖云：水打烏龜石，三台出此時。伯熙舊居城西，直龜山之北，溪水鑿山足矣。意伯熙當之耶。伯熙學道有新功。一日語余云：溪上嘗得異石，有文隱然，如記姓名，且有長生等字。余未之見也。因其生朝，姑據二事爲詞以壽之。)

道德文章傳幾世。到君合上三台位。自是君家門戶事。當此際。龜山正抱西江水。三萬六千排日醉。鬢毛只恁青青地。江裏石頭爭獻瑞。分明是中間有箇長生字。

錦帳春(杜叔高席上)

春色難留。酒杯常淺。更舊恨新愁相間。五更風。千里夢。看飛紅幾片。這般庭院。幾許風流。幾般嬌懶。問相見何如不見。燕飛忙。鶯語亂。恨重簾不捲。翠屏半遠。

太常引(建康中秋夜爲呂潛叔賦)

一輪秋影轉金波。飛鏡又重磨。把酒問姮娥。被白髮欺人奈何。乘風好去，長空萬里，直下看山河。斫去桂婆娑。人道是清光更多。

又(壽韓南澗尚書)

君王著意履聲聞。便合押紫宸班。今代又尊韓。道吏部文章泰山。一杯千歲。問公何事。早伴赤松閒。功業後來看。似江左風流謝安。

又（賦十四絃）

仙機似欲織纖羅。髮髭度金梭。無奈玉纖何。卻彈作清商恨多。珠簾影裏。如花半面。絕勝隔簾歌。世路苦風波。且痛飲公無渡河。

又（壽趙晉臣敷文）

論公耆德舊宗英。吳季子百餘齡。奉使老於行。更看舞聽歌最精。須同衛武。九十入相。棗竹自青青。富貴出長生。記門外清溪姓彭。（彭溪晉臣居也）

東坡引（閨怨）

玉纖彈舊怨。還敲繡屏面。清歌自送西風雁。雁行吹字斷。雁行吹字斷。夜深拜半月。瑣窗西畔。但桂影空階滿。翠帷自掩無人見。羅衣寬一半。羅衣寬一半。

又

君如梁上燕。妾如手中扇。團團青影雙雙伴。秋來腸欲斷。秋來腸欲斷。黃昏淚眼。青山隔岸。但咫尺如天遠。病來只謝旁人勸。龍華三會願。龍華三會願。

又

花稍紅未足。條破驚新綠。重簾下徧闌干曲。有人春睡熟。有人春睡熟。鳴禽破夢。雲偏目覺。起來香腮褪紅玉。花時愛與愁相續。羅裙過半幅。羅裙過半幅。

夜游宮(苦俗客)

幾箇相知可喜。才厮見說山說水。顛倒爛熟。只這是。怎奈何。一回說一回美。有箇尖新底。說底話。非名非利。說的口乾。罪過你。且不罪。俺略起去洗耳。

戀繡衾(無題)

長安偏冷添被兒。枕頭兒移了又移。我自是笑別人底。卻元來當局者迷。如今只恨因緣淺。也不曾抵死恨伊。合手下安排了。那筵席須有散時。

杏花(無題)

病來自是於春懶。但別院笙歌一片。蛛絲網徧玻璃盞。更問舞裙歌扇。有多少。鶯愁蝶怨。甚夢裏春歸不管。楊花也笑人情淺。故故沾衣撲面。

又

牡丹昨夜方開徧。畢竟是今年春晚。茶蘼付與薰風管。燕子忙時鶯懶。多病起。日長人倦。不待得酒闌歌散。甫能得見茶甌面。卻早安排腸斷。

又(嘲牡丹)

牡丹比得誰顏色。似宮中太真第一。漁陽鼙鼓邊風急。人在沈香亭北。買栽池館多何益。莫虛把千金拋擲。若教解語應傾國。一箇西施也得。

唐河傳(做花間體)

春水千里孤舟浪起。夢攜西子。覺來村巷夕陽斜。幾家短牆紅杏花。晚雲做造些兒雨。折花去。岸上誰家女。太顛狂。那邊柳線。被風吹上天。

醉花陰(爲人壽)

黃花漫說年年好。也趁秋光老。綠鬢不驚秋若鬥。尊前人好花堪笑。蟠桃結子知多少。家住三山島。何日跨飛鸞。滄海飛塵。人世因緣了。

品令(族姑慶八十來索俳語)

更休說。使是箇佳世。觀音菩薩。甚今年。容貌八十歲。見底道。纔十八。莫獻壽星香燭。莫祝靈椿龜鶴。只消得。把筆輕輕去。十字上。添一撇。

惜分飛(存思)

翡翠樓前芳草路。寶馬陰鞭暫駐。最是周郎顧。幾度歌聲誤。望斷碧雲空日暮。流水桃源何處。聞道春歸去。更無人管。飄紅雨。

柳梢青(和范先之席上賦牡丹)

姚魏名流。年年攪斷。雨恨風愁。解釋春光。剝須破費。酒令詩籌。玉肌紅粉。溫柔。更染盡。天香未休。今夜簪花。他年第一。玉殿東頭。

又（三山歸途代白鷗見嘲）

白鳥相迎相憐相笑。滿面塵埃。華髮蒼顏。去時曾勸開早歸來。而今豈是高懷。爲千里。尊羹計哉。好把移文。從今日日讀取千回。

又（辛酉生日前兩日夢一道士話長年之術夢中痛以理折之覺而賦八難之辭）

莫鍊丹難。黃河可塞。金可成難。休辟穀難。吸風飲露。長忍飢難。勸君莫遠遊難。何處有西王母難。休采藥難。人沈下土。我上天難。

河瀆神（女城祠効花間體）

芳草綠萋萋。斷腸絕浦相思。山頭人望翠雲旗。蕙肴桂酒君歸。惆悵畫簷雙燕舞。東風吹散靈雲。香火冷淺。蕭鼓斜陽門外。今古。

武陵春（春晚）

桃李風前多嫵媚。楊柳更溫柔。喚取笙歌爛熳遊。且莫管閒愁。好趁晴時連夜賞。雨便一春休。草草杯盤不要收。纔晚又扶頭。

又

走去走來三百里。五日以爲期。六日歸時已是疑。應是望多時。鞭箇馬兒歸去也。心急馬行遲。不免相煩喜鵲兒。先報那人知。

謁金門(無題)

遮索月。雲外金蛇明滅。翻樹啼鴉聲未徹。雨聲驚落葉。寶炬成行嫌熱。玉腕藕絲誰雪。流水高山絃斷絕。怒蛙聲自咽。

又

山吐月。畫燭從教風滅。一曲瑤琴纔聽徹。金焦三兩葉。驟雨微涼還熱。似欠舞瓊歌雪。近日醉鄉音問絕。有時清淚咽。

又

歸去未。風雨送春行李。一枕離愁頭徹尾。如何消遣是。遙想歸舟天際。綠鬢瓏璵慵理。好夢未成鶯喚起。粉香猶有滯。

酒泉子(無題)

流水無情。潮到空城頭盡白。離歌一曲怨殘陽。斷腸人。東風官柳舞雕牆。三十六宮花濺淚。春聲何處說興亡。燕雙雙。

霜天曉角(旅興)

吳頭楚尾。一棹人千里。休說舊愁新恨。長亭今如此。宦游吾倦矣。玉人留我醉。明日落花寒。

食得且住爲佳耳。

又

暮山層碧。掠岸西風急。一葉輕紅深處。不是利名客。玉人還佇立。綠窗生怨泣。萬里衡陽歸。恨先倩雁寄消息。

點絳脣

留博山寺。聞光風主人微恙而歸。時春漲斷橋。

隱隱輕雷雨聲不受春回護。落梅如許。吹盡牆邊去。春水無情。礙斷溪南路。憑誰訴。寄聲傳語。沒箇人知處。

又

身後虛名古來不換生前醉。青鞋白喜。不踏長安市。竹外僧歸。路指霜鐘寺。孤鴻起。丹青手裏。翦破松江水。

生查子（山行寄楊民瞻）

昨宵醉裏行。山吐三更月。不見可憐人。一夜頭如雪。今宵醉裏歸。明月關山笛。收拾錦囊詩。要寄楊雄宅。

又（民瞻見和再用韻）

誰傾滄海珠。簸弄千明月。喚取酒邊來。軟語裁春雪。人間無鳳凰。空費穿雲笛。醉裏卻歸來。

松菊陶潛宅。

又（有覓詞者爲賦）

去年燕子來，繡戶深深處。花徑得泥歸，都把琴書汙。
今年燕子來，誰聽呢喃語。不見捲簾人，一陣黃昏雨。

又（魂遊西殿）

溪邊照影行，天在清溪底。天上有行雲，人在行雲裏。
一曲桃花水。

又

青山招不來，假塞誰憐汝。歲晚太寒生，喚我溪邊住。
聽讀離騷去。

又

青山非不佳，未解留儂住。赤脚踏層冰，爲愛青溪故。
自在尋詩去。

又（簡吳子似縣尉）

高人千丈崖，太古儲冰雪。六月火雲時，一見森毛髮。
俗人如盜泉，照影成昏濁。高處掛吾瓢。

不飲吾甯渴。

又（和趙晉臣數文春雪）

浸天春雪來。纔抵梅花半。最愛雪邊人。些些裁成亂。雪兒偏解歌。只要金杯滿。誰道雪天寒。翠袖闌干暖。

又

梅子褪花時。直與黃梅接。煙雨幾曾開。一春江裏活。富貴使人忙。也有閒時節。莫作路旁花。長教人看殺。

又（題京口郡治塵表亭）

悠悠萬世功。矻矻當年苦。魚自入深淵。人自居平土。紅日又西沈。白浪長東去。不是望金山。我自思量禹。

尋芳草（嘲陳莘叟憶內）

有得許多淚。更閒卻許多鴛被。枕頭兒放處都不是。舊家時。怎生睡。更也沒書來。那堪被。雁兒調戲。道無書卻有書中意。排幾箇。人人字。

阮郎歸（耒陽道中爲張處父推官賦）

山前燈火欲黃昏。山頭來去雲。鷓鴣聲裏數家村。瀟湘逢故人。揮羽扇。整綸巾。少年鞍馬塵。

如今憔悴賦招魂。儒冠多誤身。

昭君怨(豫章寄張守定叟)

長記瀟湘秋晚。歌舞橋洲人散。走馬月明中。折芙蓉。今日西山南浦。畫棟珠簾雲雨。風景不爭多。奈愁何。

又(送晁楚老遊荆門)

夜雨翦殘春韭。明日重斟別酒。君去問曹擘。好公安。試看如今白髮。卻爲中年離別。風雨正崔嵬。早歸來。

又

人面不如花面。花到開時重見。獨倚小闌干。許多山。落花西風時候。人共青山都瘦。說到夢陽臺。幾曾來。

烏夜啼(山行約范先之不至)

江頭醉倒山公。月明中。記得昨宵歸路。笑兒童。溪欲轉。山已斷。兩三松。一段可憐風月。欠詩翁。

又(先之見和復用韻)

人言我不如公。酒杯中。更把平生湖海。問兒童。千尺蔓。雲葉亂。繫長松。卻笑一身纏繞。似衰

翁。

又

晚花露葉風條。燕燕高行。過長廊西畔。小紅橋。歌再唱。人再舞。酒纔消。更把一杯重勸。摘櫻桃。

一絡索（閨思）

羞見鑑鸞孤卻。倩人梳掠。一春長是爲花愁。甚夜夜東風惡。行繞翠簾珠箔。錦牋誰託。玉觴淚滿卻停觴。怕酒似郎情薄。

又（信守王道天席上用達天賦金林擒韻）

錦帳如雲高處。不知重數。夜深銀燭淚成行。算都把心期付。莫待燕飛泥汗。問花花訴。不知花定有情無。似卻怕新詞妒。

如夢令（風梁燕）

燕子幾曾歸去。只在翠巖深處。重到畫梁間。誰與舊巢爲主。深許。深許。聞道鳳凰來住。

憶王孫（秋江送別集古句）

登山臨水送將歸。悲莫悲兮生別離。不用登臨怨落暉。昔人非。惟有年年秋雁飛。

稼軒詞跋

蔡元工於詞。靖康中陷虜庭。稼軒以詩詞謁見。蔡曰：子之詩則未也。他日當以詞名家。故稼軒晚年來卜築奇獅。專工長短句。累五百首。有奇。但詞爭鬪。禮織。而稼軒率多撫時感事之作。磊落英多。絕不作妮子態。宋人以東坡爲詞詩。稼軒爲詞論。善評也。古虞毛晉記。

宋六名家圖

片玉詞二卷

附補遺

周邦彥

題周美成詞

文章政事。初非兩塗。學之優者。發而爲政。必有可觀。政有其暇。則游藝於詠歌者。必其才有餘。辨者也。溧水爲負山之邑。官賦浩穰。民訟紛沓。似不可以絃歌爲政。而待制周公。元祐癸酉春。中爲邑長於斯。其政敬簡。民到於今稱之者。固有餘愛。而其尤可稱者。於撥煩治劇之中。不妨舒嘯一觴。一詠。句中有眼。膾炙人口者。又有餘聲。聲洋洋乎在耳側。其政有不亡者存。余慕周公之才名。有年於茲。不謂於八十餘載之後。踵公舊蹤。既喜而且媿。故自到任以來。訪其政事。於所治後圃。得其遺政。有亭曰姑射。有堂曰蕭閒。皆取神仙中事。揭而名之。可以想像其襟抱之不凡。而又睹新綠之地。隔浦之蓮。依然在目。抑又思公之詞。其樞寫物態。曲盡其妙。方思有以發揚其聲之不可忘者。而未幾。及乎暇日。從容式燕嘉賓。歌者在上。果以公之詞爲首唱。夫然後知邑人愛其詞。乃所以不忘其政也。余欲廣邑人愛之之意。故哀公之詞。旁搜遠紹。僅得百八十有二章。釐爲上下卷。迺輟俸餘。鳩工鉅木。以壽其傳。非惟慰邑人之思。亦新傳之有所托。俾人聲其歌者。足以知其才之優於爲邑如此。故冠之以序。而述其意云。公諱邦彥。字美成。錢塘人也。淳熙歲在上章。困敦孟陬。月園赤奮若。晉陽強煥序。

片玉詞

目錄

卷上

- | | | |
|---------|---------|--------|
| 瑞蓮吟一調 | 風流子二調 | 華胥引一調 |
| 意難忘一調 | 宴清都一調 | 閨怨王一調 |
| 續斷寒一調 | 隔浦近近拍一調 | 蘇幕遮一調 |
| 早梅芳近二調 | 四園竹一調 | 霧山溪一調 |
| 側犯一調 | 齊天樂一調 | 荔枝香近二調 |
| 水龍吟一調 | 六醜一調 | 寒垣春一調 |
| 掃花遊一調 | 夜飛鵲一調 | 滿庭芳一調 |
| 花犯一調 | 大酺一調 | 霜葉飛一調 |
| 法曲獻仙音一調 | 渡江雲一調 | 應天長一調 |
| 玉樓春五調 | 傷情怨一調 | 品令一調 |
| 木蘭花令一調 | 秋蕊香一調 | 菩薩蠻一調 |
| 玉團兒一調 | 醜奴兒三調 | 感皇恩二調 |
| 宴桃源二調 | 月中行一調 | 漁家傲二調 |

宋六十名家詞

完風波一調

蝶戀花十調

紅羅襖一調

少年遊四調

還京樂一調

解連環一調

綺寮怨一調

玲瓏四犯一調

丹鳳吟一調

憶舊遊一調

拜星月慢一調

倒犯一調

減字木蘭花一調

木蘭花令一調

一翦梅一調

鷓鴣山溪二調

青玉案一調

水調歌頭一調

南柯子三調

鬪河令一調

鷓鴣仙令一調

花心動一調

雙頭蓮一調

長相思四調

大有

萬里春一調

鵲沖天二調

卷下

解語花一調

鎖陽臺三調

過秦樓一調

解蹀躞一調

蕙蘭芳引一調

六么令一調

紅林擒近二調

滿路花二調

氏州第一一調

尉遲杯一調

寒翁吟一調

繞佛閣一調

慶春宮一調

滿江紅一調

丁香結一調

三都樂一調

西河二調

一寸金一調

瑞鶴仙二調

浪淘沙慢二調

西平樂一調

玉樓新

南鄉子五調

望江南二調

浣溪紗十調

夜遊宮三調

迎春樂三調

鳳來朝一調

紅窗迴一調

鬢雲鬆令一調

燕歸梁一調

留客住一調

月下笛一調

補遺

十六字令一調

柳梢青一調

書錦堂一調

浣溪紗慢一調

訴衷情三調

虞美人六調

垂絲釣一調

念奴嬌二調

芳草渡一調

南浦一調

長相思慢一調

浣溪紗二調

南鄉子一調

齊天樂一調

點絳脣四調

一落索二調

醉桃源二調

蝶粉兒慢一調

黃鸝繞碧樹一調

歸去離一調

醉落魄一調

看花迴二調

憶秦娥一調

蘇幕遮一調

女冠子一調

片玉詞目錄終

宋六名家圖

片玉詞上卷

宋 周邦彥

瑞龍吟

章臺路。還見褪粉梅梢，試華桃樹。愔愔坊陌人家，定巢燕子，歸來舊處。黯凝佇。因記箇人癡小。乍窺門戶。侵晨淺約宮黃，障風映袖，盈盈笑語。前度劉郎重到，訪隣尋里，同時歌舞。唯有舊家秋娘，聲價如故。吟牋賦筆，猶記燕臺句。知誰伴、名園露飲，東城閒步。事與孤鴻去。探春盡、是傷離意緒。官柳低金縷。歸騎晚，纖纖池塘飛雨。斷腸院落，一簾風絮。

(按此詞自章臺路至歸來舊處是第一段。自黯凝佇至盈盈笑語是第二段。此謂之雙拽頭。屬正平調。自前度劉郎以下，即犯大石係第三段。至歸騎晚以下四句，再歸正平坊刻皆于聲價如故分段者非。○侵晨淺約宮黃，或作宮妝。非。考梁簡文帝詩：約黃能效月。李賀詩：宮人面豔黃。○猶記燕臺句，或作蘭臺句。非。攷李義山柳枝詩序云：柳枝，洛中里娘也。年十七，不聘。余從昆讓山比柳枝居爲近。他日春陰，讓山下馬柳枝南柳下，誅余燕臺詩。柳枝驚問誰人爲是。讓山曰：此吾少年叔耳。柳枝手斲長帶，結讓山爲贈。叔乞詩，明日子策馬出其茶。柳枝丫鬟畢妝，抱立驕下。風障一袖，指曰：若叔是。後三日隣當去，澹裙水上，以博山香待與郎俱。)

風流子

楓林凋晚葉。關河迴。楚客慘將歸。望一川暝靄，雁聲哀怨。半規涼月，人影參差。酒醒後，淚花銷。

風蠟風暮卷金泥。錦柞韻高。喚回殘夢。綺羅香滅。牽起餘悲。亭皋分襟地。難堪處。偏是掩面牽衣。何況怨懷長結。重見無期。想寄恨書中。銀鉤空滿。斷腸聲裏。玉筯還垂。多少暗愁密意。唯有天知。

又

新綠小池。晴風籠動。碎影舞斜陽。羨金屋去來。舊時巢燕。土花繚繞。前度尋牆。繡閣裏。鳳幃深幾許。聽得理絲簧。欲說又休。慮乖芳信。未歌先時。愁轉清商。遙知新妝了。開朱戶。應自待月西廂。最苦夢魂。今宵不到伊行。問甚時。却與佳音密耗。寄將秦鏡。偷換韓香。天使教人。霎時厮見何妨。（寄將秦鏡。偷換韓香。一作秦女韓郎。非。改賈充女悅韓壽。是妾。遂通焉。猶奇香。自與。志。樂府云。盤龍明鏡。秦嘉辟惡生香。寄韓壽。成全用此作對。）

華胥引

川原澄映。煙月冥濛。去舟似葉。岸足沙平。蒲根水冷。留雁唳。別有孤角吟秋。對曉風鳴軋。紅日三竿。醉頭扶起。還怯。離思相縈。漸看春鬢絲堪。舞衫歌扇。何人輕憐細閱。點檢從前。恩愛鳳牋盈篋。愁翦燈花。夜來和淚雙暈。（舞衫歌扇。一作舞衫。非。魂詩云。舞衫飄如。散。舞。地。輕紗。）

意難忘

衣染鶯黃。愛停歌駐拍。勸酒持觴。低鬟暉影動。私語口脂香。露滴竹風涼。拚劇飲淋浪。夜漸

深籠燈就。月子細端相。知音見說無雙。解移宮換羽。未怕周郎。長髮知有恨。貪耍不成妝。箇事惱人腸。試說與何妨。又恐伊尋消聽息。瘦損容光。(周瑜少精音樂。雖三爵之後。其有關。必知之。必願故時人語。云曲有誤。周郎顧改。未怕周郎。一作江郎非。)

宴津都

地僻無鐘鼓。殘燈滅。夜長人倦難度。寒吹斷梗。風翻暗雪。灑窗填戶。賓鴻漫說傳書。算過盡千儂。侶始信得。庾信愁多。江淹恨極。須賦。淒涼病損文園。徽絃乍拂。音韻先苦。淮山夜月。金城暮草。夢魂飛去。秋霜半入清鏡。歎帶眼。都移舊處。更久長。不見文君。歸時認否。

蘭陵王(柳)

柳陰直。煙縷絲絲弄碧。隋隄上。曾見幾番。拂水飄綿送行色。登臨望故國。誰識。京華倦客。長亭路。年去歲來。應折柔條過千尺。聞尋舊蹤跡。又酒趁哀絃。燈照離席。梨花榆火催寒食。愁一箭風快。半篙波暖。回頭迢遞。使數驛。望人在天北。悵惻。恨堆積。漸別浦縈迴。津候岑寂。斜陽冉冉春無極。念月榭攜手。露橋聞笛。沈思前事。似夢魂裏。淚暗滴。

鎖窗寒(寒食)

暗柳啼鴉。單衣竚立。小籠朱戶。桐陰半畝。靜鎖一庭愁雨。灑空階。夜闌未休。故人翦燭。西窗語。似楚江暝宿。風燈零亂。少年羈旅。遲暮。嬉遊處。正店舍無煙。禁城百五。旗亭喚酒。付與高陽。

儻侶。想東園桃李經春。小脣秀靨。今在否。到歸時。定有殘英待客攜尊俎。(時刻或於暝幕下分段)

鬪浦葦近拍(中山縣鬪姑射亭避暑作)

新篔搖動翠葆。曲徑通深窈。夏果收新脆。金丸落。驚飛鳥。濃蔭迷岸草。蛙聲鬧。驟雨鳴池沼。水亭小。浮萍破處。籬花簷影顛倒。綸巾羽扇。困臥北窗清曉。屏裏吳山夢。自到。驚覺。依前身在江表。

(時刻或於池沼下分段)○金丸落驚飛鳥一作金丸落飛鳥注引李賀詩云問把金丸落飛鳥按譜第四句第五句皆三字宜作金丸落驚飛鳥攷韓嫣好彈以金爲丸打飛鳥一日所失十餘人爭拾之時人爲之語曰若飢寒逐金丸○簾花簷影一作蔭花簷影杜子美詩云燈前細雨蔭花落蓋蔭前雨映燈光如花爾或改蔭前細雨燈花落便無致味周美成用蔭花言溪漁隱病且與本意未合花庵詞選作簾花簷影今從之)

蘇幕遮

燎沈香。消溽暑。鳥雀呼晴。侵曉窺簷語。葉上初陽乾宿雨。水面清圓。一一風荷舉。故鄉遙。何日去。家住吳門。久作長安旅。五月漁郎相憶否。小檝輕舟。夢入芙蓉浦。

早梅芳近(譜無近字)

花竹深。房櫺好。夜閨無人到。隔窗寒雨。向壁孤燈弄餘照。淚多羅袖重。意密鶯聲小。正魂驚夢怯。門外已知曉。去難留。話未了。早促登長道。風披宿霧。露洗初陽射。林表亂愁迷遠覽。苦語

縈懷抱。慢回頭。更堪歸路杳。

又

繚牆深。叢竹繞。宴席臨清沼。微呈纖履。故隱烘籠。自嬉笑。粉香妝暈薄。帶緊腰圍小。看鴻驚鳳翥。滿座歎輕妙。酒醒時。會散了。回首城南道。河陰高轉。露脚斜飛。夜將曉。異鄉奄歲月。醉眼迷登眺。路迢迢。恨滿千里草。

四園竹

浮雲護月。未放滿朱扉。鼠搖暗壁。螢度破窗。偷入書幃。秋意濃。閒竚立。庭柯影裏。好風襟袖先知。夜何其。江南路繞重山。心知漫與前期。奈向燈前墮淚。腸斷蕭娘。舊日書辭。猶在紙。雁信絕。清宵夢又稀。

暮山溪

湖平春水。藻行縈船尾。空翠撲衣襟。拊輕桡。遊魚驚避。晚來潮上。迤邐沒沙痕。山四倚。雲漸起。鳥度屏風裏。周郎逸興。黃帽侵雲水。落日媚滄洲。泛一棹。夷猶未已。玉簫金管。不共美人遊。因箇甚。煙霧底。偏愛葦花美。

側犯

暮霞霽雨。小蓮出水紅妝靨。風定看步艤。江妃照明鏡。飛螢度暗草。秉燭遊花徑。人靜。攜豔質。

追涼就棟影。金環皓腕。雪藕清泉瑩。誰念省。滿身香。猶是舊荀令。見說胡姬。酒爐寂靜。煙鎖漠漠藻池苔井。

（誰念省。滿身香。猶是舊荀令。非收荀令。今年十五。體能生香。擬國姬之選。不欲連姻帝室。遠適長沙。故李端贈郭驛馬詩云。焚香荀令偏憐小。○見說胡姬。酒爐寂靜。或作文姬。非收辛延年詩云。昔有霍家奴。姓馮名子都。依倚將軍勢。調笑酒家胡。胡姬年十五。春日獨當壚。長裾連理帶。廣袖合歡襦。左傳注。胡姬乃齊景公妾也。）

齊天樂

綠蕪彫盡臺城路。殊鄉又逢秋晚。暮雨生寒。鳴蛩勸織。深閣時聞裁翦。雲窗醉掩。嘆重拂羅衲。頓疎花簾。尚有練囊露瑩。清夜照書卷。荆江留滯最久。故人相望處。離思何限。渭水西風長安亂。葉空憶詩情宛轉。凭高眺遠。正玉液新為蟹釐。初薦醉倒山翁。但愁斜照斂。

荔枝香近

照水殘紅零亂。風喚去。盡日惻惻輕寒。簾底吹香霧。黃昏客枕無憖。細響當窗雨。看兩兩相依燕新乳。樓下水。漸淥徧。行舟浦。暮往朝來。心逐片帆輕舉。何日迎門。小檻朱籠報鸚鵡。如今誰念淒楚。（清真集作共翦西窗密炬）

又

夜來寒侵酒席。露微泫。鳥履初會。香澤方薰。無端暗雨催人。但怪燈偏籠卷。回頭始覺。驚鴻去。

遠。大都世間最苦。唯聚散。到得春殘。看卽是。開離宴。細思別後。柳眼花鬚。更誰翦。此懷何處消遣。

水龍吟（梨花）

素肌應怯餘寒。豔陽占立青蕪地。樊川照日。靈關遮路。殘紅斂避。傳火樓臺。妬花風雨。長門深閉。亞簾櫳半溼。一枝在手。偏勾引黃昏淚。別有風前月底。布繁陰滿園歌吹。朱鉛退盡。潘妃卻酒。昭君乍起。雪浪翻空。粉裳縞夜。不成春意。恨玉容不見。瓊英慢好。與何人比。

六醜（薔薇謝後作）

正單衣試酒。恨客裏光陰虛擲。願春暫留。春歸如過翼。一去無迹。爲問花何在。夜來風雨。葬楚宮傾國。釵鈿墮處遺香澤。亂點桃蹊。輕翻柳陌。多情最誰追惜。但蜂媒蝶使。時叩窗隔。東園岑寂。漸蒙籠暗碧。靜繞珍叢底。成歎息。長條故惹行客。似牽衣待話。別情無極。殘英小。強簪巾幘。終不似。一朵釵頭顛。向人欹側。漂流處。莫趁潮沙。恐斷鴻尙有相思字。何由見得。（或於時叩窗隔分段字句稍異。恐斷鴻尙有相思字。或作恐斷紅。上有相思字。非詩。云來春縱有相思字。三月天南斷雁飛。）

塞垣春

暮色分平野。傍葦岸。征帆卸。煙深極浦。樹藏孤館。秋景如畫。漸別離。氣味難禁也。更物象。供瀟灑。念多才。渾衰減。一懷幽恨難寫。追念綺窗人。天然自風韻閑雅。竟夕起相思。慢嗟怨遙。

又還將兩袖珠淚。沈吟向寂寥。寒燈下。玉竹爲多感。瘦來無一把。

掃花遊(清真集作掃地化)

曉陰翳日。正霧靄煙橫。遠迷平楚。暗黃萬縷。聽鳴禽按曲。小腰欲舞。細繞回隄。駐馬河橋避雨。信流去。一葉怨題。今到何處。春事能幾許。任占地持杯。掃花尋路。淚珠濺俎。嘆將愁度。日病傷幽素。恨入金徽。見說文君更苦。黯凝眸。掩重關。徧城鐘鼓。

夜飛鵲(別情)

河橋送人處。良夜何其。斜月遠墮餘輝。銅盤燭淚已流盡。霏霏涼露。霑衣相將散。離會探風前。津鼓樹杪參旗。花驄會意。縱揚鞭。亦自行遲。迢遞路回清野。人語漸無聞。空帶愁歸。何意重經前地。遺細不見。斜徑都迷。彙葵燕麥。向殘陽。影與人齊。但徘徊班草。秋歎酬酒。極望天西。

(兔葵燕麥。或作莢葵。非劉禹錫白遠州承旨過玄都觀。後復主客郎中重遊玄都。惟兔葵燕麥。搖動春風耳。○但徘徊班草。或作青草。非王介甫詩云。班草數行衣上淚。與班荆同義。)

滿庭芳(夏日溧水無想山作)

風老鶯雛。雨肥梅子。午陰佳樹清圓。地卑山近。衣潤費爐煙。人靜烏鴉自樂。小橋外。新漲濺濺。凭闌久。黃蘆苦竹。擬泛九江船。年年如社燕。飄流瀚海。來寄脩椽。且莫思身外。長近尊前。憔悴江南倦客。不堪聽。急管繁絃。歌筵畔。先安簟枕。容我醉時眠。

花犯（詠梅）

粉牆低。梅花照眼。依然舊風味。露痕輕綴。疑淨洗鉛華。無限佳麗。去年勝賞曾孤倚。冰盤同燕喜。更可惜。雪中高樹。香篝熏素被。今年對花最匆匆。相逢似有恨。依依愁悴。吟望久。青苔上。旋看飛墜。相將見。脆圓薦酒。人正在。空江煙浪裏。但夢想。一枝瀟灑。黃昏斜照水。

大酺（春雨）

對宿煙收。春禽靜。飛雨時鳴高屋。牆頭青玉旆。洗鉛霜都盡。嫩梢相觸。潤逼琴絲。寒侵枕障。蟲網吹粘。籬竹。郵亭無人處。聽簷聲不斷。困眠初熟。奈愁極頻頻。夢輕難記。自憐幽獨。行人歸意速。最先念。流潦妨車轂。怎奈向。蘭成憔悴。樂廣清羸。等閒時。易傷心目。未怪平陽客。雙淚落。笛中哀曲。况蕭索。青蕪國。紅糝鋪地。門外荆桃如菽。夜遊共誰秉燭。（怎奈向蘭成憔悴。蘭成庚信小字一作蘭皋非）

霜飛葉

露迷衰草。疎星掛。涼蟾低下林表。素娥青女鬪嬋娟。正倍添悵悄。漸颯颯。丹楓撼曉。橫天雲浪。魚鱗小。見皓月相看。又透入。清輝半餉。特地留照。迢遞望極關山。波穿千里。度日如歲。難到。鳳樓今夜聽秋風。奈五更愁抱。想玉匣。哀絃閉了。無心重理。相思調。念故人。牽離恨。屏掩孤顰。淚流多少。

法曲獻仙音

蟬咽涼柯。燕飛塵幕。漏閣籤聲時度。倦脫綸巾。困便湘竹。桐陰半侵庭戶。向抱影凝情處。時間
打窗雨。耿無語。歎文園近來多病。情緒嬾。尊酒易成間阻。縹緲玉京人。想依然、京兆眉嫵。翠
幕深中對徽容。空在紈素。待花前月下。見了不教歸去。(或於時間打窗雨下分段)○漏閣籤聲時度。或作
滿閣非。雞人掌銅漏傳籤於殿中者。○投籤於階上使鎗然有聲。漏籤乃壽箭也。○對徽容空在紈素。或作凝容。非崔徽善
歌舞。冀敬中畫其形容。

渡江雲

晴嵐低楚甸。暖迴雁翼。陣勢起平沙。驟驚春在眼。借問何時。委曲到山家。塗香暈色。盛粉飾。爭
作妍華。千萬絲。陌頭楊柳。漸漸可藏鴉。堪嗟。清江東注。畫舸西流。指長安日下。愁宴闌。風翻
旗尾。湖濺烏紗。今宵正對初弦月。傍水驛。深艫蒹葭。沈恨處。但時時、頻剔燈花。(或作銀花。非吳融
剪刀賦。鶯聲曉曉。畫眉而頻剔燈花)

應天長(寒食)

條風布暖。霏霧弄晴。池臺徧滿春色。正是夜堂無月。沈沈暗寒食。梁間燕。前社客。似笑我、閉門
愁寂。亂花過。隔院芸香。滿地狼籍。長記那回時。邂逅相逢。郊外駐油壁。又見漢宮傳燭。飛煙
五侯七貴。青青草。迷路陌。強載酒。細尋前迹。市橋邊。柳下人家。猶自相識。(坊刻或遺餘風。下正是二)

十字。

玉樓春

(按譜木蘭花合實是一調。又如滿庭芳與鎖陽臺。綠幕遮與鬢雲鬆令之類。俱同調而異名。前後錯見。姑仍之。)

當時攜手城東道。月墮鴛鴦人睡了。酒邊誰使客愁輕。帳底不教春夢到。別來人事如秋草。應有吳霜侵翠葆。夕陽深鎖綠楊門。一任盧郎愁鬢老。

(盧郎一作庾郎。非之。盧家郎年暮爲校書。晚娶崔氏女。崔有詞翰。結縭之後。微有嫌色。盧因詩詩爲戲。崔立成云不怨郎郎年紀大。不怨檀郎官職卑。自慙妾身生較晚。不見盧郎年少時。)

又(或另見別卷。或刻秦少游。)

玉琴虛下傷心淚。只有文君知曲意。簾烘樓迫月宜人。酒暖香融春有味。萋萋芳草迷千里。惆悵王孫行未已。天涯回首一銷魂。二十四橋歌舞地。

又

大隄花豔驚郎目。秀色穠華看不足。休將寶瑟寫幽懷。坐上有人能顧曲。平波落照涵楸玉。畫舸亭亭浮淡綠。臨分何以祝深情。只有別愁三萬斛。

又

玉臉收成新妝了。鬢畔斜枝紅袅袅。淺嚙輕笑百般宜。試著春衫應更好。裁金簇翠天機巧。

不稱野人蓼破帽。滿頭聊作片時狂。頓減十年塵土貌。

又

桃溪不作從容住。秋藕絕來無續處。當時相候赤闌橋。今日獨尋黃葉路。煙中列岫青無數。雁背夕陽紅欲暮。人如風後入江雲。情似雨餘黏地絮。（當時相候赤闌橋絕妙詞選作當時無奈鳥聲哀）

傷情怨

枝頭風信漸小。看暮鴉飛了。又是黃昏閉門收返照。江南人去路杳。信未通。愁已先到。怕見孤燈霜寒催睡早。

品令（梅花）

夜闌人靜。月痕寄梅梢。疎形。簾外曲角闌干近。舊攜手處。花霧寒成陣。應是不禁愁與恨。縱相逢難問。黛眉曾把春衫印。後期無定。腸斷香銷盡。（花霧寒成陣或刻花發霧寒成陣按譜第五句宜五字且沈詩落花粉似霧增一發字便少味）

木蘭花令（暮秋錢別）

郊原雨過金英秀。風掃霜威寒入袖。感君一曲斷腸歌。送我十分和淚酒。古道塵清榆柳瘦。繫馬郵亭人散後。今宵燈盡酒醒時。可惜朱顏成皓首。

秋蕊香

乳鴨池塘水暖。風緊柳花迎面。午妝粉指印窗眼。曲裏長眉翠淺。聞知社日停針線。貪新燕。寶釵落枕夢魂遠。簾影參差滿院。

菩薩蠻

銀河宛轉三千曲。浴鳧飛鷺澄波綠。何處望歸舟。夕陽江上樓。天憎梅浪發。故下封枝雪。深院捲簾看。應憐江上寒。

玉團兒（清真集不載）

鉛華淡貯新妝束。好風韻。天然異俗。彼此知名。雖然初見。情分先熟。爐煙淡淡雲屏曲。睡半醒。生香透肉。賴得相逢。若還虛過。生世不足。

醜奴兒（詠梅）

肌膚綽約真仙子。來伴冰霜。洗盡鉛黃。素面初無一點妝。尋花不用持銀燭。暗裏聞香。零落池塘。分付餘妍與壽陽。

又（下二闕清真集不載）

南枝度臘開全少。疎影當軒。一種宜寒。自共清蟾別有緣。江南風味依然在。玉貌韶顏。今夜凭闌。不似釵頭子細看。

又

香梅開後風傳信。繡戶先知。霧濕羅衣。冷豔須攀最遠枝。高歌羌管吹遙夜。看卽分披。已恨來遲。不見娉婷帶雪時。

感皇恩

露柳好風標。嬌鶯能語。獨占春光最多處。淺顰輕笑。未肯等閒分付。爲誰心子裏。長長苦。洞房見說。雲深無路。憑仗青鸞道情素。酒空歌斷。又被濤江催度。怎向言不盡。愁無數。

又（清真集不載）

小閣倚晴空。數聲鐘定。斗柄垂寒暮天靜。朝來殘酒。又被春風吹醒。眼前猶認得。當時景。往事舊懽。不堪重省。自歎多愁更多病。綺窗依舊。敲徧闌干。誰磨斷腸明月下。梅搖影。往

宴桃源

塵暗一枰文繡。淚濕領巾紅皺。初暖綺羅輕。腰勝武昌官柳。長晝長晝。閒臥午窗中酒。（塵暗一枰文繡。清真集作塵滿一枰文繡。）

又

門外迢迢行路。誰送郎邊尺素。巷陌雨餘風。當面濕花飛去。無緒無緒。閒處偷垂玉筍。

月中行

蜀絲趁日染乾紅。微暖口脂融。博山細篆，馮房櫳，靜看打窗蟲。愁多膽怯，疑虛幕，聲不斷。暮景疎鐘。團團四壁小屏風。淚盡夢啼中。（團團四壁小屏風一作團團一而小屏風非係交作團疏將屏風多在螢其中月下清夜舒之常寵四姬皆比絕色使入四座屏風內望之若無隔惟香氣不通於外）

漁家傲

灰暖香融銷永晝。蒲萄上架春藤秀。曲角闌干羣雀鬪。清明後。風梳萬縷亭前柳。日照釵梁光欲溜。循階竹粉霑衣袖。拂拂面紅新著酒。沈吟久。昨宵正是來時候。

又

幾日輕陰寒惻惻。東風急處花成積。醉踏陽春懷故國。歸未得。黃鸝久住如相識。賴有蛾眉能暖客。長歌屢勸金杯側。歌罷月痕來照席。貪歡適。簾前重露成涓滴。

定風波

莫倚能歌斂黛眉。此歌能有幾人知。他日相逢花月底。重理。好聲須記得來時。苦恨城頭傳漏永。口口無情豈解惜。分飛。休訴金尊推玉臂。從醉。明朝有酒遣誰持。

蝶戀花（詠柳）

愛日輕明新雪後。柳眼星星。漸欲穿窗牖。不待長亭傾別酒。一枝已入騷人手。淺淺柔黃輕蠟透。過盡冰霜。便與春爭秀。強對青銅簪白首。老來風味難依舊。（愛日輕明新雪後清真集作暖日）

轉明新霽後。

又

桃萼新香梅落後。葉暗藏鴉。冉冉垂亭牖。舞困低迷如著酒。亂絲偏近遊人手。雨過蒙隴斜日透。客舍青青。特地添明秀。莫話揚鞭回別首。渭城荒遠無交舊。

又

小閣陰陰人寂後。翠幕寒風。燭影搖疎牖。夜半霜寒初索酒。金刀正在柔荑手。粉薄絲輕光欲透。小葉尖新。未放雙眉秀。記得長條垂鵝首。別離情味還依舊。

又（詠柳）

蠢蠢黃金初脫後。暖日飛綿。取次黏窗牖。不見長條低拂酒。贈行應已輸先手。鶯擲金梭飛不透。小榭危樓。處處添奇秀。何日隋隄縈馬首。路長人倦空思舊。

又（早行○或作風樓梧另入別卷）

月皎驚鳥栖不定。更漏將闌。懶曉牽金井。喚起兩眸青炯炯。淚花落枕紅綿冷。執手霜風吹鬢影。去意徘徊。別語愁難聽。樓上闌干橫斗柄。露寒人遠雞相應。

又（下五闋清真集不載）

魚尾霞生明遠樹。翠壁黏天。玉葉迎風舉。一笑相逢蓬海路。人間風月如塵土。翦水雙眸雲

半吐醉倒天瓢笑語生青霧。此會未闌須記取。桃花幾度吹紅雨。

又

美盼低迷情宛轉。愛雨憐雲。漸覺寬金釧。桃李香苞秋不展。深心黯黯誰能見。
宋玉牆高纔

又

晚步芳塘新霽後。春意潛來。迤邐通窗牖。午睡漸多濃似酒。韶華已入東君手。
嫩綠輕黃成

又

葉底尋花春欲暮。折徧柔枝。滿手真珠露。不見舊人空舊處。對花惹起愁無數。
却倚闌干吹

又

柳絮粉蝶多情飛上釵頭住。若遣郎身如蝶羽。芳時爭肯拋人去。
愁入眉痕添

紅羅襖

畫燭尋懽去。羸馬載愁歸。念取酒東壚。尊罍雖近。採花南圃。蜂蝶須知。
自分袂。天闊鴻稀。空

懷乖夢約心期。楚客憶江離。算宋玉未必爲秋悲。

少年遊（感舊）

并刀如水。吳鹽勝雪。纖指破新橙。錦幄初溫。獸香不斷。相對坐吹笙。低聲問向誰行宿。城上已三更。馬滑霜濃。不如休去。直是少人行。
（獸香不斷一作手香不斷非是安巧工作博山香爐爲奇禽怪獸煙白口中出。○相對坐吹笙或用王建宮詞沈香夾底坐吹笙句。清真集又作相對坐調笙。）

又

簪牙縹緲小倡樓。涼月掛銀鉤。聒席笙歌。透簾燈火。風景似揚州。當時面色欺春雪。曾伴美人遊。今日重來。更無人問。獨自倚闌愁。

又（州州作）

南都石黛掃晴山。衣薄奈朝寒。一夕東風。海棠花謝。樓上捲簾看。而今麗日明如洗。南陌暖雕鞍。舊賞園林。喜無風雨。春鳥報平安。

又（雨後）

朝雲漠漠散輕絲。樓閣澹春姿。柳泣花啼。九街泥重。門外燕飛遲。而今麗日明金屋。春色在桃枝。不似當時。小樓衝雨。幽恨兩人知。

還京樂

禁煙近。觸處浮香秀色。相料理。正泥花時候。奈何客裏。光陰虛費。望箭波無際。迎風漾日黃雲委。任去遠。中有萬點相思清淚。到長淮底。過當時樓下。殷勤爲說。春來羈旅。況味堪嗟。誤約乖期。向天泥。自看桃李。想如今。應恨墨盈牋。愁妝照水。怎得青鸞翼。飛歸教見憔悴。

解連環（謔名玉連環）怨別

怨懷無託。嗟情人斷絕。信音遼邈。縱妙手能解連環。似風散雨收。霧輕雲薄。燕子樓。暗塵鎖。一牀絃索。想移根換葉。盡是舊時手。種紅藥。汀洲漸生杜若。料舟依岸曲。人在天角。記得當日音書。把閑語閒言。待總燒却。水驛春迴。望寄我江南梅萼。拚今生。對花對酒。爲伊淚落。（清真集拚今生爲伊對花對酒淚落）縱妙手能解連環。一作信妙手能把連環。非多矣。始皇遣齊君王后玉連環曰。齊國多智。能解此環否。以示羣臣。羣臣不知解。君王后引椎破之。謝秦使曰。謹以解矣。

綺寮怨

上馬入扶殘醉。風吹未醒。映水曲翠瓦朱簷。垂楊裏。乍見津亭。當時曾題敗壁。蛛絲罩淡墨。苔暈青。念去來。歲月如流。徘徊久。嘆息愁思盈。去去倦尋路程。江陵舊事。何曾再問楊瓊。舊曲淒清。徵愁黛。與誰聽。尊前故人如在。想念我。最關情。何須渭城。歌聲未盡處。先淚零。（或於徘徊久嘆息下分段）

玲瓏四犯

櫻李夭桃。是舊日潘郎。親試春豔。自別河陽。長負露房煙臉。憔悴鬢點吳霜。細念想。夢魂飛亂。嘆畫闌玉砌都換。纔始有緣重見。夜深偷展香羅薦。暗窗前醉眠蔥蒨。浮花浪蕊都相識。誰更曾搔眼。休問舊色舊香。但認取芳心一點。奈又片時一陣風雨惡。吹分散。（細念想夢魂飛亂按譜第七句六言無細字）

丹鳳吟（春恨）

迤邐春光無賴。翠藻翻池。黃蜂遊閣。朝來風暴。飛絮亂投。籠幕。生憎暮景。倚牆臨岸。杏靨天斜。榆錢輕薄。晝永惟思。傍枕睡起無膠。殘照猶在庭角。況是別離氣味。坐來但覺心緒惡。痛飲澆愁酒。奈愁濃如酒。無計銷鑠。那堪昏眼。蕞蕞半簷花落。弄粉調朱。柔素手。問何時重握。此時此意。生怕人道著。

憶舊遊（清真集不載）

記愁橫淺黛。淚洗紅鉛。門掩秋宵。墜葉驚離思。聽寒蟬夜泣。亂雨蕭蕭。鳳釵半脫。雲鬢窗影燭。花搖漸暗。竹敲涼。疎螢照曉。兩地魂消。迢迢問音信。道徑底花陰。時認鳴鑣。也擬臨朱戶。歎因郎憔悴。羞見郎招。舊巢更有新燕。楊柳拂河橋。但滿眼京塵。東風竟日吹露桃。

拜星月慢

夜色催更。清塵收露。小曲幽坊月暗。竹檻燈窗。識秋娘庭院。笑相遇。似覺瓊枝玉樹相倚。暖日

明霞光耀。水盼蘭情。總平生稀見。畫圖中。舊識春風面。誰知道。白到塔臺畔。春戀雨。潤雲溫。苦驚風吹散。念荒寒。寄宿無人館。重門閉。敗壁秋蟲嘆。怎奈向。一縷相思。隔溪山不斷。（水盼蘭情。或作水盼蘭情。非韓詩云。吳魚鱗雁無消息。水盼蘭情別日多。）

倒犯（詠月）○清真集作吉了犯

霧景對霜蟾乍昇。素煙如掃。千林夜縞。徘徊處。漸移深窈。何人正弄。孤影踟躕。西窗悄。罨露冷。貂裘玉帶。邀雲表。共寒光。飲清醪。淮左舊遊。記送行人。歸來山路。寫駐馬望素魄。印遙碧。金樞小。愛秀色。初娟好。念漂浮。縣縣思遠道。料異日宵征。必定還相照。奈何人自老。（共寒光飲清醪。或作清醪。非韻考蜀都賦。置酒高堂。鷓以清醪。）

減字木蘭花（清真集不載）

風鬢霧鬢。使覺蓬萊三島近。水秀山明。縹緲仙姿畫不成。廣寒丹桂。豈是天桃塵俗世。只恐乘風。飛上瓊樓玉宇中。

木蘭花令（清真集不載。○原本二首。考殘春一陣狂風雨。是六一詞刪去。）

歌時宛轉饒風措。鶯語清圓啼玉樹。斷腸歸去月三更。薄酒醒來愁萬緒。孤燈翳翳昏如霧。枕上依稀聞笑語。惡嫌春夢不分明。忘了與伊相見處。

驀山溪（此二闋清真集不載）

樓前疎柳。柳外無窮路。翠色四天垂。數峯青。高城闌處。江湖病眼。偏向此山明。愁無語。空凝眸。兩兩昏鴉去。半康巷陌。往事如花雨。十載却歸來。倦追尋。酒旗戲鼓。今宵幸有人似月。嬋娟。畫袖舉。杯深注。一曲黃金縷。

又

江天雪意。夜色寒成陣。翠袖捻金蕉。酒紅潮。香凝沁粉。籠波不動。新月淡籠明。香破豆。燭頻花。減字歌聲穩。恨眉羞斂。往事休重問。人去小庭空。有梅梢。一枝春信。檀心未展。誰爲探芳叢。消瘦盡。洗妝勻。應更添風韻。

青玉案（清真集不載）

良夜燈光。猶如豆。占好事。今宵有。酒罷歌闌人散後。琵琶輕放。語聲低顫。滅燭來相就。玉體
假人情何厚。輕惜輕憐。轉唧唧。雨散雲收。眉兒皺。只愁彰露。那人知後。把我來僂僂。

一翦梅（清真集不載）

一翦梅花萬樣嬌。斜插疎枝。略點眉梢。輕盈微笑舞低回。何事尊前。拍手誤招。夜漸寒深。漸消。補裏時聞玉劍輕敲。城頭誰恁促殘更。銀漏何如。且慢明朝。

水調歌頭（中秋寄李伯紀大觀文○清真集不載）

今夕月華滿。銀漢瀉秋寒。風纏霧捲。宛轉天階。玉樓寬。應是金華仙子。又喜今年樂就。收拾山

河影都向鏡中蟠。日。日。日。日。橫霜竹。吹明月。到中。天。要令四海遙望。千古此輪安。何處今年無月。唯有謫仙著語。高絕莫能攀。我故喚公起。雲海路漫漫。

南柯子（清真集俱不載）

寶合分時菓。金盤弄賜冰。曉來階下接新聲。恰有一方明月。可中庭。露下天如水。風來夜氣清。嬌羞不肯傍人行。颺下扇兒。拍手引流螢。

又

膩頸凝酥白。輕衫淡粉紅。碧油涼氣透簾櫳。指點庭花低映。雲母屏風。恨逐瑤琴寫。書勞玉指封。等閒贏得瘦儀容。何事不教雲雨。略下巫峯。

又（詠梳兒）

桂魄分餘暈。檀槽破紫心。曉妝初試鬢雲侵。每被蘭膏香染。色深沈。指印纖纖粉。釵橫隱隱金。有時雲雨鳳幃深。長是枕前不見。殢人尋。

關河令（清真集不載○時刻清商怨）

秋陰時晴漸向暝。變一庭淒冷。佇聽寒聲。雲深無雁影。更深人去寂靜。但照壁。孤燈相映。酒已都醒。如何消夜永。

鵲橋仙令（清真集不載）

浮花浪蕊。人間無數。開徧朱朱白白。瑤池一朵玉芙蓉。秋露洗。丹砂眞色。晚涼拜月。六銖衣動。應被姮娥認得。翩然欲上廣寒宮。橫玉度。一聲天碧。

花心動(清真集不載)

簾捲青樓。東風滿。楊花亂飄晴晝。蘭袂褪香。羅帳寒紅。繡枕旋移相就。海棠花謝春融暖。假人恁嬌波頻溜。象牀穩。鴛衾漫展。浪翻江縵。一夜情濃似酒。香汗漬鮫綃。幾番微透。鸞困鳳慵。姪姪雙眼。畫也畫應難就。問伊可煞於人厚。梅萼露。臙脂檀口。從此後。纖腰爲郎管瘦。

雙頭蓮(清真集不載)

一抹殘霞。幾行新雁。天染斷紅雲迷陣影。隱約望中。點破晚空澄碧。助秋色。門掩西風。橋橫斜照。青翼未來。濃塵自起。咫尺遺幃。合有人相識。歎乖隔。知甚時恁與。同攜慳適。度曲傳觴。並聽飛轡。綺陌畫堂連夕。樓頭千里。帳底三更。盡堪淚滴。怎生向總無聊。但只聽消息。

長相思(曉行○清真集俱不載)

舉離觴。掩洞房。箭水泠泠刻漏長。愁中看曉光。整羅裳。脂粉香。見掃門前車上霜。相持泣路旁。

又(用怨)

馬如飛。歸未歸。誰在河橋見別離。修楊委地垂。掩面啼。人怎知。桃李成陰鶯哺兒。開行春盡。

時。

又(舟中作)

好風浮晚雨。收林葉陰陰。映鷓舟斜陽。明倚樓。黯凝眸。憶舊遊。艇子扁舟來莫愁。石城風浪

又

沙棠舟。小棹遊。池水澄澄。人影浮。錦鱗遲上鉤。煙雲愁。簫鼓休。再得來時已變秋。欲歸須少

大有(清真集不載)

仙骨清羸。沈腰憔悴。見旁人。驚怪消瘦。柳無言。雙眉盡日齊鬪。都緣薄倖。賦情淺。許多時。不成
權偶。幸自也。總由他。何須負這心口。令人恨。行坐覘。斷了更思量。沒心永守。前日相逢。又早
見伊仍舊。却更被溫存。後都忘了。當時露倦。便搗撮。九百身心。依前待有。

萬里春(清真集不載)

千紅萬翠。簇定清明天氣。爲憐他。種種清香。好難爲不醉。我愛深如你。我心在個人。心裏
相看。老却春風。莫無些歡意。

鶴沖天(溧水長壽鄉作○清真集俱不載)

梅雨霽。暑風和。高柳亂蟬多。小園臺榭遠池波。魚戲動新荷。
薄紗厨。輕羽扇。枕冷簟涼深院。此時情緒此時天。無事小神仙。

又

白角簾。碧紗櫺。梅雨乍晴初。謝家池畔正清虛。香散嫩芙蓉。
日流金。風解愠。一弄素琴歌韻。慢搖紈扇訴花殘。吟待晚涼天。

片玉詞下卷

解語花(上元)

風銷絳蠟。露泄紅蓮。燈市光相射。桂華流瓦。纖雲散。耿耿素娥欲下。衣裳淡雅。看楚女。纖腰一
把。蕭鼓喧。人影參差。滿路飄香麝。因念都城放夜。望千門如畫。嬉笑游冶。鉦車羅帕。相逢處。
自有暗塵隨馬。年光是也。唯只見舊情衰謝。清漏移。飛蓋歸來。從舞休歌罷。

鎮陽臺(懷舊時。清涼界世不替。即滿庭芳)

山曉籠春。江城吹雨。暮天煙淡雲昏。酒旗漁市。冷落杏花村。蘇小當年秀骨。縈蔓草。空想羅裙。
潮聲起。高樓噴笛。五兩了無聞。淅涼懷故國。朝鐘暮鼓。十載紅塵。但夢魂迢遞。長到吳門。聞
道花開陌上。歌舊曲。愁殺王孫。何時見。名娃喚酒。同倒甕頭春。

又

花撲鞭鞘。風吹衫袖。馬蹄初趁輕裝。都城漸遠。芳樹隱斜陽。未惜鞦韆遊況。味。征鞍上。滿目淒涼。
今宵裏。三更皓月。愁斷九迴腸。佳人何處去。別時無計。同引離觴。但唯有相思。兩處難忘。去
卽十分去也。如何向。千種思量。凝眸處。黃昏畫角。天遠路歧長。

又

白玉樓高。廣寒宮闕。暮雲如幃。寒開銀河一派。流出碧天來。無數星躔玉李。冰輪動。光滿樓臺。登臨處。全勝瀛海。弱水浸蓬萊。雲鬢香霧溼。月娥韻壓。雲凍江梅。泥淪花飲露。莫惜裴徊。坐看人間如掌。山河影。倒入瓊杯。歸來晚。笛聲吹徹。九萬里塵埃。

過秦樓清真集作選官子或作惜餘春慢

水浴清蟾。葉喧涼吹。巷陌馬聲初斷。閒依露井。笑撲流螢。惹破畫羅輕扇。人靜夜久。凭闌愁不歸眠。立殘更箭。嘆年華一瞬。人今千里。夢沈書遠。空見說、鬢怯瓊梳。容銷金鏡。漸懶趁時勻。染梅風地溼。紅雨苦滋。一架舞紅都變。誰信無聊爲伊。才減江淹。情傷荀倩。但明河影下。還看稀星數點。水浴清蟾。俗本作京浴。誤情。應荀倩。正何合。非荀本倩。妻曹氏有墨色。嘗病倩以冷身。與之後卒。倩嘆曰。伴人難再得人。弔之不哭。而傷神。夫幾倩亦卒。

解蹀躞秋思

候館丹楓吹盡。面旋隨風舞。夜寒霜月。飛來伴孤旅。還是獨擁秋衾。夢餘酒困都醒。滿懷離苦。甚情緒。深念凌波微步。幽房暗相遇。淚珠都作秋宵枕前雨。此恨音驛難通。待憑征雁歸時。帶將愁去。

蕙蘭芳引秋懷

寒壑晚空。黯青鏡。斷霞孤鷺。對寄館深局。霜草未衰。更綠倦遊厭旅。但憑繞阿嬌金屋。想故人

別後。盡日空疑風竹。寒化氍毹。江山圖障。是處溫煖。更花管雲牋。猶寫寄情舊曲。昔塵迢遞。但勞遠目。今夜長爭奈。枕單人獨。

六幺令（垂陽）

快風收雨。亭館清殘燠。池光靜橫秋影。岸柳如新沐。聞道宣城酒美。昨日新酷熟。輕鑣相逐。衝泥策馬。來折東籬半開菊。華堂花對列。一一驚郎目。歌韻巧共泉聲。問雜琮瑤玉。惆悵周郎已老。莫唱當時曲。幽歡難卜。明年誰健。更把茱萸再三嚼。（問雜琮瑤玉清眞集作問雜琮瑤玉）

紅林擒近（詠雪）

高柳春纒軟。凍梅寒更香。暮雪助清峭。玉塵散林塘。那堪飄風遞冷。故遣度幕穿窗。似欲料理新妝。呵手弄絲簧。冷落詞賦客。蕭索水雲鄉。援毫授簡。風流猶憶東梁。望虛簷徐轉。迴廊未掃。夜長莫惜空酒觴。

又（晴雪）

風雪驚初霽。水鄉增暮寒。樹杪隨毛羽。簷牙挂琅玕。才喜鬥堆巷積。可惜迤邐銷殘。漸看低竹翩翩。清池漲微瀾。步履晴正好。宴席晚方歡。梅花耐冷。亭亭來入冰盤。對前山橫素。愁雲變色。放杯同覓高處看。

滿路花（詠雪）

金花落燼燈。銀礫鳴窗雪。庭深微漏斷。行人絕。風扉不定。竹圃琅玕折。玉人新間闕。著這情懷。更當恁地時節。無言欹枕。帳底流清血。愁如春後絮。來相接。知他那裏。爭信人心切。除共天公說。不成也還似伊無箇分別。

又(冬景)

簾烘淚雨乾。酒壓愁城破。冰壺防飲渴。培殘火。朱消粉褪。絕勝新梳裹。不是寒宵短。日上三竿。殢人猶要同臥。如今多病。寂寞章臺左。黃昏風弄雪。門深鎖。蘭房密愛。萬種思量過。也須知有我。著甚情懷。但你忘了人呵。

氏州第一

(清真集作懸州摘餽字句稍異)

波落寒汀。村渡向晚。遙看數點帆小。亂葉翻鴉。驚風破雁。天角孤雲縹緲。宮柳蕭疎。甚尙挂微徽。殘照景物關情。川途換日。頓來催老。漸解狂朋歡意少。奈猶被。思牽情繞。座上琴心。機中錦字。覺最縈懷抱。也知人。懸望久。蒿薇謝。歸來一笑。欲夢高唐。未成眠。霜空已曉。

尉遲杯(離別)

隋隄路。漸日晚。密藹生深樹。陰陰淡月籠沙。還宿河橋深處。無情畫舸。都不管煙波隔前浦。等行人。醉擁重衾。載將離恨歸去。因思舊客京華。長恨傍疎林。小檻歡聚。冶葉倡條俱相識。仍慣見珠歌翠舞。如今向漁村水驛。夜如歲。焚香獨自語。有何人念我無聊。夢魂凝想鴛侶。

塞翁吟(夏法)

暗葉啼風雨。窗外曉色。隴臆散水。廚小池東。亂一岸芙蓉。新州箬展。窶紋浪。輕帳翠縷。如空夢。遠別。淚痕重。淡鉛臉斜紅。沖沖。嗟憔悴。新寬帶結。羞豔冶。都銷鏡中。有蜀紙堪憑。寄恨等。今夜灑血書詞。剪燭親封。菖蒲漸老。早晚成花。教見薰風。(等今夜灑血書詞。或作灑淚書詞。非韓愈云。劉肝以爲紙灑血。其書詞。)

繞佛閣(族況)

暗塵四斂。樓觀迥出。高映孤館。清漏將短。厭聞夜久。籤聲動書幔。桂華又滿。閒步露草。偏愛幽遠。花氣清婉。望中迤邐。城陰度河岸。倦客最蕭索。醉倚斜橋。穿柳線。還似汴隄虹。梁橫水面。看浪颭春燈。舟下如箭。此行重見。嘆故友難逢。羈思空亂。兩眉愁。向誰行展。

慶春宮

(悲秋)或刻柳耆卿(偏憐嬌風作唯他絕藝)

雲接平崗。山圍寒野。路回漸轉孤城。衰柳啼鴉。驚風驅雁。動人一片秋聲。倦途休駕。澹煙裏。微茫見星。塵埃憔悴。生怕黃昏。離思牽縈。華堂舊日逢迎。花豔參差。香霧飄零。絃管當頭。偏憐嬌風。夜深篔簹清。眼波溥意。恨密約。匆匆未成。許多煩惱。只爲當時一餉留情。

滿江紅(春閨)

晝日移陰。攬衣起。春帷睡足。臨寶鑑。綠雲撩亂。未忺裝束。蝶粉蜂黃都褪了。枕痕一線紅生玉。

背畫闌。脈脈儘無言。尋棋局。重會面。猶未卜。無限事。縈心曲。想秦箏依舊。尙鳴金屋。芳草連天迷遠望。寶香薰被成孤宿。最苦是。胡蝶滿園飛。無心撲。

丁香結

蒼蘚沿階冷。螢粘屋。庭樹望秋先隕。漸雨淒風迅。澹暮色。倍覺園林清潤。漢姬紈扇在。重吟玩。棄擲未忍。登山臨水。此恨自古銷磨不盡。索引記。醉酒歸時。對月同看雁陣。寶幄香縷。熏爐象尺。夜寒燈暈。誰念留滯故國。舊事勞方寸。唯丹青相伴。那更塵昏蠹損。

三部樂（梅雪）

浮玉飛瓊。向邃館靜軒。倍增清絕。夜窗垂練。何用交光明月。聞道官閣多梅。趁暗香未遠。凍蕊初發。倩誰折取。持贈情人桃葉。回紋近。傳錦字。道爲君瘦損。是人都說。祇知染紅著手。膠梳黏髮。轉思量。鎮長墮睫。都只爲情深意切。欲報信息。無一句。堪喻愁結。

西河（金陵懷古）

佳麗地。南朝盛事誰記。山圍故國繞清江。髻鬟對起。怒濤寂寞打孤城。風檣遙度天際。斷崖樹。猶倒倚。莫愁艇子曾繫。空餘舊迹鬱蒼蒼。霧沈半壘。夜深月過女牆來。賞心東望淮水。酒旗戲鼓甚處市。想依稀。王謝鄰里。燕子不知何世。向尋常巷陌。人家相對。如說興亡斜陽裏。（花庵詞選作三疊。風檣遙度天際作一截。賞心東望淮水又作一截。清真集在空餘舊迹分段。）

又（清真集不載）

長安道。瀟灑西風時起。塵埃車馬晚游行。霸陵煙水亂鴉棲。烏夕陽中。參差霜樹相倚。到此際。愁如葦。冷落關河千里。追思唐漢昔繁華。斷碑殘記。未央宮闕已成灰。終南依舊濃翠。對此景無限。愁思繞天涯。秋蟾如水。轉使客情如醉。想當時。萬古雄名。盡作往來人。淒涼事。

一寸金（新定詞）

州夾蒼崖。下枕江山。是城郭望海霞。接日紅翻水面。晴風吹草。青搖山脚。波暖鳧鷖作。沙痕退。夜潮正落。疎林外。一點炊煙。渡口參差正寥廓。自歎勞生。經年何事。京華信漂泊。念渚蒲汀柳。空歸閒夢。風輪雨檝。終辜前約。情景牽心眼。流連處。利名易薄。迴頭謝冷葉。俱條。便入漁釣樂。

瑞鶴仙

悄郊原帶郭。行路永。客去車塵漠漠。斜陽映山落。斂餘紅猶戀。孤城闌角。淩波步弱。過短亭。何用素約。有流鶯勸我。重解繡鞍。緩引春酌。不記歸時早暮。上馬誰扶。醒眠朱閣。驚鷗動幕。扶殘醉。繞紅藥。嘆西園。已是花深無地。東風何事。又惡。任流光過卻。猶喜洞天自樂。

又（清真集不載）

暖煙籠細柳。弄萬縷千絲。年年春色。晴風蕩無際。濃於酒。偏醉情人詞客。闌干倚處。度花香。微

散酒力。對重門半掩。黃昏淡月。院宇深寂。愁極因思前事。洞房佳宴。正值寒食。尋芳偏賞。金谷里。銅駝陌。到如今。魚雁沈沈無信息。天涯常是淚滴。早歸來。雲館深處。那人正憶。

浪淘沙慢（恨別）

曉陰重。霜凋岸草。霧隱城堞。南陌脂車待發。東門悵飲。乍闋。正拂面垂楊堪攬結。掩紅淚。玉手親折。念漢浦離鴻。去何許。經時信音絕。情切望中地。遠天闊。向露冷風清無人處。耿耿寒漏咽。嗟萬事難忘。唯是輕別。翠尊未竭。憑斷雲留取。西樓殘月。羅帶光銷。紋衾冷。連環解。舊香頓歇。怨歌永瓊壺敲盡缺。恨春去不與人期。弄夜色。空餘滿地梨花雪。（時刻在情切分段）

又（清真集不載）

萬葉戰。秋聲露結。雁度妙磧。細草和煙尙綠。遙山向晚更碧。見隱隱雲邊新月白。映落照。簾幕千家。聽數聲何處。倚樓笛。裝點盡秋色。脈脈旅情暗。自消釋。念珠玉臨水。猶悲感。何況天涯客。憶少年歌酒。當時蹤跡。歲華易老。衣帶寬。懊惱心腸終窄。飛散後。風流入阻。藍橋約。恨路隔。馬蹄過。猶嘶舊巷陌。歎往事。一一堪傷。曠望極。凝思又把闌干拍。

西平樂

（元豐初。予以布衣西上。過天長道中。後四十餘年。辛丑正月二十六日。避賊復遊故地。感歎歲月。他

成此詞）

穉柳蘇晴。故溪渴雨。川迴未覺春賒。駝渴寒侵。正憐初日。輕陰抵死須遮。歎事逐孤鴻去盡。身

與塘蒲共晚。爭知向此征途。區區貯立塵沙。追念朱顏翠髮。曾到處。故地使人嗟。道連三楚。天低四野。喬木依前。臨路欹斜。重慕想東陵晦迹。彭澤歸來。左右琴書自樂。松菊相依。何況風流鬢未華。多謝故人親馳鄭驛。時倒融尊。勸此淹留。共過芳時。翻令倦客思家。

玉燭新（早梅）

溪源新臘後。見數朶江梅。翦裁初就。暈酥砌玉。芳英嫩。故把春心輕漏。前村昨夜。想弄月黃昏時候。孤岸峭。疎影橫斜。濃香暗沾襟袖。尊前賦與多才。問嶺外風光。故人知否。壽陽漫鬪。終不似。照水一枝清瘦。風嬌雨秀。好亂插繁華盈首。須信道。羌筦無情。看看又奏。

南鄉子

晨色動妝樓。短燭熒熒情未收。自在開簾風不定。颼颼池面冰漸趁。水流。早起怯梳頭。欲綰雲鬢又卻休。不會沈吟思底事。凝眸兩點春山滿鏡愁。

又（下四闋清真集不載）

秋氣繞城闌。暮角寒鴉未掩門。記得佳人衝雨別。吟分別緒多於雨後雲。小棹碧溪津。恰似江南第一春。應是採蓮閒伴侶。相尋收取蓮心與舊人。

又

寒夜夢初醒。行盡江南萬里程。早是愁來無會處。時聽敗葉相傳細雨聲。書信也無憑。萬事

由他別後情。誰信歸來須及早。長亭短帽輕衫走馬迎。

又（詠物）

戶外井桐飄淡月。疎星共寂寥。恐怕霜寒初索被。中宵已覺秋聲引雁高。羅帶束纖腰。自翦燈花試彩毫。收起一封江北信。明朝爲問江頭早晚潮。

又（撥琵琶）

輕輦舞時腰。初學吹笙苦未調。誰遣有情知事早。相撩暗舉羅巾遠見招。癡騃一團嬌。自折長條撥燕巢。不道有人潛看著。從教掉下鬢心與鳳翹。

望江南

歌席上。無賴是橫波。寶鬢玲瓏歌玉燕。繡巾柔膩掩香羅。人好自宜多。無箇事。因甚斂雙蛾。淺淡梳妝疑見畫。惺鬆言語勝聞歌。何況會婆娑。

又（春遊）

遊妓散。獨自繞回隄。芳草懷煙迷水曲。密雲銜雨暗城西。九陌未霑泥。桃李下。春晚自成蹊。牆外見花尋路轉。柳陰行馬過鶯啼。無處不悽悽。

浣溪紗

不爲蕭娘舊約寒。何因容易別長安。預愁衣上粉痕乾。幽窗深沈燈焰暗。小盞深近酒杯寬。

爲君門外脫歸鞍。

又

翠葆參差竹徑成。新荷跳雨碎珠傾。曲闌斜轉小池亭。
柳梢殘日弄微晴。

風約簾衣歸燕急。水搖扇影戲魚驚。

又

寶扇輕圓淺畫縑。象牀平穩細穿藤。飛蠅不到避壺冰。
日長無力要人凭。

翠枕面涼偏益睡。玉簫手汗錯成聲。

又

薄薄紗幮望似空。簾紋如水浸芙蓉。起來嬌眼未惺忪。
羞郎何事面微紅。

強整羅衣揜皓腕。更將紈扇掩酥胸。

又

爭挽桐花兩鬢垂。小妝弄影照清池。珠籠踏縷趁蜂兒。
夜寒誰肯翦春衣。

跳脫添金雙腕重。琵琶破撥四絃悲。

又(或刻歐陽永叔)

雨過殘紅溼未飛。疎籬一帶迤斜暉。遊蜂釀蜜竊香歸。

金屋無人風竹亂。夜篝盡日水沈微。

一春須有憶人時。

又

日薄塵飛。宮路平。眼明喜見。汴河傾。地遙人倦。莫兼程。下馬先尋題壁字。出門閒記榜村名。早收煙火夢傾城。

又

貪向津亭擁去車。不辭泥雨濺羅襦。淚多脂粉了無餘。酒釀未須令客醉。路長終是少人扶。早教幽夢到華胥。

又（或列李易安）

樓上晴天碧四垂。樓前芳草接天涯。勸君莫上最高梯。新筍看成堂下竹。落花都上燕巢泥。忍聽林表杜鵑啼。

又

日射欹紅臘。帶香風。乾微汗粉襟涼。碧綃對捲。簾紋光。自翦柳枝明畫閣。戲拋蓮葯種橫塘。長亭無事好思量。

浣溪紗慢（清眞集不載）

水竹舊院落。櫻筍新蔬果。嫩英翠幄。紅杏交榴火。心事暗下。葉底尋雙朶。深夜歸青鎖。燈盡酒

醒時曉窗明。釵橫鬢。怎生那被閒閒時多。奈愁腸數疊。幽恨萬端。好夢還驚破。可怪近來傳語也無個。莫是嗔人呵。真個若嗔人。卻因何逢人問我。

點絳脣

孤館迢迢。暮天草露濡衣潤。夜來秋近。月暈通風信。今日原頭。黃葉飛成陣。知人悶。故來相共。共結臨歧恨。

又

遼鶴歸來。故鄉多少傷心地。寸書不寄。魚浪空千里。憑仗桃根。說與相思意。愁無際。舊時衣袂。猶有東風淚。

又

征騎初停。酒行莫放離歌舉。柳汀蓮浦。看盡江南路。苦恨斜陽。冉冉催人去。空回顧。淡煙橫素。不見揚鞭處。（酒行莫放離歌舉。清真集作畫筵欲散離歌舉。）

又

臺上披襟。快風一瞬收殘雨。柳絲輕舉。蛛網黏飛絮。極目平蕪。應是春歸處。愁凝佇。楚歌聲苦。村落黃昏鼓。

夜遊宮

客去車塵未斂。古籬暗。雨苔千點。月皎風清在處見。奈今宵。照初絃。吹一箭。池曲河聲轉。念歸計。眼迷魂亂。明日前村更荒遠。且開尊。任紅鱗。生酒面。

又（秋暮晚景）

葉下斜陽照水。捲輕浪。沈沈千里。橋上酸風射眸子。立多時。看黃昏。燈火市。古屋寒窗底。聽幾片。井桐飛墜。不戀單衾再三起。有誰知。爲蕭娘。書一紙。

又（清真集不載）

一陣斜風橫雨。薄衣潤。新添金縷。不謝鉛華更清素。倚筠窗。弄玄絃。嬌欲語。小閣橫香霧。正年少。小娥愁緒。莫是栽花被花妬。甚春來。病懨懨。無會處。

訴衷情（殘春）

出林杏子落金盤。幽幃怕管酸。可惜半殘青子，猶印小唇丹。南陌上，落花閒。雨斑斑。不言不語，一段傷春，都在眉間。

又

隄前亭午未融霜。風緊雁無行。重尋舊日歧路，茸帽北遊裝。期信杳，別離長。遠情傷。風翻酒幔，寒凝茶煙，又是何鄉。

又（清真集不載）

當時選舞萬人長。玉帶小排方。喧傳京國聲價。年少最無量。花閣迥。酒筵香。想難忘。而今何事。佯向人前。不認周郎。（喧傳京國聲價時。刻讓與都城聲價）

一落索（清真集作洛陽春）

眉共春山爭秀。可憐長皺。莫將清淚溼花枝。恐花也。如人瘦。清潤玉簫閒久。知音稀有。欲知日日倚闌愁。但問取。亭前柳。

又

杜宇催歸聲苦。和春歸去。倚闌一霎酒旗風。任撲面。桃花雨。目斷隴雲江樹。難逢尺素。落霞隱隱日平西。料想是分攜處。

迎春樂

清池小圃開雲屋。結春伴。往來熟。憶年時。縱酒杯行速。看月上。歸禽宿。牆裏修篁森似束。名字會刊新綠。見說別來長。冷翠蘚封寒玉。

又

桃溪柳曲閒蹤跡。俱曾是。大隄客。解春衣。貫酒城南陌。頻醉臥。胡姬側。鬢點吳霜嗟早白。更誰念。玉溪消息。他日水雲身。相望處。無南北。

又（搗妓）

人人豔色明春柳。憶筵上、偷攜手。趁歌停舞歇來相就。醒醒箇、無些酒。比目香齋新剝繡。連隔座、一時薰透。爲甚月中歸。長是他、隨車後。

虞美人

燈前欲去仍留戀。腸斷朱扉遠。不須紅雨洗香腮。待得薔薇花謝使歸來。舞腰歌板問時按。一任傍人看。金爐應見舊殘炷。莫遣恩情容易似寒灰。

又

廉纖小雨池塘徧。細點破萍面。一雙燕子守朱門。此似尋常時候易黃昏。宜城酒泛浮春絮。細作更闌語。相看羈思亂如雲。又是一窗燈影兩愁人。

又

疎籬曲徑田家小。雲樹開秋曉。天寒山色有無中。野外一聲鐘起送孤篷。添衣策馬尋亭堠。愁抱惟宜酒。菰蒲睡鴨占陂塘。縱被行人驚散又成雙。

又(一本無此首)

淡雲籠月松溪路。長記分攜處。夢魂連夜繞松溪。此夜相逢恰似夢中時。海山陡覺風光好。莫惜金尊倒。柳花吹雪燕飛忙。生怕扁舟歸去斷人腸。

又

玉觴纔掩朱絃悄。彈指壺天曉。回頭猶認倚牆花。只向小橋南畔使天涯。銀蟾依舊當窗滿。顧影魂先斷。淒風休颯半殘燈。擬倩今宵歸夢到雲屏。

又

金闈平帖春雲暖。晝漏花前短。玉顏酒解豔紅消。一向捧心啼困不成嬌。別來新翠迷行徑。窗鎖玲瓏影。研綾小字夜來封。斜倚曲闌凝睇數歸鴻。
(研綾小字夜來風一作研綾非王介甫詩小研綾問詩句)

醉桃源(清真集作阮郎歸)

冬衣初染遠山青。雙絲雲雁綾。夜寒袖溼欲成冰。都緣珠淚零。情黯黯。悶騰騰。身如秋後蠅。若教隨馬逐郎行。不辭多少程。

又

菖蒲葉老水平沙。臨流蘇小家。畫闌曲徑宛秋蛇。金英垂露華。燒密炬。引蓮娃。酒香醺臉霞。再來重約日西斜。倚門聽暮鴉。

鳳來朝(佳人)

逗曉看嬌面。小窗深。弄明未辨。愛殘妝宿粉雲鬢亂。最好是帳中見。說夢雙蛾微斂。錦衾溫。獸香未斷。待起難捨。拚任日炙畫樓暖。
(待起難捨拚清真集作待起又如何拚)

垂絲釣

縷金翠羽。妝成纔見眉嫵。倦倚玉奩。看舞風絮。愁幾許。寄鳳絲雁柱。春將暮。向層城宛路。鈿車如水。時時花徑相遇。舊遊伴侶。還到曾來處。門掩風和雨。梁燕語。問那人在否。

粉蝶兒慢

宿霧藏春。餘寒帶雨。占得羣芳開晚。豔初弄秀。倚東風嬌嬾。隔葉黃鸝傳好音。喚入深叢中探。數枝新。比昨朝。又早紅稀香淺。春戀重來倚檻。當韶華未可輕辜。隻眼賞心隨分樂。有清尊檀板。每歲嬉遊能幾日。莫使一聲歌欠。忍因循。片花飛。又成春減。

紅窗迴

幾日來。真個醉。不知道窗外。亂紅已深半指。花影被風搖碎。擁春醒乍起。有個人人。生得濟楚。來向耳畔。問道今朝醒未。情性兒。慢騰騰地。惱得人又醉。

念奴嬌(清真集不較)

醉魂乍醒。聽一聲啼鳥。幽齋岑寂。淡日朦朧初破曉。滿眼嬌情天色。最惜香梅。凌寒偷綻。漏泄春消息。池塘芳草。又還淑景催逼。因念舊日芳菲。桃花永巷。恰似初相識。住苒時光。因慣卻。覓雨尋雲蹤跡。奈有離拆。瑤臺月下。回首頻思憶。重愁疊恨。萬般都在胸臆。

黃鸝繞碧樹

覆闕籠佳氣。寒威日晚。歲華將暮。小院閒庭。對寒梅照雪。淡煙凝素。忍當迅景。動無限傷春情緒。猶賴是上苑風光。漸好芳容將照。草萊蘭芽漸吐。且尋芳。更休思慮。這浮世甚驅馳利祿。奔競塵土。縱有魏珠照乘。未買得流年住。爭如剩引榴花。醉假瓊樹。(爭如剩引榴花。醉假瓊樹。清真集作爭如盛飲流霞。醉假瓊樹。)

鬢雲鬆令 (送傅國華奉使三韓。○清真集不載。卽蘇幕遮。)

鬢雲鬆。眉葉聚。一闋離歌。不爲行人駐。檀板停時君看取。數尺蛟綃。半是梨花雨。鷺飛遙。天尺五。鳳閣鸞坡。看卽飛騰去。今夜長亭臨別處。斷梗飛雲。盡是傷情緒。

芳草渡

昨夜裏。又再宿桃源。醉邀仙侶。聽碧窗風快。疎簾半捲。愁雨多少離恨苦。方留連啼訴。鳳帳曉。又是匆匆。獨自歸去。愁願滿懷。淚粉瘦馬衝泥。尋去路。漫回首。煙迷望眼。依稀見朱戶。似癡似醉。暗惱損。凭闌情緒。澹暮色。看盡栖鴉亂舞。

歸去難 (期約)

佳約人未知。背地伊先變。惡會稱停。看深淺。如今信我。委的論長遠。好彩無可怨。自合教伊。推些事後分散。密意都休待說。先腸斷。此恨除非是天相念。堅心更守。未死終須見。多少閑磨難。到得其時。知他做甚頭眼。

燕歸梁（詠曉）（清真集不載）

簾底新霜一夜濃。短燭散飛蟲。曾經洛浦見驚鴻。關山隔、夢魂通。明星晃晃，津回路轉，榆影步花驄。欲攀雲駕倩西風。吹清血、寄玲瓏。

南浦（清真集不載）

淺帶一帆風。向晚來、扁舟穩下南浦。迢遞阻瀟湘。衡阜迥、斜艫蕙蘭汀渚。危檣影裏，斷雲點點遙天暮。蒹葭裏、風偷送清香。時微微度。吾家舊有簪纓，甚頓作天涯。經歲羈旅。羌管怎知情。煙波上、黃昏萬斛愁緒。無言對月。皓彩千里人何處。恨無鳳翼身。只待而今飛將歸去。

醉落魄（清真集不載）

茸金細弱。秋風嫩桂花初著。蕊珠宮裏人難學。花染嬌黃。羞映翠雲幄。清香不與蘭蓀約。一枝雲鬢巧梳掠。夜涼輕撼薔薇萼。香滿衣襟。月在鳳凰閣。

留客住（清真集不載）

嗟鳥兔。正茫茫、相催無定。只恁東生西沒。平均寒暑。昨見花紅柳綠。處處林茂。又覩霜前籬畔。菊散餘香。看看又還秋暮。忍思慮。念古往賢愚。終歸何處。爭似高堂。日夜笙歌齊舉。選甚連宵徹畫。再三留住。待擬沈醉扶上馬。怎生向主人未肯交去。

長相思慢（清真集不載）

夜色澄明。天街如水。風力微冷。簾旌幽期再偶。坐久相看。纔喜欲歎。還驚醉眼重醒。映雕闌。脩竹共數流螢。細語輕輕。儘銀臺挂蠟潛聽。自初識伊來。使惜妖嬈。豔質美盼柔情。桃溪換世。鸞馭凌空。有願須成。遊絲蕩絮。任輕狂相逐牽縈。但連環不解。難負深盟。(時刻但連環不解下有流水長東四字誤)

看花迴(詠眼)

秀色芳容。明眸就中奇絕。細看豔波欲溜。最可惜微重。紅銷輕帖。勻朱傅粉。幾爲嚴妝時。澹暎。因個甚。抵死嗔人。半餉斜盼。費熨貼。斗帳裏。濃懽意。懽帶困時。似開微合。曾倚高樓望遠。自笑指頻。矚知他誰說。那日分飛。淚雨縱橫。光映頰。搵香羅。恐揉損。與他衫袖裏。

又

蕙風初散。輕暖霧景澄潔。秀蕊乍開。乍斂。帶雨態。煙痕春思。紆結。危絃弄響。來去驚人。鶯語滑。無賴處。麗日樓臺。亂絲歧路。總奇絕。何計解。黏花繫月。歎冷落。頓辜佳節。猶有當時氣味。挂一縷相思。不斷如髮。雲飛帝國。人在雲邊。心暗折。語東風。共流轉。漫作匆匆別。(或在粘花繫月下分段非)

月下笛(清真集不載)

小雨收塵。涼蟾瑩徹。水光浮壁。誰知怨抑。靜倚官橋吹笛。映宮牆。風葉亂飛。品高調。側人未識。

宋六十名家詞

四八

想開元舊譜。柯亭遺韻。盡傳胸臆。闌干四繞。聽折柳徘徊。數聲終拍。寒燈陋館。最感平陽孤客。夜沈沈雁啼正哀。片雲盡卷。清漏滴。黯凝魂。但覺龍吟萬壑。天籟息。

片玉詞補遺

十六字令(咏月○見天機餘鱗)

眠。月影穿窗白玉錢。無人弄。移過枕函邊。

浣溪沙(春景○見草堂詩餘)

水漲魚天拍柳橋。雲鳩拖雨過江皋。一番春信入東郊。
閒碾鳳團消短夢。靜看燕子壘新巢。
又移日影上花梢。

又(春景○或刻歐陽永叔)

小院閒窗春色深。重簾未捲影沈沈。倚樓無語理瑤琴。
遠岫出雲催薄暮。細風吹雨弄輕陰。
梨花欲謝恐難禁。

憶秦娥(佳人○或刻蘇子瞻)

香馥馥。尊前有箇人如玉。人如玉。翠翹金鳳。內家妝束。
嬌羞愛把眉兒蹙。逢人只唱相思曲。
相思曲。一聲聲是。怨紅愁綠。

柳梢青(佳人○見草堂詩餘)

有箇人人。海棠標韻。飛燕輕盈。酒暈潮紅。羞蛾凝綠。一笑生春。
爲伊無限傷心。更說甚。巫山

楚雲斗帳香消。紗窗月冷。著意溫存。

南鄉子（秋懷）（見詩林舊選）

夜闌夢難收。宋玉多情我結儔。千點漏聲萬點淚。悠悠。霜月雞聲幾段愁。難展皺眉頭。怨句哀吟送客秋。蟋蟀牀頭調夜曲。啾啾。又聽驚人雁過樓。

蘇幕遮（風情）（見草堂詩餘）

隨雲沈新月。小楊柳梢頭。能有春多少。試著羅裳寒尙峭。簾捲青樓。占得東風早。翠屏深香篆。流水落花。不管劉郎到。三疊陽關聲漸杳。斷雨殘雲。只怕巫山曉。

畫錦堂（閨情）（見草堂詩餘）

雨洗桃花。風飄柳絮。日日飛滿雕簷。懊惱一春幽恨。盡屬眉尖。愁聞雙飛新燕語。更堪孤枕宿醒。吹雲鬢亂。獨步畫堂。輕風暗觸珠簾。多厭晴晝永。瓊戶悄。香銷金獸。慵添。自與蕭郎別後。事事俱嫌。短歌新曲無心理。鳳簫龍管不曾拈。空惆悵。常是每年三月。病酒懨懨。

齊天樂（端午）（或刻無名氏）

疎疎幾點黃梅雨。佳時又逢重午。角黍包金。香蒲泛玉。風物依然荆楚。形裁艾虎。更釵袅朱符。臂纏紅縷。撲粉香綿。喚風綾扇小窗午。沈湘人去已遠。勸君休對景。感時懷古。慢嚙鶯喉。輕敲象板。勝讀離騷章句。荷香暗度。漸引入。醺醺醉鄉深處。臥聽江頭。畫船喧韻鼓。

女冠子(零景○或刻柳耆卿)

同雲密布。撒梨花。柳絮飛舞。樓臺情似玉。向紅爐暖閣。院宇深沈。廣排筵會。聽笙歌。猶未徹。漸覺輕寒透。簾穿戶。亂飄僧舍。密灑歌樓。酒帘如故。想樵人山徑。迷蹤路。料漁父。收綸罷釣歸。南浦路無伴侶。見孤村寂寞。招颺酒旗斜處。南軒孤雁過。嚙嚙聲聲。又無書度。見臘梅枝上嫩蕊。兩兩三三微吐。

片玉詞補遺終

片玉詞跋

美成於徽宗時提舉大晟樂府。故其詞盛傳於世。余家藏凡三本。一名清真集。一名美成長短句。皆不滿百闕。最後得宋刻片玉集二卷。計調百八十有奇。晉陽強煥爲跋。余見評注龐襍。一削去。釐其訛膠。間有茲集不載。錯見清真諸本者。附補遺一卷。美成庶無遺憾云。若乃諸名家之甲乙。久著人間。無待予備述也。湖南毛晉識。

梅溪詞一卷

史達祖

題梅溪詞

關雎而下三百篇。當時之歌詞也。聖師刪以爲經。後世播詩章於樂府。被之金石管絃。屈宋班馬。絲是乎出。而自變體以來。司花傍輦之嘲。沈香亭北之詠。至與人主相友善。則世之文人才士。遊戲筆墨於長短句間。有能瓌奇警邁。清新閒婉。不流於詭蕩汗淫者。未易以小伎言也。余掃軌林扃。草長門徑。一日聞剝啄聲。園丁持謁入。視之。汴人史生邦卿也。迎坐竹陰下。郁然而秀整。俄起謂余曰。某自冠時。聞約爲之號。今亦既有年矣。君身益溲晦。達以是來。見無他求。袖出詞一編。余驚笑而不答。生云。始取讀之。大凡如行帝苑。仙瀛輝華絢麗。欣盼駭接。因掩卷而嘆曰。有是哉。能事之無遺恨也。蓋生之作。辭情俱到。織綺泉底。去塵眼中。妥帖輕圓。特其餘事。至於萼萼豔於春景。起悲音於商素。有瓌奇警邁。清新閒婉之長。而無詭蕩汗淫之失。端可以分鑑清真。平睨方回。而紛紛三變行輩。幾不足比數。山谷以行誼文章。宗匠一代。至序小晏詞。激昂婉轉。以伸吐其懷抱。而楊花謝橋之句。伊川猶稱可之。生滿襟風月。鸞唵鳳獻。鏘洋乎口吻之際者。皆自漱滌書傳中來。況欲大肆其力於五七言。迴鞭溫韋之塗。掉鞅李杜之域。躋攀風雅。一歸於正。不於是而止。雖然。余方以耽泥聲律。而顛踣擯棄。今又區區以勉生。非惑耶。若覽斯集者。不楛於玄黃牝牡。哀沈而悼未遇。實繫時之所尙。余老矣。生鬚髮未白。數路得人。恐不特尋美於漢生姑待之。生名達祖。邦卿其字云。嘉泰歲辛酉五月八日。張鑑功甫序。

梅溪詞

目錄

- | | | |
|--------|---------|---------|
| 綺羅香一調 | 雙雙燕一調 | 陽春曲一調 |
| 海棠春令一調 | 夜行船一調 | 東風第一枝三調 |
| 玉樓春二調 | 喜遷鶯一調 | 萬年歡一調 |
| 阮郎歸二調 | 眼兒嬌二調 | 憶瑤姬一調 |
| 南歌子一調 | 風流子二調 | 金盞子一調 |
| 杏花天四調 | 三姝媚一調 | 壽樓春一調 |
| 子飛樂一調 | 南浦一調 | 探芳信一調 |
| 祝英臺近三調 | 欽頭風一調 | 西江月四調 |
| 慶清朝一調 | 桃源憶故人二調 | 花心勸一調 |
| 解佩令一調 | 菩薩蠻三調 | 賀新郎五調 |
| 夜合花二調 | 留春令二調 | 瑞鶴仙二調 |
| 點絳脣二調 | 青玉案一調 | 浣溪沙一調 |
| 蝶戀花一調 | 臨江仙三調 | 漢宮春一調 |
| 蘭陵王一調 | 風入松一調 | 鬲浦蓮二調 |

宋六十名家詞

二

鳳來朝一調

玉簫涼一調

鵲橋仙一調

湘江靜一調

玲瓏四犯二調

八歸一調

過龍門二調

玉蝴蝶一調

齊天樂五調

燕歸梁二調

月當廳一調

秋蕊一調

滿江紅三調

戀繡衾三調

換軍鬪鳳一調

惜奴嬌一調

龍吟曲三調

鷓鴣天四調

惜黃花一調

玉燭新一調

一翦梅二調

醉落魄二調

醉公子一調

步月一調

梅溪詞

宋 史達祖

綺羅香（詠春雨○或作沁園春非）

做冷欺花。將煙困柳。千里偷催春暮。盡日冥迷。愁裏欲飛還住。驚粉重、蝶宿西園。喜泥潤、燕歸南浦。最妨它、佳約風流。鈿車不到杜陵路。沈沈江上望極。還被春潮晚急。難尋官渡。隱約遙峯。和淚謝娘眉嫵。臨斷岸、新綠生時。是落紅、帶愁流處。記當日、門掩梨花。翦燈深夜語。

雙雙燕（詠燕）

過春社了。度簾幕中間。去年塵冷。差池欲住。試入舊巢相並。還相雕梁藻井。又軟語商量不定。飄然快拂花梢。翠尾分開紅影。芳徑。芹泥雨潤。愛貼地、爭飛競誇輕俊。紅樓歸晚。看足柳昏花暝。應自棲香正穩。使忘了、天涯芳信。愁損翠黛雙蛾。日日畫闌獨凭。

陽春曲

杏花煙。梨花月。誰與暈開春色。坊巷曉情情。東風斷。舊火銷處近寒食。少年蹤迹。愁暗隔。水南山北。還是寶絡雕鞍。被鶯聲喚來香陌。記飛蓋西園。寒猶凝結。驚醉耳。誰家夜笛。燈前重簾不挂。殢華裾粉淚曾拭。如今故里信息。賴海燕。年時相識。奈芳草正鎖江南。夢春衫怨碧。

海棠春令

似紅如白含芳意。錦宮外、煙輕雨細。燕子不知愁。驚墮黃昏淚。燭花偏在紅簾底。想人怕春寒正睡。夢著玉環嬌。又被東風醉。

夜行船（正月十八日聞賣杏花有感）

不翦春衫愁意態。過收燈、有些寒在。小雨空簾。無人深巷。已早杏花光賣。白髮潘郎寬沈帶。怕看山、憶它眉黛。草色拖裙。煙光惹鬢。常記故園挑菜。

東風第一枝（詠春雪）

巧沁蘭心。偷黏草甲。東風欲障新暖。漫凝碧瓦難留。信知暮寒輕淺。行天入鏡。做弄出、輕鬆纖軟。料故園、不捲重簾。誤了乍來雙燕。青未了、柳回白眼。紅欲斷、杏開素面。舊遊憶著。山陰厚盟。遂妨上苑。寒爐重暖。便放慢、春衫針線。恐鳳靴、挑菜歸來。萬一灞橋相見。

又（壬戌開臘望雨中立癸亥春與一高賓王各賦）

草脚愁蘇。花心夢醒。鞭香拂散牛土。舊歌空憶珠簾。綠筆倦題繡戶。黏雞貼燕。想立斷、東風來處。暗惹起、一掬相思。亂若翠盤紅縷。今夜覓、夢池秀句。明日動、探花芳緒。寄聲沾酒人家。預約俊遊伴侶。憐它梅柳。乍忍俊、天街酥雨。待過了一月燈期。日日醉扶歸去。

又（燈夕清坐○或作元宵）

酒館歌雲。燈街舞繡。笑聲喧似簫鼓。太平京國多歡。大酺綺羅幾處。東風不動。照花影、一天春

聚耀翠光。金縷相交。萼萼細吹香霧。羞醉玉。少年丰度。懷豔雪。舊家伴侶。閉門明月關心倚。窗小梅索句。吟情欲斷。念嬌俊。知人無據。想袖寒。珠絡藏香。夜久帶愁歸去。

玉樓春(社前一日)

游人等得春晴也。處處旗亭堪繫馬。雨前樓杏尙娉婷。風後殘梅無顧藉。忌拈針線還逢社。門草贏多裙欲卸。明朝雙燕定歸來。叮囑重簾休放下。

又(賦梨花)

玉容寂寞誰爲主。寒食心情愁幾許。前身清淡似梅妝。遙夜依微留月住。香迷蝴蝶飛時路。雪在鞦韆來往處。黃昏著了素衣裳。深閉重門聽夜雨。

喜遷鶯

月波疑瀉。望玉壺天近。了無塵隔。翠眼圈花。冰絲織練。黃道寶光相直。自憐詩酒瘦。難應接。許多春色。最無賴。是隨香趁燭。曾伴狂客。蹤跡漫記憶。老了杜郎。忍聽東風笛。柳院燈疎。梅廳雪在。誰與細傾春碧。舊情拘未定。猶自學當年游歷。怕萬一。誤玉人。夜寒簾隙。

萬年歡(春思)

兩袖梅風。謝橋邊。岸痕猶帶陰雪。過了匆匆燈市。草根青發。燕子春愁未醒。誤幾處。芳音遠絕。煙谿上。采綠人歸。定應愁沁花骨。非干厚情易歇。奈燕臺句老。難道離別。小徑吹衣。曾記故

里風物。多少驚心舊事。第一是。侵階羅襪。如今但。柳髮睇春。夜來和露梳月。

阮郎歸

龍香吹袖白藤鞭。帽簷衝柳煙。一春幾度畫橋邊。東風聽箏絃。花活計。酒因緣。從人嘲少年。真須吟就綠楊篇。灣頭寄小憐。

又(月下感事)

舊時明月舊時身。舊時梅萼新。舊時月底似梅人。梅春人不春。香入夢。粉成塵。情多斷魂。芙蓉孔雀夜溫溫。愁痕卽淚痕。

眼兒媚(寄贈)

潘郎心老不成春。風味隔花塵。簾波浸筍。窗紗分柳。還過天津。近時無覓湘雲處。不記是行人。樓高望遠。應將秦鏡。多照施顰。

又(代答)

兒家七十二鴛鴦。珠珮鎖瑤箱。期花等月。秦臺吹玉。賈袖傳香。十年白玉堂前見。直是翦柔腸。將愁去也。不成今世。終誤王昌。

憶馭姬(騎省之悼也)

嬌月籠煙。下楚嶺香分。兩朵湘雲。花房時漸密。弄杏牋初會。歌裏殷勤。沈沈夜久。西窗。屢隔蘭

燈幔影昏。自綵鸞飛入芳巢。繡屏羅薦粉光新。十年未始輕分。念此飛花。可憐柔脆銷春。空餘雙淚眼。到舊家時節。漫染愁巾。神仙說道淩虛。一夜相思玉樣人。但起來梅發窗前。唵咽疑是君。

南歌子

采綠隨雙槳。石山藉一筇。關南桃樹幾番紅。昨夜詩情頻在雨聲中。花徑無雲隔。苔垣只夢通。舊歡一餉可過從。試覓鴛鴦新杏。簡春風。

風流子

紅樓橫落日。蕭郎去。幾度碧雲飛。記窗眼遞香。玉臺妝罷。馬蹄敲月。沙路人歸。如今但一鴛通信息。雙燕說相思。人耳舊歌。怕聽琴縷。斷腸新句。羞染烏絲。相逢南溪上。桃花嫩。嬌樣淺澹羅衣。恰是怨深腮赤。愁重聲遲。悵東風巷陌。草迷春恨。輓塵庭戶。花悞幽期。多少寄來芳字。都待還伊。

又

飛瓊神仙客。因遊戲。誤落古桃源。藉吟牋賦筆。試融春恨。舞裙歌扇。聊應塵緣。遣人怨。亂雲天一角。弱水路三千。還因秀句。意流江外。使隨輕夢。身墮愁邊。風流休相悞。尋芳蹤來晚。尚有它年。只爲賦情不淺。彈淚風前。想霧帳吹香。獨憐奇俊。露杯分酒。誰伴嬋娟。好在夜軒涼。月空

自團圓。(月軒其號也)

金盞子

獎綠催紅。仰一番膏雨。始張春色。未踏畫橋煙。江南岸。應是草穠花密。尙憶濺裙蘋溪。覺詩愁相覓。光風外。除是倩鶯煩燕。漫通消息。梨花夜來白。相思夢。空闌一林月。深深柳枝巷。陌難重遇。弓彎兩袖雲碧。見說倦理秦箏。怯春蔥無力。空遺恨。當時留秀句。蒼苔蠹壁。

杏花天(清明)

輕波拖碧。蒲牙短。畫橋外。花晴柳暖。今年自是清明晚。便覺芳情較懶。春衫瘦。東風翦翦。過花塢。香吹醉面。歸來立馬斜陽岸。隔岸歌聲一片。

又

古城官道花如霞。便恰限。花間再見。雙眉最現。愁深淺。隔雨春山兩點。回頭但垂楊帶苑。想今夜。銅駝夢遠。行人去了鶯聲怨。此度關心未免。

又

細風微月垂楊院。記年少。春愁一點。棲鶯未覺。花梢顛。踏損殘紅幾片。長安共日邊近遠。况老去。芳情漸減。屏山幾夜春寒淺。卻將因而夢見。

又

扇香曾靠腮邊粉。舊塵埋。月輪有暈。南風未似愁來近。前事臨窗隱隱。涼花畔。雲歌露飲。夢斷了。終難再問。鴛鴦帶上三生恨。將淚揩磨不盡。

三姝媚

煙光搖縹瓦。望晴簷多風。柳花如灑。錦瑟橫牀。想淚痕塵影。鳳絃常下。倦出犀帷。頻夢見。王孫驕馬。諱道相思。偷理綃裙。自驚腰袂。惆悵南樓遙夜。記翠箔張燈。枕肩歌罷。又入銅駝。徧舊家門巷。首詢聲價。可惜東風。將恨與閒花俱謝。記取崔徽模樣。歸來暗寫。

壽樓春（尋春服感念）

裁春衫尋芳。記金刀素手。同在晴窗。幾度因風殘絮。照花斜陽。誰念我。今無腸。自少年消磨疎狂。但聽雨挑燈。歌牀病酒。多夢睡時妝。飛花去。良宵長。有絲闌舊曲。金譜新腔。最恨湘雲人散。楚蘭魂傷。身是客。愁爲鄉。算玉簫猶逢韋郎。近寒食。人家相思未忘。蘋藻香。

于飛樂（鶯鶯怨曲）

綺翼翻翻。問誰常借春陂。生愁近洛風微。紫山深。金殿暖。日暮同歸。白頭相守。情雖定。事却難期。帶恨飛來。煙埋秦草。年年枉夢紅衣。舊沙間。香頸冷。合是單栖。將終怨魂。何年化。連理芳枝。

南浦

玉樹曉飛香。待倩它、和愁點破妝鏡。輕嫩一天春，平白地、都護雨昏煙暝。幽花露溼，定應獨把闌干凭。謝屐未蠟，安排共、文鴛重遊芳徑。年來夢裏揚州，怕事隨歌殘，情趁雲冷。嬌盼隔東風，無人會、鶯燕暗中心性。深盟縱約，盡同晴雨，全無定。海棠夢在，相思過、西園鞦韆紅影。

探芳信

謝池曉。被酒滯春眠。詩縈芳草。正一階梅粉，都未有人掃。細禽啼處東風軟。嫩約關心早。未燒燈。怕有殘寒，故闌稀到。說道試妝了。爲我相思，占它懷抱。靜數窗檣，最懽聽、鶻聲好。半年白玉臺邊，話時見、鉤小指芳期。夜月花陰夢老。

祝英臺近（或在第九句阻幽會下分段下二闕做此）

柳枝愁。桃葉恨。前車怕重記。紅藥開時，新夢又添洩。此情老去須休。春風多事，便老去、越難回避。阻幽會。應念偷翦餘醺，柔條暗縈繫。節物移人，春暮更憔悴。可堪竹院題詩。蘇階聽雨，寸心外、安愁無地。

又（寄微）

綰流蘇。垂錦綬。煙外紅塵逗。莫倚莓牆，花氣釀如酒。使愁醺醉青虬。蜿蜿無力，戲穿碎、一屏新繡。漫懷舊。如今姚魏俱無。風標較消瘦。露點搖香，前度翦花手。見郎和笑拖裙，匆匆欲去，驀忽地、畱芳袖。

又

落花深。芳草暗。春到斷腸處。金勒驕風。欲過大隄去。翠樓葛嶺西邊。恰如曾約。畫闌映。一枝瓊樹。正凝佇。芳意欺月。矜春渾欲使。偷許多少鶯聲。不敢寄愁與。謝郎日日西湖。如今歸後。幾時見。倚簾吹絮。

釵頭鳳(向刻清商怨謨○寒食飲綠亭)

春愁遠。春夢亂。鳳釵一股輕塵滿。江煙白。江波碧。柳戶清明。燕簾寒食。憶憶憶。鶯聲曉。簫聲短。落花不許春拘管。新相識。休相失。翠陌吹衣。畫樓橫笛。得得得。

西江月(閨思)

西月澹窺樓角。東風暗落鬢牙。一燈初見影窗紗。又是重簾不下。幽思屢隨芳草。閒愁多似楊花。楊花芳草徧天涯。繡被春寒夜夜。

又(賦木犀香數珠)

三十六宮月冷。百單八顆香懸。只宜結贈散花天。金粟分身顯現。指嫩香隨甲影。頸寒秋人雲邊。未忘靈鷲舊因緣。贏得今生圓轉。

又

一片秋香世界。幾層涼雨闌干。青天不惜爛銀盤。借與先生爲勸。酒喚詩來酒外。人言身在。

人間如何得似碧雲閒。且共嫦娥相伴。

又（舟中趙子楚有詞見調卽意和之）

裙摺綠羅芳草。冠梁白玉芙蓉。次公筵上見山公。紅綬欲啣雙鳳。已向冰奩約月。更來玉界乘風。凌波襪冷一尊同。莫負彩舟涼夢。

慶清朝

墜絮浮萍。狂鞭孕竹。偷移紅紫池亭。餘花未落。似供殘蝶經營。賦得送春詩了。夏帷攢斷綠陰成。桑麻外。乳鳩穉燕。別樣芳情。苟令舊香易冷。歎俊遊疎懶。枉自銷凝。塵侵謝屐。幽徑斑駁苔生。便覺寸心尙老。故人前度漫丁甯。空相悞。被蘭曲水。挑菜東城。

桃源憶故人（或刻虞美人影）

雙鴛蹙月天津近。歸後嫩情常剩。燈市一年愁凝。心共梅花冷。網塵洞戶春沈靜。衰盡冶遊情性。羞見素娥嬌影。明似愁鸞鏡。

又（賦桃花）

明霞烘透春機杼。春在明霞多處。我是有詩漁父。一夢秦天古。柳枝巷陌深朱戶。牆外風流一樹。十五年來凝佇。彈盡胭脂雨。

花心動

風約簾波。錦機寒。難遮海棠煙雨。夜酒未蘇。春枕猶軟。曾是悞成歌舞。半寒微。帳雲頭散。奈愁
味不隨香去。儘沈靜。文園更渴。有人知否。懶記溫柔舊處。偏只怕。臨風見他桃樹。繡戶鎖塵
錦。瑟空絃。無復畫眉心緒。待拈銀管書春恨。被雙燕替人言語。意不盡。垂楊幾千萬縷。

解佩令

人行花塢。衣沾香霧。有新詞。逢春分付。屢欲傳情。奈燕子。不曾飛去。倚珠簾。詠郎秀句。相思
一度。穠愁一度。最難忘。遮燈私語。澹月梨花。借夢來。花邊廊廡。指春衫。淚曾濺處。

菩薩蠻(夜景)

梨花不礙東城月。月明照見空闌雪。雪底夜香微。寒簾拜月歸。錦衾幽夢短。明日南堂宴。宴
罷小樓臺。春風來不來。

又(賦玉蕊花)

唐昌觀裏東風軟。齊王宮外芳名遠。桂子典刑邊。梅花伯仲間。籠茸皴暖雪。鎖細雕晴月。誰
駕七香車。綠雲飛玉沙。

又(賦幘香)

廣寒夜搗玄霜細。玉龍睡重凝涎墜。鬪合一團嬌。假人暖欲消。心情雖軟弱。也要人搏擗。寶
扇莫驚秋。班姬應更愁。

賀新郎

花落臺池靜。日春衫開來。老了舊香荀。令酒既相違。詩亦可。此外雲沈夢冷。又催喚官河蘭艇。軋岸煙霏吹不斷。望樓陰欲帶朱橋影。和草色人輕暝。裙邊竹葉多應賸。怪南溪見後無箇再來芳信。蝴蝶一生花裏活。難制竊香心性。便有段新愁隨定。落日年年宮樹綠。墮新聲玉笛西風勁。誰伴我。月中聽。

又

綠障南城樹。有高樓銜城。樓下菱荷無數。客自倚闌魚亦避。恐是持竿伴侶。對別浦扁舟容與。楊柳影間風不到。倩詩情飛過鴛鴦浦。人正在。斷腸處。兩山帶著冥冥雨。想低簾短額。誰見恨時眉嫵。別爲清尊眠錦瑟。怕被歌留愁住。便欲趁採蓮歸去。前度劉郎雖老矣。奈年來猶道多情句。應笑殺。舊鷗鷺。

又

鷓鴣西風淺。乍疎雲垂幔。近月銀鉤將捲。天上應閒支機石。前度芳盟誰踐。使好緘回文錦獻。乞得穩歡今夜裏。算盈盈一水曾何遠。甯不會。暗相見。綵樓吹斷閒針線。想幽情嫩約。別有蘇庭花院。青鳥沈沈音塵絕。煙鎖蓬萊宮殿。漸木杪參旗西轉。不怕天孫成間阻。怕人間薄倖心腸變。又學得。易分散。

又(六月十五日夜四湖月下)

同住西山下。是天地中間。愛酒能詩之社。船向少陵佳處放。塵世必無知者。暑不到雪宮風榭。楚竹忽然呼月上。被東西幾葉雲縈惹。雲散去。笑聲罷。清尊莫爲嬋娟瀉。爲狂吟醉舞。毋失晉人風雅。踏碎橋邊楊柳影。不聽漁樵閒話。更欲舉空杯相謝。北斗以南如此幾。想吾曹便是神仙也。問今夜是何夜。

又(湖上高賓王趙子贊同賦)

西子相思切。委蕭蕭風裳水佩。照人清越。山染蛾眉波曼睩。聊可與之娛悅。使莫賦湘妃羅襪。怕見綠荷相倚恨。恨白鷗占了涼波闊。揀涼處。放船歇。道人不是塵埃物。縱狂吟魂魄。吹亂一巾涼髮。不覺引杯澆肺渴。正要清歌駭發。更坐上其人冰雪。截取斷虹堪作釣。待玉臉今夜來時節。也勝釣石城月。

夜合花(賦笛)

冷截龍腰。偷拏鸞爪。楚山長鎖秋雲。梅華未落。年年怨入江城。千嶂碧。一聲清。杜人間兒女簫。笙共淒涼處。琵琶溢浦。長嘯蘇門。當時低度西鄰。天澹闌干欲暮。曾賦高情。子期老矣。不堪帶酒重聽。纖手靜。七星明。有新聲應更魂驚。夢回人世。寥寥夜月。空照天津。

又

柳鎖鶯魂。花翻蝶夢。自知愁染潘郎。輕衫未攬。猶將淚點偷藏。念前事、怯流光。早去春窺酥雨、池塘向銷凝裏。梅開半面。情滿徐妝。風絲一寸柔腸。曾在歌邊惹恨。燭底縈香。芳機瑞錦。如何未織鴛鴦。醉扶人。月依牆。是當初。誰敢疎狂。把閒言語。花房夜久。各自思量。

留春令（金林檎詠）

秀肌豐鬢。韻多香足。綠勻紅注。翦取東風。入金盤。斷不買。臨卽賦。宮錦機中春富裕。勸玉環休妬。等得明朝酒消時。是閒澹。雍容處。

又（詠梅花）

故人溪上。挂愁無奈。煙梢月樹。一涓春水。點黃昏。使沒頓。相思處。會把芳心深相許。故夢勞詩苦。聞說東風亦多情。被竹外。香留住。

瑞鶴仙

杏煙嬌潑鬢。過杜若汀洲。楚衣香潤。回頭翠樓近。指鴛鴦沙上。暗藏春恨。歸鞭隱隱。便不念芳盟未穩。自簫聲吹落雲東。再數故園花信。誰問聽歌窗罅。倚月釣闌。舊家輕俊。芳心一寸。相思後。總灰盡。奈春風多事。吹花搖柳。也把幽情喚醒。對南溪桃萼翻紅。又成瘦損。

又（賦紅梅）

館娃春睡起。爲發妝酒暖。臉霞輕膩。冰霜一生裏。厭從來冷澹。粉腮重洗。胭脂暗試。便無限芳

穠氣味。向黃昏。竹外寒深。醉裏爲誰偷倚。嬌媚春風模樣。霜月心腸。瘦來肌體。孤香細細。吹夢到杏花底。被高樓橫筦一聲驚斷。卻對南枝灑淚。漫相思。桃葉桃根。舊家姊妹。

點絳脣

花落苦香斷。無人肯行。鷓鴣晚風翻。緜吹醒東窗酒。獨臥氈氍。明月知人瘦。香消後。亂愁依舊。開口胡酥手。

又（六月十四夜與社友泛湖過四陵橋已子夜矣）

山月隨人。翠嶺分破秋山影。釣船歸盡。橋外詩心迴。多少荷花。不蓋鴛鴦冷。西風定。可憐潘鬢。偏浸秦臺鏡。

青玉案

蕙花老盡離騷句。綠染徧江頭樹。日午酒消聽驟雨。青榆錢小。碧苔錢古。難買東君住。官河不礙遺鞭路。被芳草將愁去。多定紅樓籠影暮。蘭燈初上。夜香初炷。猶自聽鸚鵡。

浣溪沙

不見東山月露香。姚家借得小芬芳。亂鶯隨趁過宮牆。香珀碾花嬌有意。綠茸繡葉澀無光。御封春酒幾時嘗。

蝶戀花

二月東風吹客袂。蘇小門前。楊柳如腰細。蝴蝶識人遊冶地。舊曾來處花開未。幾夜湖山生夢寐。許泊尋芳。只怕春寒裏。今歲清明逢上巳。相思先到濺裙水。

臨江仙

草脚青回細膩。柳梢綠轉條苗。舊遊重到合魂銷。棹橫春水渡。人凭赤闌橋。歸夢有時曾見。新愁未肯相饒。酒香紅被夜迢迢。莫教無用月。來照可憐宵。

又

倦客如今老矣。舊時不奈春何。幾曾湖上不經過。看花南陌醉。駐馬翠樓歌。遠眼愁隨芳草。湘裙憶著春羅。枉教裝得舊時多。向來簫鼓地。猶見柳婆娑。

又(閨思)

愁與西風應有約。年年同赴清秋。舊遊籠幕記揚州。一燈人著夢。雙雁月當樓。羅帶鴛鴦塵暗澹。更須整頓風流。天涯萬一見溫柔。瘦應因此瘦。羞亦爲郎羞。

漢宮春

(友人與星娘雅有舊。分別去則黃冠矣。托予寄情。)

花隔東垣。詠燕臺秀句。結帶謀歡。匆匆舊盟有限。飛夢重關。南塘夜月。照湘琴。別鶴孤鸞。天使遺清愁。易長春衣常恁香寒。唐昌故宮何許。頓翦霞裁霧。擺落塵緣。一聲步虛婉婉。雲駐天壇。淒涼故里。想香車不到人間。羞再見東陽帶眼。教人依舊思凡。

蘭陵王（南湖同碧蓮見寄走筆次韻）

漢江側。月弄仙人珮色。含情久。搖曳楚衣。天水空濛染嬌碧。文漪篔影織。涼骨。時將粉飾。誰曾見羅襪去時。點點波間冷雲積。相思舊飛鷁。漫想像風裳。追恨瑤席。涉江幾度和愁摘。記雪映雙腕。刺縈絲縷。分開綠蓋素袂溼。放新句吹入。寂寂。意猶昔。念淨社因緣。天許相覓。飄蕭羽扇搖團白。屢側臥尋夢。倚闌無力。風標公子。欲下處。似認得。

風入松（茉莉花）

素馨樹。太寒生。多翦春冰。夜深綠霧侵涼月。照晶晶花葉分明。人臥碧紗幮淨。香吹雪練衣輕。頻伽啣得墮南薰。不受纖塵。若隨荔子華清去。定空埋身外芳名。借重玉爐沈炷。起予石鼎湯聲。

隔浦蓮

紅塵飛不到處。此地知無暑。亂竹分幽徑。虛堂中自回互。陰壑生暗霧。飛泉注。氣入閒尊俎。快風度。齊宮楚榭。如今空鎖煙樹。何人伴我。夢賦雪車冰柱。惟有蟬聲助冷語。驚寤。飛雲來獻涼雨。

又（荷花）

洛神一醉未醒。俯鑑窺紅影。萬綠森相衛。西風靜。不放冷。侵曉鷗夢穩。非塵境。棹月香千頃。錦

橫觀。亭亭不語。多應嘆賦玉井。西湖遊子。慣識雨愁煙恨。只恐吳娃暗折贈。耿耿。柔絲容易繫損。

鳳來朝（五日感事）

暈粉就妝鏡。掩金閨。綵絲未整。趁無人。學指鴛鴦頸。恨誰踏。蘼花徑。一夢蒲香葵冷。墮銀瓶。脆繩挂井。扇底并團圓影。只此是。沈郎病。

玉簫涼

秋是愁鄉。自錦瑟。斷絃。有淚如江。平生花裏活。奈舊夢難忘。藍橋雲樹正綠。料抱月幾夜。眠香河漢阻。但風音傳恨。闌影敲涼。新妝。蓮嬌試曉。梅瘦破春。因其卻扇臨窗。紅巾銜翠翼。早弱水茫茫。柔指各自未剪。問此去。莫負王昌。芳信準。更敢尋紅杏西廡。

鵲橋仙（七夕舟中）

河深鷗冷。雲高鸞遠。水珮風裳縹緲。卻推離恨下人間。第一個黃昏過了。舟行有限。愁來無限。去去長安漸杳。應將巧思入相思。覺淚比銀灣較少。

湘江靜

暮草堆青雲。浸浦。記匆匆。倦篙曾駐。漁榔四起。沙鷗未落。怕愁沾詩句。碧袖一聲歌。石城怨西風。隨去。滄波蕩晚。菰蒲弄秋。還重到。斷魂處。酒易醒。思正苦。想空山桂香懸樹。三年夢冷。孤

吟意短。屢煙鐘津鼓。屐齒厭登臨。移橙後幾番涼雨。潘郎漸老。風流頓減。閒居未賦。

玲瓏四犯

雨入愁邊。翠樹晚無人。風葉如翦。竹尾通涼。卻怕小簾低捲。孤坐便怯詩慳。念俊賞舊曾題遍。更暗塵偷鎖鸞影。心事屢羞團扇。賣花門館。生秋草。悵弓彎。幾時重見。前歡盡屬風流夢。天共朱樓遠。聞道秀骨病多。難自任從來恩怨。料也和前度。金籠鸚鵡。說人情淺。

又(京口寄所思)

闊甚吳天。頓放得江南。離緒多少。一雨爲秋。涼氣小窗先到。輕夢聽徹風蒲。又散入楚空清曉。問世間愁在何處。不離澹煙衰草。簾紋獨浸芙蓉影。想淒淒欠郎假抱。卽今臥得雲衣冷。山月仍相照。方悔翠袖易分。難聚有玉香花笑。待雁來。先寄新詞歸去。且教知道。

八歸

秋江帶雨。寒沙縈水。人瞰畫閣愁獨。煙蓑散響驚詩思。還被亂鷗飛去。秀句難續。冷眼盡歸圖畫上。認隔岸。微茫雲屋。想半屬漁市樵村。欲暮競燃竹。須信風流未老。憑持酒慰此淒涼心。日一鞭南陌。幾篙官渡。賴有歌眉舒綠。只匆匆眺遠。早覺閒愁挂喬木。應難奈。故人天際。望徹淮山。相思無雁足。

過龍門

一帶古苔牆。多聽寒蟬。篋中針線早銷香。燕尾寶刀窗下夢，誰翦秋裳。宮漏莫添長。空費思量。鴛鴦難得再成雙。昨夜楚山花簪裏，波影先涼。

又（春愁）

醉月小紅樓。錦瑟箜篌。夜來風雨曉來收。幾點落花饒柳絮，同爲春愁。寄信問晴鷗。誰在芳洲。綠波甯處有蘭舟。獨對舊時攜手地，情思悠悠。

玉蝴蝶

晚雨未摧宮樹。可憐閒葉，猶抱涼蟬。短景歸秋，吟思又接愁邊。漏初長、夢魂難禁。人漸老、風月俱寒。想幽歡。土花庭甃，蟲網闌干。無端。啼鴉攪夜，恨隨團扇，苦近秋蓮。一笛當樓，謝娘懸淚立風前。故園晚強留詩酒，新雁遠不致寒暄。隔蒼煙。楚香羅袖，誰伴嬋娟。

齊天樂（白髮）

秋風早入潘郎鬢。斑斑邊驚如許。暖雪侵梳，晴絲拂領。栽滿愁城深處。瑤簪漫妬。便羞插宮花，自憐衰暮。尙想春情，舊吟淒斷茂陵女。人間公道惟此歎。歎朱顏也恁容易墮去。湮了重緇，搔來更短。方悔風流相悞。郎潛幾縷。漸疎了銅駝。俊遊儔侶。縱有豔豔，奈何詩思苦。

又（秋興）

闌干只在鷗飛處。年年怕吟秋興。斷浦沈雲，空山挂雨。中有詩愁千頃。波聲未定。望舟尾拖涼。

渡頭籠暝。正好登臨。有人歌罷翠簾冷。悠然魂墮故里。奈閒情未了。還被吹醒。拜月虛簷。聽
蛩壞砌。誰復能憐。嬌俊憂心耿耿。寄桐葉芳題。冷風新詠。莫遣秋聲。樹頭喧夜永。

又(賦橙)

犀紋隱隱鶯黃嫩。籬落翠深偷見。細雨重移。新霜試摘。佳處一年秋晚。荆江未遠。想橘友荒涼。
木奴嗟怨。就說風流。草泥來趁蟹螯健。并刀寒映素手。醉魂沈夜飲。曾倩排遣。沈齏含酸。金
鬢裏玉。藪藪吳鹽。輕點。瓊姬齒軟。待惜取團圓。莫教分散。入手溫存。帕羅香自滿。

又(湖上卽席分韻得羽字)

鴛鴦拂破蘋花影。低低趁涼飛去。畫裏移舟。詩邊就夢。葉葉碧雲分雨。芳游自許。過柳影開波。
水花平渚。見說西風。爲人吹恨上瑤樹。闌干斜照未滿。杏牆應望斷。春翠偷聚。淺約接香。深
盟搗月。誰是窗間青羽。孤筇幾柱。問因甚參差。暫成離阻。夜色空庭。待歸聽俊語。

又(中秋宿真定驛)

西風來勸涼雲去。天東放開金鏡。照野霜凝。入河桂溼。一一冰壺相映。殊方路永。更分破秋光。
盡成悲境。有客躊躇。古庭空自弔孤影。江南朋舊在許。也能憐天際。詩思誰領。夢斷刀頭書
開蠶尾。別有相思隨定。憂心耿耿。對風鵲殘枝。露蛩荒井。斟酌姮娥。九秋宮殿冷。

燕歸梁

楚夢吹成樹外雲。乍雁影斜分。黃花心事一簾塵。但頻憶、小腰身。今宵素壁冰絃冷。怕彈斷、沈郎魂。秋衣因甚滌愁痕。是千頭、幾黃昏。

又

獨臥秋窗桂未香。怕雨點飄涼。玉人只在楚雲旁。也著淚、過昏黃。西風今夜梧桐冷。斷無夢、到鴛鴦。秋鉦二十五聲長。請各自、奈思量。

月當廳

白壁舊帶秦城夢。因誰拜下。楊柳樓心。正是夜分。魚鑰不動香深。時有露螢自照。占風裳。可喜影歎金。坐來久。都將涼意。盡付沈吟。殘雲事緒無人捨。恨匆匆。藥娥歸去難尋。綴取霧窗。曾唱幾拍清音。猶有老來印愁處。冷光應念雪翻簪。空獨對西風緊。弄一井桐陰。

秋霖

江水蒼蒼望倦柳。愁荷共感秋色。廢閣先涼。古簾空暮。雁程最嫌風力。故園信息。愛渠入眼。南山碧。念上國。誰是鱸鱸江漢未歸客。還又歲晚。瘦骨臨風。夜聞秋聲。吹動岑寂。露蛩悲清燈。冷屋。翻書愁上鬢。毛白。年少俊遊。渾斷得。但可憐處。無奈苒苒魂驚。採香南浦。翳梅煙驛。

滿江紅（中秋夜湖）

萬水歸陰。故潮信盈虛因月。偏只到涼秋半破。鬪成雙絕。有物揩磨金鏡淨。何人拏攬銀河決。

想子胥今夜見嫦娥。沈冤雪。光直下。蛟龍穴。聲直上。蟾蜍窟。對望中天地。洞然如刷。激氣已
龍驅粉黛。舉杯便可吞吳越。待明朝說似與兒曹。心應折。

又(書懷)

好領青衫。全不向詩書中得。還也費區區造物。許多心力。未暇買田清潁尾。尚須索米長安陌。
有當時黃卷滿前頭。多慚德。思往事。嗟兒劇。憐牛後。懷雞肋。奈稜稜虎豹。九重先隔。三徑就
荒秋。自好。一錢不直貧相逼。對黃花常待不吟詩。詩成癖。

又(九月二十一出京懷古)

緩轡西風。歎三宿遲遲行客。桑梓外。鋤耨漸入。柳坊花陌。雙闕遠。騰龍鳳影。九門空。鎖鴛鴦翼。
更無人。擲笛傍宮牆。苔花碧。天相漢。民懷國。天厭虜。臣離德。趁建瓴一舉。并收鼉極。老子豈
無經世術。詩人不預平戎策。辨一襟風月。看昇平。吟春色。

戀瀟湘

吳梅初試澗谷春。夜幽幽。江雁叫雲。人正在。孤窗底。被穠愁。醺破醉魂。雨窗只剩殘燈影。伴
羅衣無限淚痕。瘦骨怕紅綿冷。說年時斗帳夜分。

又

賈華驚破九日愁。正寒城。風雨怨秋。愁便是秋心也。又隨人來到畫樓。因緣幸自天安頓。更

題紅不禁御溝待寫與相思話爲怕奴憔悴且休。

又（席上夢錫漢章同賦）

天風入扇吹苧衣。小紅樓夜氣正微。有人在冰絃外。水精籠花影自移。陽臺只是虛無夢。使不成涼夜。誤伊想聞了。瑤璃簾就一身明月伴歸。

換巢鸞鳳（梅意○花庵作春情）

人若梅嬌。正愁橫斷塢。夢繞谿橋。倚風融漢粉。坐月怨秦簫。相思因甚到纖腰。定知我今無魂可銷。佳期晚。漫幾度淚痕相照。人情天眇。眇花外語香。時透郎懷抱。暗握萸苗。乍嘗櫻顆。猶恨侵階芳草。天念王昌忒多情。換巢鸞鳳教偕老。溫柔鄉。醉芙蓉。一帳春曉。

惜奴嬌

香剝酥痕。自昨夜春愁醒。高情寄冰橋雪嶺。試約黃昏。便不悞春昏信。人靜倩嬌娥留連秀影。吟鬢簪香已斷了。多情病。年年待將春管領。鏤月描雲。不枉了閒心性。漫聽誰敢把紅顏比並。

龍吟曲（卽水龍吟○問梅劉寺）

夜寒幽夢飛來。小梅影下東風曉。蝶魂未冷。吾身良是。悠然一笑。竹杖敲苔。布鞵踏凍。歲常先到。傍蒼林卻恨。儲風養月。須我輩新詩弔。永以南枝爲好。怕從今逢花漸老。愁消秀句。寒回

斗酒春心多少。之子逃空。伊人遜世。又還驚覺。但歸來對月。高情耿耿。寄白雲杪。

又(對)

夢回虛白初生。便疑冷月通窗戶。不知夜久。都無人見。玉妃起舞。銀界回天。瓊田易地。晃然非故。想兒童健意。生愁霧色。情頓在。窺簾處。一片樵林釣浦。是天教王維畫取。未知授簡。先將高輿收歸妙句。江路梅愁。灞陵人老。又騎驢去。過章臺記得。春風乍見。倚簾吹絮。

又(陪簡欲行當別社友)

道人越布單衣。興高愛學蘇門嘯。有時也伴。四佳公子。五陵年少。歌裏眠香。酒酣喝月。壯懷無撓。楚江南。每爲神州未復。闌干靜。慵登眺。今日征夫在道。敢辭勞。風沙短帽。休吟稷穗。休尋喬木。獨憐遺老。同社詩囊。小窗針線。斷腸秋早。看歸來幾許。吳霜染鬢。驗愁多少。

鷓鴣天

睡袖無端幾搯香。有人丹臉可占霜。半窗月印梅猶瘦。一律餅筵夜正長。情豔豔。酒狂狂。小屏誰與畫鴛鴦。解衣恰恨敲金釧。驚起春風傍枕囊。

又(燈市書生)

御路東風拂醉衣。賣燈人散燭籠稀。不知月底梅花冷。只憶橋邊步襪歸。閒夢淡。舊游非。夜深誰在小簾幃。罨兒下圍爐坐。明處將人立地時。

又

搭柳闌干倚竹頻。杏籠蝴蝶繡牀春。十年花骨東風淚。幾點螺香素壁塵。簫外月。夢中雲。秦樓楚殿可憐身。新愁換盡風流性。偏恨鴛鴦不念人。

又（衛縣道中有愧其人）

雁足無書古塞幽。一程煙草一程愁。帽簷塵重風吹野。帳角香銷月滿樓。情思亂。夢魂浮。細裙多憶弊貂裘。官河水靜闌干暖。徒倚斜陽怨晚秋。

惜黃花（九月七日定興道中）

涵秋寒渚。染霜丹樹。尚依稀。是來時夢中行路。時節正思家。遠道仍懷古。更對著滿城風雨。黃花無數。碧雲欲暮。美人兮。美人兮。未知何處。獨自捲簾櫳。誰爲開尊俎。恨不得御風歸去。

玉燭新

疎雲縈碧岫。帶晚日搖光。半江寒皺。越溪近遠。空頻向。過雁風邊回首。酸心一縷。念水北尋芳。歸後輕醉醒。隄月籠沙。鞍鬆寶輪飛驟。秦樓屢約芳春。記扇背題詩。帕羅沾酒。瘦愁易就。因驚斷夢。裏桃源難又。臨風話舊。想日暮梅花孤瘦。還靜倚修竹相思。盈盈翠袖。

一翫梅

誰寫梅谿字字香。沙邊幽夢。常恁芬芳。不如花解伴昏黃。只怕東風吹斷人腸。小閣無燈月

淺窗香吹羅袖。酒映宮妝。如今竹外。思量。谷裏佳人。一片冰霜。

又（追感）

奉客當樓泣鳳簫。宮衣香斷。不見纖腰。隔年心事。又今宵。折盡冰絃。何用鸞膠。些子輕魂。幾度銷。蘭騷。惹些無計重招。東窗一段月華嬌。也帶春愁。飛上梅梢。

醉落魄

鴛鴦意。慳空分付有情眉睫。齊家蓮子黃金葉。爭比秋苦。靴鳳幾番躡。牆陰月白花重疊。匆匆語。屢驚怯。宮香錦字。將盈篋。雨長新寒。今夜夢魂接。

又（浙江送人時子振之官感幕）

江痕妥貼。日光熨動黃金葉。闌干直下愁相接。一朵紅蓮。飛上越人楫。鯉魚波上丁寧切。詩筒如綫不曾別。明年好箇春風客。五鷄交飛。身在玉皇闕。

醉公子（詠梅寄南湖先生）

神仙無臯澤。瓊裾珠珮。卷下塵陌。秀骨依依。誤向山中得。與相識。溪岸側。倚高情。自鎖煙翠。時點空碧。念香襟沾恨。酥手翦愁。今後夢魂隔。相思暗驚清吟客。想玉照堂前樹。三百雁翅霜。輕。鳳羽寒深。誰護春色。詩鬢白。總多因。水村攜酒。煙墅留屐。更時帶明月同來。與花爲表德。

步月

翦柳章臺。問梅東閣。醉中攜手初歸。逗香簾下。璀璨金衣。正依約、冰絲射眼。更在苒蠙玉西
飛。輕塵外、雙鴛細蹙。誰賦洛濱妃。霏霏紅霧繞步搖。共鬢影吹入花圍。管絃將散。人靜燭籠
稀。泥私語香櫻乍破。怕夜寒羅襪先知。歸來也。相假未肯入重幃。

梅溪詞跋

余幼讀雙雙燕詞，便心醉梅溪。今讀其全集，如醉玉生春、柳髮梳月等語，則柳昏花暝之句，又不足多矣。姜白石稱其奇秀清逸，有李長吉之韻，蓋能融情景於一家，會句意於兩得，豈易及耶。湖南毛晉識。

宋六十名家圖

三〇

白石詞一卷

姜

夔

題白石詞

姜夔字堯章。自號白石道人。中興詩家名流。其歲除舟行十絕。膾炙人口。詞極精妙。不減清真。樂府其間高處。有美成所不能及。善吹簫。自製曲。初則率意爲長短句。然後協以音律。云居鄞陽。進樂書免解。不第而卒。花庵詞客題。

白石詞

目錄

- | | | |
|--------|---------|--------|
| 探春慢一調 | 一萼紅一調 | 揚州慢一調 |
| 鶯山溪一調 | 點絳脣一調 | 暗香一調 |
| 疏影一調 | 長亭怨慢一調 | 齊天樂一調 |
| 小重山令一調 | 鷓鴣天三調 | 憶王孫一調 |
| 湘月一調 | 念奴嬌一調 | 惜紅衣一調 |
| 琵琶仙一調 | 秋宵吟一調 | 少年遊一調 |
| 鬲溪梅令一調 | 淒涼犯一調 | 翠樓吟一調 |
| 清波引一調 | 法曲獻仙音一調 | 玲瓏四犯一調 |
| 淡黃柳一調 | 側犯一調 | 眉嫵一調 |
| 石湖仙一調 | 解連環一調 | 玉梅令一調 |
| 踏莎行一調 | 八歸一調 | |

白石詞目錄終

宋六十名家詞

白石詞

宋 姜 夔

探春慢（過苕霅別鄭次奉請君）

衰草愁煙亂鴉送日。風沙回旋平野。拂雪金鞭。欺寒茸帽。還記章臺走馬。誰念漂零久。漫贏得、幽懷難寫。故人清沔相逢。小窗閒共情話。長恨離多會少。重訪問竹西。珠淚盈把。雁頃沙平。漁汀人散。老去不堪遊冶。無奈苕溪月。又喚我扁舟東下。甚日歸來。梅花零亂春夜。

一萼紅（入日長沙登定王臺）

古城陰。有官梅幾許。紅萼未宜簪。池面冰膠。牆腰雪老。雲意還又沈沈。翠藤共閒穿徑竹。漸笑語、驚起臥沙禽。野老林泉。故王臺榭。呼喚登臨。南去北來何事。蕩湘雲楚水。目極傷心。朱戶黏鷄。金盤簇燕。空嘆時序侵尋。記曾共、西樓雅集。想垂柳、還鬢萬絲金。待得歸鞍到時。只怕春深。

揚州慢

（中呂宮○淳熙丙申至日。余過維揚。夜雪初霽。齊麥彌望。入其城。則四顧蕭條。寒水自碧。暮色漸起。皮角悲吟。予懷愴然。感慨今昔。因自度此曲。千巖老人以爲有黍離之悲也。○此後凡載宮調者。並是自製曲。）

淮左名都。竹西佳處。解鞍少駐初程。過春風十里。盡薺麥青青。自胡馬窺江去後。廢池喬木。猶厭言兵。漸黃昏清角吹寒。都在空城。杜郎俊賞。算如今重到須驚。縱肯翫詞工。青樓夢好。難

賦深情。二十四橋仍在。波心蕩冷月無聲。念橋邊紅藥。年年知爲誰生。

暮山溪（題錢氏溪月）

與鷗爲客。綠野留吟屐。兩行柳垂陰。是當年仙翁手植。一亭寂寞。煙外帶愁橫。荷冉冉。展涼雲。橫臥虹千尺。才因老盡。秀句君休覓。萬綠正迷人。更愁入山陽夜笛。百年心事。惟有玉關知。吟未了。放船回。月下空相憶。

點絳脣（丁未冬過吳松）

燕雁無心。太湖西畔隨雲去。數峯清苦。商略黃昏雨。第四橋邊。擬共天隨住。今何許。憑闌懷古。殘柳參差舞。

暗香

（仙呂宮）辛亥之冬。余載雪詣石湖。止既月。授簡索句。且徵新聲。作此兩義。石湖把玩不已。使工妓諫習之音節諧婉。乃命之曰暗香疏影。

舊時月色。算幾番。照我梅邊吹笛。喚起玉人。不管清寒與攀摘。何遜而今漸老。都忘卻春風詞筆。但怪得竹外疏花。香冷入瑤席。江國正寂寂。嘆寄與路遙。夜雪初積。翠尊易泣。紅萼無言耿相憶。長記曾攜手處。千樹壓西湖寒碧。又片片吹盡也。幾時見得。

疏影（仙呂宮）

苔枝綴玉。有翠禽小小。枝上同宿。客裏相逢。離角黃昏。無言自倚脩竹。昭君不慣胡沙遠。但暗

憶江南。江北想。珮環月夜歸來。化作此花幽獨。猶記深宮舊事。那人正睡裏。飛近蛾綠。莫似春風。不管盈盈。早與安排金屋。還教一片隨波去。又卻怨玉龍哀曲。等恁時重覓幽香。已入小窗橫幅。

長亭怨慢

愛之

（中呂宮）桓大司馬云：昔年種柳，依依漢南。今看搖落，悽愴江潭。樹猶如此，人何以堪。此語余深

漸吹盡。枝頭香絮。是處人家。綠深門戶。遠浦縈迴。暮帆零亂。向何許。閱人多矣。誰得似。長亭樹。樹若有情時。不會得。青青如此。日暮。望高城不見。只見亂山無數。韋郎去也。怎忘得。玉環分付。第一是。早早歸來。怕紅萼無人爲主。算只有。并刀難剪。離愁千縷。

齊天樂（蟋蟀中都呼爲促織）

庾郎先自吟愁賦。淒淒更聞私語。露濕銅鋪。苔侵石井。都是曾聽伊處。哀音似訴。正思婦無眠。起尋機杼。曲曲屏山。夜涼獨自甚情緒。西窗又吹暗雨。爲誰頻斷續。相和砧杵。候館吟秋。離宮弔月。別有傷心無數。爾詩漫與。笑籬落呼燈。世間兒女。寫入琴絲。一聲聲更苦。（宣政間有士大夫製蟋蟀吟）

小重山令（潭州紅梅）

人繞湘皋月墜時。斜橫花樹小。浸愁漪。一春幽事有誰知。東風冷。香遠茜裙歸。鷗去昔遊非。

遙憐花可夢。依依九疑雲。杳斷魂啼。相思血。都沁綠筠枝。

鷓鴣天(元夕不出)

憶昨天街預賞時。柳慳梅小未教知。而今正是歡遊夕。卻怕春寒自掩扉。簾寂寂。月低低。舊情唯有絳都詞。芙蓉影暗三更後。臥聽鄰娃笑語歸。

又(苕溪記所見)

京洛風流絕代人。因何風絮落溪津。籠鞵淺出鴉頭鞵。知是淩波縹緲身。紅乍笑。綠長嗔。與誰同度可憐春。鴛鴦獨宿何曾慣。化作西樓一縷雲。

又(十六夜出)

釐路珠簾兩桁垂。千枝銀燭舞僛僛。東風歷歷紅樓下。誰識三生杜牧之。歡正好。夜何其。明朝春過小桃枝。鼓聲漸遠遊人散。惆悵歸來有月知。

憶王孫(番陽彭氏小樓)

冷紅葉葉下塘秋。長與行雲共一舟。零落江南不自由。兩綢繆。料得吟鸞夜夜愁。

湘月(雙調○卽念奴嬌之高指聲也)

五湖舊約。問經年底事。長負清景。暝入西山。漸喚我一葉夷猶乘興。倦網都收。歸禽時度。月上汀洲。冷中流。容與畫橈不點清鏡。誰解喚起湘靈。煙鬢霧鬢。理哀絃鴻陣。玉塵談玄。歎坐客。

多少風流名勝。暗柳蕭蕭。飛星冉冉。夜久知秋信。鱸魚應好。舊家樂事誰省。

念奴嬌（吳興荷花）

闌紅一舸。記來時。長與鴛鴦爲侶。三十六陂人未到。水佩風裳無數。翠葉吹涼。玉容消酒。更瀟
蕪蒲雨。嫣然搖動。冷香飛上詩句。日暮青蓋亭亭。情人不見。爭忍凌波去。只恐舞衣寒易落。
愁入西風南浦。高柳垂陰。老魚吹浪。留我花間住。田田多少。幾回沙際歸路。

惜紅衣（吳興荷花○無射宮）

簾枕遶涼。琴書換日。睡餘無力。細灑冰泉。并刀破甘碧。牆頭喚酒。誰問訊。城南詩客。岑寂。高樹
晚蟬。說西風消息。虹梁水陌。魚浪吹香。紅衣半狼籍。維舟試望故國。渺天北。可惜渚邊沙外。
不共美人遊歷。問甚時同賦。三十六陂秋色。

琵琶仙（吳興感遇）

雙槳來時。有人似。舊曲桃根桃葉。歌扇輕約飛花。蛾眉正奇絕。春漸遠。汀洲自綠。更添了幾聲
啼鴉。十里揚州。三生杜牧。前事休說。又還是宮燭分煙。奈愁裏匆匆。換時節。都把一襟芳思。
與空階榆莢。千萬縷。藏鴉細柳。爲玉尊起舞迴雪。想見西出陽關。故人初別。

秋宵吟（越調）

古簾空。墜月皎。坐久西窗人悄。蛩吟苦。漸漏水丁丁。箭壺催曉。引涼颺。動翠葆。露脚斜飛雲表。

因嗟念似去國情懷暮帆煙草帶眼銷磨爲近日愁多頓老衛娘何在宋玉歸來兩地暗縈繞搖落江楓早嫩約無憑幽夢又杳但盈盈淚灑單衣今夕何夕恨未了

少年遊（戲張平甫）

雙蝶未合雙蛾先斂家在碧雲西別母情懷隨郎滋味桃葉渡江時扁舟載了匆匆去今夜泊前溪楊柳津頭梨花牆外心事兩人知

鬲溪梅令（仙呂調）無錫歸寓意）

好花不與殢香人浪粼粼又恐春風歸去綠成陰玉鈿何處尋木蘭雙槳夢中雲水橫陳漫向孤山山下覓盈盈翠禽啼一春

淒涼犯（仙呂調犯商調）合肥秋夕）

綠楊巷陌西風起邊城一片離索馬嘶漸遠人歸甚處戍樓吹角情懷正惡更衰草寒煙淡薄似當時將軍部曲迤邐度沙漠追念西湖上小舫攜歌晚花行樂舊遊在否想如今翠凋紅落漫寫羊裙等新雁來時繁著怕匆匆不肯寄與悞後約

翠樓吟（雙調）武昌安遠樓成）

月冷龍沙塵清虎落今年漢甬初賜新翻胡部曲聽甍幕元戎歌吹層樓高峙看檻曲縈紅簷牙飛翠人姝麗粉香吹下夜寒風細此地宜有詞仙擁素雲黃鶴與君遊戲玉梯凝望久歎

芳草萋萋千里。天涯情味。仗酒祓清愁。花嬌英氣。西山外。晚來還捲一簾秋霽。

清波引(梅)

冷雲迷浦。倩誰喚。玉妃起舞。歲華如許。野梅弄眉嫵。屐齒印蒼蘚。漸爲尋花來去。自隨秋雁南來。望江國。渺何處。新詩漫與。好風景。長是暗度。故人知否。抱幽恨。難語。何時共漁艇。莫負滄浪煙雨。况有清夜啼猿。怨人良苦。

法曲獻仙音(張彥功宣舍)

虛閣籠寒。小簾通月。暮色偏憐高處。樹隔離宮。水平馳道。湖山盡入尊俎。奈楚客淹留久。砧聲帶愁去。屢回顧。過秋風。未成歸計。誰念我。重見冷楓紅舞。喚起淡妝人。問逋仙。今在何許。象筆鸞牋。甚而今。不道秀句。怕平生幽恨。化作沙邊煙雨。

玲瓏四犯(越中歲暮聞瀟鼓感懷)

疊鼓夜寒。垂燈春淺。匆匆時事如許。倦遊歡意少。俛仰悲今古。江淹又吟恨賦。記當時送君南浦。萬里乾坤。百年身世。惟有此情苦。揚州柳。垂官路。有輕盈換馬。端正窺戶。酒醒明月下。夢逐潮聲去。文章信美。知何用。漫贏得。天涯騫旅。教說與。春來要尋花伴侶。

淡黃柳(正平調近(客合肥))

空城曉角。吹入垂楊陌。馬上單衣寒惻惻。看盡鵝黃嫩綠。都是江南舊相識。正岑寂。明朝又

寒食強攜酒。小橋宅。怕梨花落盡成秋色。燕燕飛來問春何在。唯有池塘自碧。

側犯（詠芍藥）

恨春易去。甚春卻向揚州住。微雨正繭栗。稍頭弄詩句。紅橋二十四。總是行雲處。無語。漸半脫宮衣。笑相顧。金盞細葉。千朵圍歌舞。誰念我。鬢成絲。來此共尊俎。後日西園。綠陰無數。寂寞劉郎。自修花譜。

眉嫵（亦名百宜嬌○戲張仲遠）

看垂楊。連苑杜若吹沙。愁損未歸眼。信馬青樓去。重簾下。娉婷人妙。飛燕翠尊共歎。聽豔歌郎意先感。便攜手。月地雲階裏。愛良夜微暖。無限風流疏散。有暗藏弓履。偷寄香翰。明日聞津鼓。湘江上。催人還解春纜。亂紅萬點。悵斷魂煙水遙遠。又爭似相攜。乘一舸。鎮長見。

石湖仙（越調○壽石湖居士）

松江煙浦。是千古三高。遊衍佳處。須信石湖仙。侶鷗夷。翩然引去。浮雲安在。我自愛綠香紅舞。容與看世間。幾度今古。盧溝舊曾駐馬。爲黃花閒吟秀句。見說胡兒也。學綸巾。欵雨。玉友金焦。玉人金縷。緩移箏柱。聞好語。明年定在槐府。

解連環

玉鞍重倚。卻沈吟未上。又繫離思。爲大喬能撥春風。小喬妙移箏。雁啼秋水。柳怯雲鬆。更何必。

十分梳洗。道郎攜羽扇。那日隔簾。半面曾記。西窗夜涼。雨霽。歎幽歡未足。何事輕葉。問後約空指。薔薇算如此。溪山甚時重。至水驛燈昏。又見在曲屏近底。念惟有夜來皓月。照伊自睡。

玉梅令（高平調）○石湖畏寒不出作此戲之

疏疏雪片。散入溪南苑。春寒鎖。出家亭館。有玉梅幾樹。背立怨東風。高花未吐。暗香已遠。公來領客。梅花能勸。花長好。願公更健。使揉春爲酒。翦雪作新詩。拚一日。繞花千轉。

踏莎行（金陵感夢）

燕燕輕盈。鶯鶯嬌軟。分明又向華胥見。夜長爭得薄情知。春早被相思染。別後書詞。別時針線。離魂暗逐郎行遠。淮南皓月冷千山。冥冥歸去無人管。

八歸（湘中送胡德華）

芳蓮墜粉。疏桐吹綠。庭院暗。雨乍歇。無端抱影銷魂處。還見篠牆螢暗。蘚階蛩切。送客重尋西去路。問水面。琵琶誰撥。最可惜。一片江山。總付與啼鴉。長恨相從未款。而今何事。又對西風離別。渚寒煙淡。棹移人遠。縹緲行舟如葉。想文君望久。倚竹愁生。步羅襪。歸來後。翠尊雙飲。下了珠簾。玲瓏閒看月。

白石詞終

白石詞跋

白石詞盛行於世。多逸五湖舊約及燕雀無心諸調。前人云。花庵極愛白石。選錄無遺。既讀絕妙詞選。果一一具載。真完璧也。范石湖評其詩云。有裁雲縫月之妙手。敲金戛玉之奇聲。予於其詞亦云。蕭東夫於少年客遊中。獨賞其詞。以其兄之子妻之。不第而卒。惜哉。湖南毛晉識。

石林詞一卷

葉夢得

題石林詞

右丞葉公以經術文章爲世宗儒翰墨之餘作爲歌調亦妙天下元符中子兄聖功爲鎮江掾公爲丹徒尉得其小詞爲多是時妙齡氣豪未能忘懷也味其詞婉麗綽有溫李之風晚歲落其華而實之能於簡淡時出雄傑合處不減靖節東坡之妙豈近世樂府之流哉陳德昭始得之喜甚出以示余揮汗而書不知暑氣之去也詩云誰能執熱逝不以濯公詞之能慰人心蓋如此紹興十七年七月九日東廡關注書

石林詞

目錄

- | | | |
|--------|--------|---------|
| 賀新郎一調 | 水調歌頭七調 | 入琴甘州四調 |
| 念奴嬌三調 | 滿庭芳三調 | 滿江紅二調 |
| 應天長一調 | 定風波四調 | 江城子五調 |
| 竹馬兒一調 | 浣溪沙八調 | 永遇樂二調 |
| 臨江仙十九調 | 虞美人八調 | 減字木蘭花三調 |
| 木蘭花一調 | 點絳脣三調 | 鷓鴣天七調 |
| 水龍吟二調 | 千秋歲二調 | 鬲山溪一調 |
| 清平樂一調 | 雨中花一調 | 南鄉子三調 |
| 卜算子二調 | 菩薩蠻一調 | 蝶戀花一調 |
| 醉蓬萊一調 | 南歌子一調 | 採桑子一調 |

石林詞目錄終

宋六十名家圖

石林詞

宋 葉夢得

賀新郎（或刻李玉）

睡起流鶯語。掩蒼苔、房櫳向晚。亂紅無數。吹盡殘花無人見。惟有垂楊自舞。漸喚靄、初回輕暑。寶扇重尋明月影。暗塵侵。上有乘鸞女。驚舊恨、遽如許。江南夢斷橫江渚。浪黏天、葡萄漲綠。半空煙雨。無限樓前滄波意。誰採蘋花寄取。但悵望、蘭舟容與。萬里雲颿何時到。送孤鴻、目斷千山阻。誰爲我、唱金縷。

水調歌頭（溧州觀魚臺作）

渺渺楚天濶。秋水去無窮。兩崖不辨牛馬。輕浪舞回風。獨倚高樓一笑。圍圍遊魚來往。還戲此波中。危檻對千里。落日照晴空。子非我。安知我。意真同。鵬飛鷗化。何有滄海漫冲融。堪笑磻溪遺老。白首直鉤溪畔。歲晚忽衰翁。功業竟安在。徒自兆非熊。

又（九月望日與客習射西園余病不能射）

霜降碧天靜。秋事促西風。寒聲隱地初聽。中夜入梧桐。起瞰高城回望。寥落關河千里。一醉與君同。疊鼓鬧清曉。飛騎引雕弓。歲將晚。客爭笑。問衰翁。平生豪氣安在。走馬爲誰雄。何似當筵虎士。揮手絃聲響處。雙雁落遙空。老去真堪愧。回首望雲中。

又（送八舅朝請）

江海渺千里。飄蕩歎流年。等閒疋馬相過。乘興卻翛然。十載悲歡如夢。撫掌驚呼相語。往事盡飛煙。此會真難偶。此醉且留連。酒方半。誰輕便。動離絃。我歌未闕。公去明日。復山川。空有高城危檻。縹緲當筵。清唱餘響落尊前。細雨黃花後。飛雁落遙天。

又（湖光亭落成）

修眉掃遙碧。清鏡走回流。隄外柳煙深淺。碧瓦起朱樓。分付平雲千里。包卷騷人遺思。春色入簾鉤。桃李盡無語。波影動蘭舟。念謝公。平生志。在滄洲。登臨漫懷風景。佳處每難酬。卻歎從來賢士。如我與公多矣。名迹竟誰留。惟有尊前醉。何必問消憂。

又（次韻叔父寺丞林德祖和休官詠懷）

今古幾流轉。身世兩犇忙。那知一丘一壑。何處不堪藏。須信超然物外。容易扁舟相踵。分占水雲鄉。雅志真無負。來日故應長。問騏驎。空矯首。爲誰昂。冥鴻天際塵事。分付一輕芒。認取騷人生此。但有輕篷短楫。多製芟荷裳。一笑陶彭澤。千載賀知章。

又（癸丑中秋）

河漢只平野。香霧捲西風。倚空千嶂橫起。銀闕正當中。常恨年年此夜。醉倒歌呼誰和。何事與君同。莫恨歲華華晚。容易感梧桐。攬清影。君試與。問天公。遙知玉斧初斲。重到廣寒宮。付與孤

光千里。不遣微雲點綴。爲我洗長空。老去狂猶在。應未笑衰翁。

又

秋色漸將晚。霜信報黃花。小窗低戶深映。微路繞欹斜。爲問山公何事。坐看流年輕度。拚卻鬢
雙華。徒倚望滄海。天淨水明霞。念平昔。空飄蕩。徧天涯。歸來三徑重掃。松竹本吾家。卻恨悲
風時起。冉冉雲間新雁。邊馬怨胡笳。誰似東山老。談笑淨胡沙。

八聲甘州（壽陽樓八公山作）

故都迷岸草。望長淮依然繞孤城。想烏衣年少。芝蘭秀發。戈戟雲橫。坐看驕兵南渡。沸浪駭駉
鯨。轉眄東流水。一顧功成。千載八公山下。尙斷崖草木。遙擁崢嶸。漫雲濤吞吐。無處問豪英。
信勞生空成今古。笑我來何事。愴遺情。東山老。可堪歲晚。獨聽桓箏。

又（正月二日是歲閏正月十四日纔立春）

又新正過了。問東風消息幾時來。笑春工多思。留連底事。猶未輕回。應爲瑤刀裁翦。容易惜花
開。試向湖邊望。幾處寒梅。好是綠莎新徑。剩安排芳意。特地重栽。便從今追賞。莫遣暫停盃。
有千株深紅淺白。倩緩歌急管。特相催。憑看取。暖煙細繭。先到高臺。

又

問浮家泛宅。自玄真去後。有誰來。漫煙波千頃。雲峯倒影。空翠成堆。可是溪山無主。佳處且徘徊。

徊。暮雨捲晴野。落照天開。老去餘生江海。伴遠公香火。猶有宗雷。便何妨元亮。攜酒間相陪。寄清談。芒屨筇杖。更盡驅風月入尊罍。江村路。我歌君和。莫棹船回。

又（甲辰承詔知止亭初畢工劉無言相過）

寄知還倦鳥。對飛雲無心兩難齊。漫飄然欲去。悠然且止。依舊山西。十畝荒園未徧。趁雨卻鋤犁。敢忘鄰翁約。有酒同攜。况是巖前新建。帶小軒橫絕。松桂成蹊。試憑高東望。雲海與天低。送滄波浮空千里。照斷霞明滅。卷晴霓。君休笑。此生心事。老更沈迷。

念奴嬌（南歸渡楊子作雜用淵明語）

故山漸近。念淵明歸意。翛然誰論。歸去來兮秋已老。松菊三徑猶存。稚子歡迎。飄飄風袂。依約舊衡門。琴書蕭散。更欣有酒盈尊。惆悵萍梗無根。天涯行已徧。空負田園去矣。何之窗戶小。容膝聊倚南軒。倦鳥知還。晚雲遙映。山氣欲黃昏。此還真意。故應欲辨忘言。

又（中秋燕客有懷壬午歲吳江長橋）

洞庭波冷。望冰輪初轉。滄海沈沈。萬頃孤光雲陣卷。長笛吹破層陰。洶湧三江。銀濤無際。遙帶五湖深。酒闌歌罷。至今鬢怒龍吟。回首江海平生。漂流容易散。佳會難尋。縹緲高城風露爽。獨倚危闌重臨。醉倒清尊。姮娥應笑。猶有向來心。廣寒宮殿。爲予聊借瓊林。（或刻百字令字句迥異）

又

雲峯橫起。障吳關三面。真成尤物。倒卷回潮。目盡處。秋水黏天無壁。綠鬢人歸。如今雖在。空有千莖雪。追尋如夢。謾餘詩句。猶傑。聞道尊酒登臨。孫郎終古恨。長歌時發。萬里雲屯。瓜步晚。落日旌旗明滅。鼓吹風高。畫船遙想。一笑吞窮髮。當時曾照。更誰重問。山月。

滿庭芳（雨後梅日亭寄示張敏仲程致道）

麥隴如雲。清風吹破。夜來疏雨。纔晴。滿川煙草。殘照落微明。縹緲危闌曲檻。遙天盡日。脚初平。青林外。參差暝靄。縈帶遠山橫。孤城春雨。過綠陰是處。時有鶯聲。問落絮遊絲。畢竟何成。信步蒼苔繞。徧真堪付。聞客閒行。微吟罷。重回皓首。江海渺送情。

又（張敏叔程致道和示復用韻寄酬）

楓落吳江。扁舟搖蕩。暮山斜照。催晴。此心長在。秋水共澄明。底事經年易拚。驚遺恨。悄悄難平。臨風處。佳人萬里。霜笛與誰橫。長城誰敢犯。知君五字。元有詩聲。笑茅舍何時。歸此真成。絲鬢朱顏老。盡柴居。在行。卽終行。聊相待。狂唱醉舞。雖老未忘情。

又（次韻答蔡州王道濟大夫見寄）

一曲離歌。煙林人去。馬頭微雪。新晴。隔年光景。回首近清明。斷送殘花又老。春波靜。湖水初平。誰重到。雕闌盡日。遙想畫橋橫。高城凝望久。何人爲我。重唱餘聲。問桃李。更有幾處。陰成。老。

去從遊似夢。尊前事空有。經行猶能記。慙慙寄語。多謝故人情。

滿江紅（重陽賞菊時余已除代）

一朵黃花。先催報秋歸消息。滿芳枝凝露。爲誰裝飾。便向尊前拚醉倒。古今同是東籬側。問何須特地賦歸來。拋彭澤。回首去年時節。開口笑。真難得。使君今那更。自成行客。霜鬢不辭重插滿。他年此會何人憶。記多情曾伴小闌干。親攀摘。

又

雪後郊原。煙林外梅花初拆。春欲半。猶自探春消息。一眼平蕪看不盡。夜來小雨催新碧。笑去年攜酒折花人。花應識。蘭舟漾城南陌。雲影淡。天容窄。繞風濤十頃。暝浮晴色。恰是槎頭收釣處。坐中仍有江南客。問如何兩漿下苕溪。吞雲澤。

應天長（白穎上縣欲還具作）

松陵秋已老。正柳岸田家酒。醅初熟。鱸膾蓴羹。萬里水天相續。扁舟波浩渺。寄一葉暮濤吞沃。青箬笠。西塞山前自翻新曲。來往未應足。使細雨斜風。有誰拘束。陶寫中年。何待更須絲竹。鷗夷千古意。算入手比來尤速。最好是。千點雲峯。半篙澄綠。

定風波（與幹譽才卿步四閭始見青梅）

破萼初驚一點紅。又看青子映籬櫺。冰雪肌膚誰復見。清淺。尙餘疏影照晴空。惆悵年年桃

李伴腸斷。祇應芳信負東風。待得微黃春亦暮。煙雨半和飛絮作濛濛。

又

渺渺空波下夕陽。睡痕初破水風涼。過雨歸雲留不住。何處。遠村煙樹半微茫。莫笑經年人老矣。歸計得遲留處也何妨。老子興來殊不淺。簾捲。更邀明月坐胡牀。

又

千步長虹跨碧流。兩山浮影轉螭頭。付與詩人都總領。風景。更逢仙客下瀛洲。嫋嫋涼風吹汗漫。平岸遙空新卷絳河收。卻怪姮娥真好事。須記。探支明月作中秋。

又

斜漢初看素月流。坐驚金餅出雲頭。華髮蕭然吹素領。光景。何妨分付屬滄洲。莫待霜花飄爛熳。蘋岸更憑佳句盡拘收。解與破除消萬事。猶記。一尊同得二年秋。(此魯卿見和復答之)

江城子

(原句六闋。改銀濤無際卷蓬瀛。是東坡詞。刪去)

碧潭浮影蘸紅旗。日初遲。漾晴漪。我欲尋芳。先遣報春知。盡放百花連夜發。休更待。曉風吹。滿攜尊酒弄繁枝。與佳期。伴羣嬉。猶有邦人。爭唱醉翁詞。應笑今年狂太守。能痛飲。似當時。

又(大雪與客登極目亭)

跼蹙飛舞半空來。曉風催。巧縈迴。野曠天遙。回望興悠哉。欲問玉京知遠近。試攜手。上高臺。

雲濤無際卷崔嵬。斂浮埃。照瓊瑰。點綴林花，真個是多才。說與化工留妙手，休盡放，一時開。

又（再送盧倅）

芙蓉開過雨初晴。曲池平。畫橋橫。耿耿星河，遙下蘸空明。一舸吳松歸未得，聊共住，小蓬瀛。問君何事引前旌。趣歸程。背高城。魚鳥三年，誰道總無情。試遣他年歌此曲，應尙記，別時聲。

又（登小吳臺小飲）

生涯何有但青山。小溪灣。轉潺湲。投老歸來，終寄此山間。茅舍半欹風雨橫，荒徑晚，亂榛菅。強扶衰病上巉巔。水雲間。伴躋攀。湖海蒼茫，千里在吳關。沒有一杯聊自醉，休更問，鬢毛斑。

又（次韻葛魯卿上元）

甘泉祠殿漢離宮。五雲中。渺難窮。永漏通宵，壺矢轉金銅。曾從鈞天知帝所，孤鶴老，寄遼東。強扶衰病步龍鍾。雪花濛。打窗風。一點青燈，惆悵伴南宮。唯有使君同此恨，丹鳳口，水雲重。

竹馬兒

與君記平山堂前細柳，幾回同挽。又征帆夜落，危檻依舊，遙臨雲巘。自笑來往匆匆，朱顏漸改。故人俱遠，橫笛想遺聲，但寒松千丈，傾崖蒼蘚。世事終何已，田陰縱在，歲陰仍晚。嵇康老來尤懶，只要蓴菰飯。卻欲便買茅廬，短篷輕櫂，尊酒猶能辦。君能過我，水雲聊爲伴。

浣溪沙（重陽一日極目亭）

小雨初回昨夜涼。繞籬新菊已催黃。碧空無際卷蒼茫。
千里斷鴻供遠目。十年芳草掛愁腸。
緩歌聊與送瑤觴。

又

睡粉輕消露臉新。醉紅初破玉肌勻。尊前留得兩州春。
剩挽雕盤敬醉帽。重催飛騎走紅塵。
十年蘭蕙笑騷人。

又（送盧倅）

荷葉荷花水底天。玉壺冰酒釀新泉。一歡聊復記他年。
我亦故山歸去客。與君分手暫流連。
佳人休唱好因緣。

又（意在亭）

休笑山翁不住山。二年偷向此中間。歸來贏得鬢毛斑。
甕底新醅供酪酏。城頭曲檻俯淙潺。
山翁元在此山間。

又（許公堂席上。次韻王幼安）

絳蠟燒殘夜未分。寶箏聲啞拍初勻。斗樞光照坐生春。
便恐賜還歸袞繡。莫辭揮翰落煙雲。
鳳城西去斷離魂。

又（用前韻再答幼安）

綠野歌歡喜見分。驟驚和氣曉來勻。妙歌誰敢和陽春。
梅蕊舊年迎臘雪。月華今夜破寒雲。
獨醒爭笑楚人魂。

又（次韻王幼安曹存之園亭席上）

物外光陰不屬春。斷留風景伴佳辰。醉歸誰管斷腸人。
柳絮尚飄庭下雪。梨花空作夢中雲。
竹間籬落水邊門。

又（與魯卿酌別席上次韻）

千古風流詠白蘋。二年歌笑擁朱輪。翩翩卻憶上林春。
劍履便應陪北闕。袴襦那更假西人。
玉堂金殿要詞臣。

永遇樂（寄懷張敏叔程致道）

蘋芷芳洲。故人回首。雲海何處。五畝荒田。慙勤問我。歸此真成否。洞庭波冷。秋風嫋嫋。木葉亂
隨風舞。記扁舟橫斜。載月目極暮濤煙渚。傳聲試問。垂虹千頃。蘭棹有誰重駐。雪濺雷翻。潮
頭過後。颿影欹前浦。此中高興。何人解道。天也未應輕付。且略取。千鍾痛飲。與君共賦。

又（婺州移守穎昌與客會別臨芳觀席上○或刻蘇子瞻）

天末山橫。半空簫鼓。樓觀高起。指點裁成。東風滿院。總是新桃李。綸巾羽扇。一尊飲罷。目送斷
鴻千里。攬清歌餘音不斷。縹渺尚縈流水。年來自笑無情。何事猶有多情遺思。綠鬢朱顏。匆

匆拚了。卻記花前醉。明年春到。重尋幽夢。應在亂鶯聲裏。拍闌干。斜陽轉處。有誰共倚。

臨江仙

聞道今年春信早。梅花不怕餘寒。憑君先近向南看。香苞開徧未。莫待北枝殘。腸斷隴頭他日恨。江南幾驛征鞍。一盃聊與盡餘歡。風情何似我。老去未應闌。

又（雪後寄周十）

夢裏江南渾不記。祇今幽戶難忘。夜來急雪繞東堂。竹窗松徑裏。何處問歸艎。瓮底新醅應已熟。一尊知與誰嘗。會須雄筆卷蒼茫。雲濤聲隱戶。瓊玉照頽牆。

又（與客湖上飲歸）

不見跳魚翻曲港。湖邊特地經過。蕭蕭疏雨亂風荷。微雲吹盡散。明月墮平波。白酒一盃還徑醉。歸來散髮婆娑。無人能唱採菱歌。小軒欹枕簟。檐影挂星河。

又（送章長卿還姑蘇兼寄程致道）

碧瓦新霜侵曉夢。黃花已過清秋。風颿何處挂扁舟。故人歸欲盡。斜日更回頭。樂圃橋邊頻借問。有人高臥江樓。寄聲聊爲訴離憂。桂叢應已老。何事久淹留。

又（席上次韻韓文若）

聞道安車來過我。百花未敢飄零。疾催絃管送盃行。五朝瞻舊老。揮麈聽風生。鳳詔遠從天

上落高堂燕喜初醒。莫言白髮減風情。此時誰得似。飲罷卻精神。

又（晁以道見和答韓文若之句復答之二首）

三月鶯花都過了。曉來雪片猶零。嵩陽居士記行行。西湖初水滿。遙想縠紋生。欲爲海棠傳信息。如今底事長醒。不應高臥頓忘情。留春春不住。老眼若爲明。

又

唱徹陽關分別袂。佳人粉淚空零。請君重作醉歌行。一歡須痛飲。回首念平生。卻怪老來風味減。半酣易逐愁醒。因花那更賦閒情。鬢毛今爾耳。空笑老淵明。

又（次韻洪思成湖上）

澹澹湖光供一笑。未須醉日論千。將軍曾記舊臨邊。野塘新水漫。煙岸酒如船。卻怪情多春又老。回腸易逐愁煎。何如旌旆鬱相連。凱歌歸玉帳。錦帽碧油前。

又（同王幼安洪思成過曾存之園亭）

學士園林人不到。傳聲欲問江梅。曲闌清淺小池臺。已知春意近。爲我著詩催。急管行觴園舞袖。故人坐上三台。（幼安與存之少相從）此歡此宴固難陪。不辭同二老。倒載習池回。

又（次韻答幼安思成存之席上梅花）

不與羣芳爭豔豔。化工自許寒梅。一枝臨晚照歌臺。眼明渾未見。絃管莫驚催。記取劉郎歸

去路。千年應話天台。酒闌不惜更重陪。夜寒衣袂薄。猶有暗香回。

又（晚之湖上）

三日疾風吹浩蕩。綠蕪未徧平沙。約回殘影射明霞。水光遙泛坐。煙柳互欹斜。霜鬢不堪春點檢。留連又見芳華。一枝重插去年花。此身江海夢。何處定吾家。

又（熙春臺與王取道賀方回曾公袞會別）

自笑天涯無定準。飄然到處遲留。興闌卻上五湖舟。鱸尊新有味。碧樹已驚秋。臺上微涼初過雨。一尊聊記同遊。寄聲時爲到滄洲。遙知欹枕處。萬壑看交流。

又（次葛魯卿法華山曲水勸酒）

山半飛泉鳴玉珮。回波倒卷粼粼。解巾聊濯十年塵。青山應卻怪。此段久無人。行樂應須賀太守。風光過眼逡巡。不辭常作坐中賓。只愁花解笑。衰鬢不宜春。

又（西園右春亭新成）

手種千株桃李樹。參差半已成陰。主人何事馬駸駸。二年江海路。空負種花心。試向中間安小檻。此還長要追尋。卻驚搖落動悲吟。春歸知早晚。爲我變層林。

又（南山絕頂作臺新成與客賞月）

絕頂參差千嶂外。不知空水相浮。下臨湖海見三州。落霞橫暮景。爲客小遲留。卷盡微雲天

更濶。此行不負清秋。忽驚河漢近人流。青霄元有路。一笑倚瓊樓。

又（明日與客復登臺再用前韻）

一醉三年那易得。應須大白同浮。已知絕景是吾州。嫦娥仍有意。更肯爲人留。萬籟無聲遙夜永。人間未識高秋。從來我客盡風流。故知憐老子。尤勝在南樓。

又（明日小雨已而風大作復晚晴遂見月與客再登）

卷地驚風吹雨過。卻堪香霧輕浮。遙知清影徧南州。萬峯橫玉立。誰爲此山留。邂逅一歡須共惜。年年長記今秋。平生江海恨飄流。元龍真老矣。無意臥高樓。

又（詔芳亭贈坐客）

一醉年年今夜月。酒船聊更同浮。恨無羯鼓打梁州。遺聲猶好在。風景一時留。老去狂歌君勿笑。已拚雙鬢成秋。會須擊節泝中流。一聲雲外笛。驚看水明樓。（世傳梁州西梁府初進此曲會明皇遊月宮還記霓裳之曲適相近因作霓裳羽衣曲以梁州名之是夕約諸君明夜泛舟故有梁州中流之句）

又

草草一年真過夢。此生不恨萍浮。且令從事到青州。已能從辟殺。那更話封留。好月尙尋當日約。故人何啻三秋。援琴欲寫竹間流。此聲誰解聽。吟上仲宣樓。

虞美人（雨後同幹譽才卿置酒來禽花下作○或刻蘇子瞻或刻周美成）

落花已作風前舞。又送黃昏雨。曉來庭院半殘紅。惟有游絲千丈。罥晴空。慙慙花下同攜手。更盡盃中酒。美人不用斂蛾眉。我亦多情無奈。酒闌時。

又（極目亭望西山）

翻翻翠葉梧桐老。雨後涼生早。葛巾藜杖正關情。莫遣繁蟬容易作秋聲。遙空不盡青天去。一抹殘霞暮。病餘無力厭躋攀。爲寄曲闌幽意到西山。

又（上巳席上）

一聲鷓鴣催春晚。芳草連空遠。年年餘恨怨殘紅。可是無情容易愛隨風。茂林脩竹山陰道。千載誰重到。半湖流水夕陽前。猶有一觴一詠似當年。

又（同蔡寬夫置酒王仲弓出歌人聲甚妙）

東風一夜催春到。楊柳朝來好。莫辭尊酒重攜持。老去情懷能有幾人知。鳳臺園裏新詩伴。不用相追喚。一聲清唱落瓊卮。千頃西風煙浪晚雲遲。

又

數聲微雨風驚曉。燭影欹殘照。客愁不奈五更寒。明日梨花開盡有誰看。追尋猶記清明近。爲向花前問。東風正使解欺儂。不道花應有恨也匆匆。

又（寒食泛舟）

平波漲綠春隄滿。渡口人歸晚。短篷輕楫費追尋。始信十年歸夢是如今。故人回望高陽里。遙想車連騎。尊前點檢舊年春。應有海棠猶記插花人。

又（通堂睡起同吹洞簫）

綠陰初過黃梅雨。隔葉聞鶯語。睡餘誰遣夕陽斜。時有微涼風動入窗紗。天涯走徧終何有。白髮空搔首。未須錦瑟怨年華。爲寄一聲長笛怨梅花。

又（贈蔡子因）

梅花落盡桃花小。春事餘多少。新亭風景尙依然。白髮故人相遇且留連。家山應在層林外。悵望花前醉。半天煙霧尙連空。笑取扁舟歸去與君同。

減字木蘭花

黃花暫老。秋色欲歸還。艸艸花下前期。花老空歌鵲踏枝。狂醒易醒。不似舊時長酩酊。玉簫新涼數盡更籌夜。更長。

又（雪中賞牡丹）

前村夜半。每爲江梅腸欲斷。淺紫深紅。誰信漫天雪裏逢。醉頭扶起。宿酒闌干猶困倚。便莫催殘。明日東風爲掃看。

又（王幼安見和前韻復用韻答之）

粉消妝半。一曲陽春歌始斷。便覺香紅十倍光華。筓未逢。楊花吹起。猶自風前相枕倚。莫恨春殘。留取新詩仔細看。

木蘭花（二月二十六日晚雨集客湖上）

花殘卻似春留戀。幾日餘香吹酒面。濕煙不隔柳條青。小雨池塘初有燕。澹光縱使明如練。可奈落紅粉似霰。解將心事訴東風。只有啼鶯千種轉。

點絳脣

（晚出山榭春初植樹側近復生紫芝十一本）

高柳蕭蕭睡餘已覺西風勁。小窗人靜。淅瀝生秋聽。底事多情欲與流年競。殘雲暝。墜巾慵整。獨立芝蘭徑。

又（紹興乙卯登絕頂水亭）

縹緲危亭笑談獨在千峯上。與誰同賞。萬里橫煙浪。老去情懷猶作天涯想。空惆悵。少年豪放。莫學衰翁樣。

又（丙辰八月二十七日雨中與何彥亨小飲）

山上飛泉漫流水。下知何處亂雲無數。留得幽人住。深閉柴門聽盡空簷雨。秋還暮。小窗低戶。唯有寒蛩語。

鷓鴣天（與幹學賞梅）

不怕微霜點玉肌。恨無流水照冰姿。與君著意從頭看。初見今年第一枝。
人醉後。雪消時。江南春色寄來遲。使君盡是花前客。莫怪慙勤爲賦詩。

又（元夕次韻幹譽）

夾路行歌盡落梅。篆煙香細裊寒灰。雲移碧海三山近。月破中天九陌開。
追樂事。惜多才。車聲遙聽走隨雷。十年夢斷鈞天奏。猶記流霞醉後盃。

又（雨後湖上看落花）

小雨初收報夕陽。歸雲欲渡轉橫塘。空回雨蓋翻新影。不見瓊肌洗暗香。
追落景。弄微涼。尙餘殘淚溼空牀。祇應自有東風恨。長遣啼痕破晚妝。

又（續採蓮曲）

曉日初開露未晞。夕陽輕散雨還微。暗搖綿霧游條戲。斜映紅雲屬玉飛。
情脈脈。恨依依。沙邊空見棹船歸。何人解舞新聲曲。一試纖腰六尺圍。

又（次韻魯卿大錢觀太湖）

蘭茝空悲楚客秋。旌旗誰見使君遊。凌雲不隔三山路。破浪聊憑萬里舟。
公欲去。尙能留。盃行到手未宜休。新詩無物堪倫比。願探珊瑚出瑤鉤。

又（與魯卿晚雨泛舟出西郭用煙波定韻）

曉煙溪畔。曾記東風面。化工更與重裁翦。額黃明豔粉。不共妖紅軟。凝露臉。多情正是當時見。誰向滄波岸。特地移閒館。情一縷。愁千點。煩君搜妙語。爲我催清燕。須細看。紛紛亂蕊空凡豔。

又（小雨逢旦。東齋獨宿不能寐。有懷松江舊游。）

雨聲蕭瑟。初到梧桐響。人不寐。秋聲爽。低簷燈暗淡。畫幕風來往。誰共賞。依稀記得船篷上。拍岸浮輕浪。水濶菰蒲長。向別浦。收橫網。綠蕩衝暝色。艇子搖雙槳。君莫忘。此情猶是當時唱。

鷓鴣山溪（百花洲席上次韻司錄董庠）

一年春事。常恨風和雨。趁取未殘時。醉花前。春應相許。山翁倒載。日暮習池回。問東風。春知否。莫道空歸去。滿城歌吹也似春和豫。爭笑使君狂。占風光。不教飛絮。明朝酒醒。滿地落殘紅。唱新詞。追好景。猶有君收聚。

清平樂

水空相映。淡碧涵千頃。素練不收寒玉鏡。影落階無影。纖纖與捧金盃。暗香逐舞徘徊。雪盡玉容開徧。東風不管寒梅。

雨中花慢（寒食前一日小雨。牡丹已將開。與客置酒。座中戲作。）

痛飲狂歌。百計強留。風光無奈春去也。應知相賞。未忍相違。卷地風驚。爭催春暮。雨頓回寒威。

對黃昏蕭瑟。冰膚洗盡。猶覆霞衣。多情斷了。爲花狂惱。故飄萬點霏微。低粉面。妝臺酒散。淚
顆頻揮。可是盈盈有意。祇應眞惜分飛。拚令吹盡。明朝酒醒。忍對紅稀。

南鄉子（池亭新成晚步）

淺碧蘸鱗鱗。照眼全無一點塵。百草千花都過了。初新。翠竹高槐不占春。歌嘯墮綸巾。午醉
醒來尙欠伸。待得月明歸去也。青蘋。更有涼風解送人。

又（白後圃晚步湖上）

小院雨新晴。初聽黃鸝第一聲。滿地綠陰人不到。盈盈。一點孤花尙有情。卻傍水邊行。葉底
跳魚浪自驚。日暮小舟何處去。斜橫。衝破浪痕久未平。

又（癸卯種梅於西廡地瘦難立石間無花今歲十一月輒先開數枝喜而爲賦）

山畔小池臺。曾記幽人著意栽。亂石參差春至晚。徘徊。素景衝寒卻自開。絕絕照瓊瑰。孤負
芳心巧剪裁。應恐練裙驚綺夜。殘盃且放疏枝待我來。

卜算子（鳳皇亭納涼）

新月挂林梢。暗水鳴枯沼。時見疏星落畫簷。幾點流螢小。歸意已無多。故作連環繞。欲寄新
聲問採蓮。水濶煙波渺。

又（並澗頃種木芙蓉九月旦盛開）

曉雨洗新妝。豔豔驚衰眼。不趁東風取次開。待得清霜晚。曲港照回流。影亂微波淺。作態低昂好自持。水濶煙波遠。

菩薩蠻

湖光亭晚集○草堂集作重疊金○秋思

平波不盡蒹葭遠。清霜半落沙痕淺。煙樹晚微茫。孤鴻下夕陽。梅花消息近。試向南枝問。記得水邊春。江南別後人。

蝶戀花

薄雪消時春已半。踏徧蒼苔。手挽花枝看。一縷遊絲牽不斷。多情更覺蜂兒亂。盡日平波回遠岸。倒影浮光。卻記冰初泮。酒力無多吹易散。餘寒向晚風驚幔。

醉蓬萊

楚州上巳。懷許下西湖寄曾在之王仲弓韓文表。

問東風何事。斷送殘紅。都拚歸去。牢落征途。笑行人、羈旅。一曲陽關。斷雲殘靄。做渭城朝雨。欲寄離愁。綠陰千轉。黃鸝空語。遙想湖邊。浪搖空翠。絃管風高。亂花飛絮。曲水流觴。有山公行處。翠袖朱闌。故人應也。弄畫船、煙浦。會寫相思。尊前爲我。重翻新句。

南歌子

是日微雨。過午而霽。晚遂月出。次劉無言韻。

雨惜山容斂。雲矜棹影開。忽看霽色射林隈。爲問明亭清影爲誰來。盡洗歸時路。重傾醉後盃。未願霜雪遽相催。留得佳期猶在共徘徊。

採桑子（冬至日與許幹譽章遊道飯續善晚歸雪作因留小飲）

山蹊小路歸來晚。算雪繽紛。尊酒慙慙。邂逅相從只有君。全家住處無人到。元在重雲。此景誰分。萬玉參差更作羣。

石林詞終

石林詞跋

少蘊自號石林居士。晚年居卞山下。奇石森列。藏書數萬卷。嘯詠自娛。所撰詩文甚富。有建康集。審是集。燕語。後人合編石林總集百卷行世。外石林詞一卷。與蘇柳並傳。綽有林下風。不作柔語。矜人。真詞家逸品也。其爵里始末具載年譜及本傳。湖南毛晉識。

